

۲۹  
۲۱۲

توس

بِسْمِ اللَّهِ الرَّحْمَنِ الرَّحِيمِ

مُعَافَاةُ الْوَلَدِ لِلْأَبِ

عدد : ۱۲



تَوْفِيقُ الْقَوْلِ لِلْأَبِ

مؤلفی :

ضبا كوك آلب

ص. ۱۱۲

A.C.

113

تألیف و ترجمہ ہیأتہ تدقیق و قبول ایدلشد

استانبول — مطبعہ عامہ

۱۳۳۹

1339: 212  
A.C. 113



تورک  
بۆلگه مجلسی

مخالفه کالونیستلار

۱۲ : ۱۲

# تورک بۆلگه مجلسی

مؤلف :

ضیا کونک آلب

تألیف و ترجمه هیئت تحقیق و قبول اندامدار

استانبول — مطبعه عامره

۱۳۳۹



# (تورك توره سی) نه دائر تحریر

باش نفع

## ۱ — توره نه دیمکدر ؟

ساجو قیلرله ایلک عثمانلیلر دوره لریدن قالمه نعلملارمه (اوغور توره سی) درلردی . لطفی پاشا تاریخی عثمان غازینک اوغوز بکلری طرفندن خالغه اتخای سهو صورتله آکلاتیور : سزقانی نسلدنسکز ! بو ، اوغوز خاندن صوکر اوغور کلرینک آغلری و خانلری ایدی کونخل وصیتی ، اوغور توره سی موجبنه اوغوز نسلدن کیمسه اولمینجه خاناق و پادشاهلق فانی صوینی وار ایکن اور که بوی صوسنه دوشمز [۱] .

هر نه قد ، قیلاقلرمز «توره» کله سنی ، «اوغور» اسمله برابر ایشیتمهک آیشمشسه ده ، توره یالکیز اوغورلرک نعلملاریدن عبارت دکلدز . اورخون کتابه سنده ده بو کله یی کور ییورز : « انکین آر ایدی یوقسر کونک تورك آنجا اولورور ایرمش ، بیلکه قاغان ایرمش ، آلب قاغان ایرمش . بوروغی بیا بیانکه ایرمش ایرنج آلب ایرمش ایرنج بکلری بیا بودونی بیا توز ایرمش آنی اوچون ایلک طوتمش ایرنج . ایلک طوتوب توروک ایتش ، [۲] شو عبارده یی بوکونکی تورکجه چویریرسه ک شو شکلی آلیر : « ایکیسی آراسنده نکه بورکلر افندیلمز (یعنی حر و مستقل اوله رق اوطوز ییوردی . بیلجی خافانلر ایدیلر ، قهرمان خافانلر ایدیلر . بوتون بوروقلری بیلجی ایدیلر آلب ایدیلر . بوتون بکلری بوتون خلقلری ده غرو ایدیلر . بونک ایچوندرکه بوقدر بونک بر دولتی اداره ایده بیلورلردی ودولتی اداره ایدرکن قانونلر یاییورلردی . »

طومسهن بوراده کی (توروک) کله سنی (فانون) دییه ترجمه ایتش حال بوک ناشقه

[۱] عثمانلی تاریخی ، احمد راسم ، جلد ۱ ، صحنه ۴۱

[۲] inscriptions de Pörkhon و Thomsen p : 98

برپردە ( مؤسسەلر Les institutions ) معناسە آلمش : «تورك اوغوز بکلری بودونی ایشیدک اوزاتا کری باصماسار، آسرا یرتەلیمەسر، تورک بودون ایلینک، تورونک کیم آرتادی؟ [۱] شیمدیکی تورکجه یه نقلی : «تورك اوغوز بکلری و خلقلری ایشیدیکیز ! یوقاریدن کؤک باصمه دیسه آشاغیدن یردلیمەدیسە سزک دولتکیزی ومؤسسەلریکیزی کیم ییقدی؟» (تورو) و (ایل) کلهلرینی بومثاللرک برنجیسندە (توروک) و (ایلک) شکلرندە کافی، ایکنجیسندە (تورون) و (ایلین) شکلرندە نونلی کورییوروز. بونلردەکی (ک) و (ن) حرفلری لاحقەلردن عبارتدر .

(توره) کلهسنک شرق تورکجهسندە (تورو) شکلندە اولدیغنی سزه (دیوان لغات الترک) دە کوسترییور : بوکتابک اوچنجی جلدینک ۱۶۷ نجی صحیفەسندە (ترو) مادەسنى شو تعریفلرله کورییوروز :

ترو - رسم (قاعده) شو ضرب مثل بو مضای ایدر : ایل ییراقیلیر، تورو ییراقیلماز . بومثل آتالرک عادتنه رعایتک لزومی موقعندە ضرب اولونور . معناسی دولت پاخود اولکە ترک ایدیلەبیلیر، حرث ترک ایدیلەمز . تورک لک دوشمان انه کچن یرلردن ملی تودەرسنک حاکم اولدیغنی یرە کوچەسی، بومثلک حالا افادە ایدیلەکسزین روحلردە یاشادیغنه دلالت ایدر .

یوقاریکی مثاللر، بزه توره کلهسیله ایل کلهسنک اکثریا برابر قوللانیلدیغنی دە کوسترییور . (ایل) دولت معناسه، (توره) قانون معناسه اولونجه بو ایکی کلهنک اکثریا برابر ذکر ایدیلەسی طبعی اولور . بونکله برابر، توره کلهسنک مدلولی قانون کلهسنک کی کبی محدود دکلدیر . یازیلش یاسالردن باشقه یازیلماش تعامللردە تورهنک ایچندەدر . حتی، حقوقی توره دن باشقه، دینی و اخلاقی توره لردە واردیر . اوحالده تورک توره سنی اسکی تورکلره آتالرندن قالان بوتون قاعدهلرک مجموعی دیمکدر . توره کلهسنک تورک کلهسیله بر جوهردن اولمەسی ده خاطرە کلهبیلیر . باشقه یرلردە یازدیغیم وجهله صفداق کلهسی صفدلی معناسه اولدیغنی کبی تورک کلهسی ده توره لی معناسه اولەبیلیر . (ق) حرفی کبی (ک) حرفی دە نسبت و وصفیت اداتیدر . بوفرضیه کوره، تورک کلهسی توره کلهسندن چیقمشدر . مع مافیه، بوفرضیه هنوز تورکیانجیلر طرفدن قبول ایدیلەدیکی ایچون شخصی برفکردن عبارتدر .

## ۲ — تورك كنديسنى باشقەلەرنىڭ ئاھىلى ئايرىيوردى ؟

اسلامىتىن ئالدىنقى ، تورك ، كندىسىنى ئىككى نۇقتىلىق ئاھىلى ئايرىيوردى :  
(۱) لسان نۇقتىلىق ئاھىلى ، (۲) دىن نۇقتىلىق ئاھىلى .

تورك ، لسان نۇقتىلىق ئاھىلى كندىسىنى بىرلەشتۈرۈپ ، ئىككى نۇقتىلىق ئاھىلى ئايرىيوردى :  
قونۇش ئاھىلى ( سوملىم ) ئاھىلى ئايرىيوردى . ( دىۋان لىغاتى ) دەپ بىرلەشتۈرۈپ ،  
شۇنداقلا كۆرسىتىلگەن :

« سەملىم تەت » — اصلاً توركچە بىلىمىن ئىرانلى . بۇندىن باشقا توركچە بىلىمىن ھەر  
بىرلەشتۈرۈپ سەملىم ئاھىلى . [۱]

اۋىلدا ، ئىككى نۇقتىلىق ئاھىلى ، تورك نۇقتىلىق ئاھىلى سوملىم ئاھىلى :  
قونۇش ئاھىلى بۇتۇن قوملىرىنى سوملىم ئاھىلى .

تورك دىن نۇقتىلىق ئاھىلى كندىسىنى بىرلەشتۈرۈپ ( تەت ) ئاھىلى ئايرىيوردى . دىۋاندا  
بىرلەشتۈرۈپ شۇنداقلا كۆرسىتىلگەن :

« تەت » — بۇتۇن توركلار كۆرۈنۈشى ئىرانلى . شۇنداقلا بىرلەشتۈرۈپ : تەت  
كۆزىنى ئاھىلى ، ئىككى نۇقتىلىق ئاھىلى . بۇ ئىككى نۇقتىلىق ئاھىلى كۆزىنى ئاھىلى  
چىقارغانلىقى ، تەت ئاھىلى ، تەت ئاھىلى كۆزىنى ئاھىلى . باشقا بىرلەشتۈرۈپ  
دىۋاندا : ئاھىلى تورك ئاھىلى . ئاھىلى تورك ئاھىلى . ئاھىلى تورك ئاھىلى .

تەت — ئىككى نۇقتىلىق ئاھىلى ئاھىلى ئاھىلى . ئاھىلى ئاھىلى .  
ئىككى نۇقتىلىق ئاھىلى . بۇ ئىككى نۇقتىلىق ئاھىلى . تەت ئاھىلى .  
ئىككى نۇقتىلىق ئاھىلى . بۇ ئىككى نۇقتىلىق ئاھىلى . [۲]

بۇ ئاھىلى ئاھىلى ئاھىلى ئاھىلى ، ئاھىلى ئاھىلى ،  
ئاھىلى ئاھىلى ئاھىلى . ئاھىلى ئاھىلى ، باشقا بىرلەشتۈرۈپ .  
ئىككى نۇقتىلىق ئاھىلى . ئاھىلى ئاھىلى ، ئاھىلى ئاھىلى ،  
ئىككى نۇقتىلىق ئاھىلى . ئاھىلى ئاھىلى ، ئاھىلى ئاھىلى ،  
ئىككى نۇقتىلىق ئاھىلى . ئاھىلى ئاھىلى ، ئاھىلى ئاھىلى ،  
ئىككى نۇقتىلىق ئاھىلى .

[۱] جلد ۱ ، صفحہ ۴۰۳

[۲] جلد ۲ ، صفحہ ۲۲۴

تات و تاوواج تركيندن ده ، چينلر تات نظريه باقيلماديني آ كلاشيلور . ديمك كه اسكي توركلره چينلر آراسنده دني ومدني بر مشاركت واردى . چيني ، حرنجه توركدن آيرى اولديني ايجون ، اوكا تورك دينيله مزدى . مدنيتجه توركله مشترك اولديني ايجون اوكا فارسيلر كې تات ده نيله مزدى . بوندن دولايده چينلر ، تاوواج آديله ايكي سندن ده آيورد ايديلوردى . تاوواج كلمهسى ديوان لغاته كوره چيني معناسه كلديكى كې ، قديمده قالمه عظيم مصنوعات معناسه ده كلير . بوندن باشقه ملكى عظيم وقديم اولان حكمداره ده تاوواج خان دينلديكنى سويلور .

اوزمان توركستانده كى تلقى بوندن عبارت مش . فقط اسلام ديارنده تات و تاوواج تعميرى فارسى و تورك معناسه تلقى ايدر لر مش . ديوان لغات برنجى تلقينك دوعرو اولديغى ، فقط ايكي سنك ده كوزل اولديغى سويلور . [۱]

تاوواج كلمهسى تات جوهريله غاچ وصفيت ادا تندن مركبدر . تات كلمهسى ديوان لغاته كوره مكر وحيله معناسه در . [۲]

بوصونده تاوواج كلمهسى قندلى معناسه كلير . اورخون كتابه سنده ، چينلرله قنديله توركلرك بربرينه كچديكى آ كلا تيلر كن قند معناسه اوله رق تات كلمهسى قوللا نيلمشدر ؛ طومسه ن بوكه ي ( جاذبه و فسون Aménité et charme ) صورتنده ترجمه ايتمشدر . [۳] اسلام تندن اول ، توركلر ، چينلرلى يكانه اوله رق آييق و بيلكىلى طانيور لردى . اورخون كتابه سى چينلرله توركلره كندى آييق و بيلكى لر ي و برديكنى سويلور . طومسه ن آييق كلمه سى مدنيت ، صورتنده ، بيليك كلمه سى بيلكى صورتنده ترجمه ايتمشدر . [۴]

اورخون كتابه سنده كوك توركلرك چينلرله سياسى مناسبتلردن باشقه مدنى رابطه لر ده اولدينى آ كلاشيلور . چين ايمپراطوريتك كتابه لرك يازيله سى و بارق لرك باييلمه سى ايجون صنعتكارلر و بوخلر مظهر كوندرمه سى ده بونى كوستير ، اويغورلر ايسه ، چين مدنيتنه داها بويوك قيمت و برر لردى . ( كتاب العلم النافع ) بوجه تى كوزلجه آيدىنلاتيور :

[۱] جلد ۱ ، صفحه ۳۷۸

[۲] جلد ۱ ، صفحه ۲۷۸

[۳] اورخون كتابه لرى ، صفحه ۹۹

[۴] صفحه ۱۱۶

اویغورلرک اسکی ادبیاتندن پک آزشی قالمشدر . اوروپا عالمینجه معلوم اولان اویغور لهجه سنده یازیلش بو آزمقدارده ال یازیلرینک هپسی اسلامیتک قبولدن صوکر ا یازیلشدر . ومالك بولونديغمز الك اسکی ال یازیسی ۱ نجی میلادی عصره قدر چیقہ بیلیر . ما - تعان - لین آدی برچین مؤلفنک ، علاقہ دار برولايت (Autorité) ک میلادی ۱۲۰۰ تاریخنه دوغرو یازدینی برتقریری اولجه کورمشدک . بوتقریر بزه دیورکه اویغورلرده چینلیرک (شی - کینگ) لر ، (لوقایلد) لر ، (هیاثو - کینگ) لر نامنده کی کتابلریله سلاله لرک شاعرلری و مورخلری موجوددی . اویغور کنجلیکی ورئیس لرک اوغوللری تربیه لرینی مکتبه آیلرلدی . بونلریالکمز اوقومی یی اوکرنمکله قالمالزلدی . ییتلر وشعرلر ابداعنه مقتدر اولورلردی . [۱]

تورکلرک چینلیرله مناسبتی میلاددن ایکی یوزسنه اول حکم سورن (هیونگ-نو) یعنی (هون) نامنده کی تورک دولتی زماننده ده موجوددی . میلاددن ۱۷۴ سنه اول ، چیندن تورک حکمدارینه برپرنس کتیرمک اوزره تورک سراینه کلن ( چونغ-هانغ - یوئه ) اسمنده کی چینلی سفیر ، تورکلرک چین مدنیتنه قارشى کوستردکلری تقلید تمایلی تورک حیاتی ایچون مضر کوردی . بوذات ، تورکلری سودیکی ایچون تورک سراینده قالدی ، بر داها چینه دونه دی . بوزمانده تورکلر مظفریت و ملی اتحاد نتیجه سی اوله رق زنکینلشمیلدی اوکلرنده چین حرثی کبی آلاشه ، دبدبه دالمش یکی بردنیا کوربیورلردی . بوحرثک ییه جکلری ، کیه جکلری ، مودالری یاواش یاواش تورکلرک آراسنه کیرمکه باشلامشدی . چینلی وزیر ، بو حالک تهلمکله لرینی کوستریبور ، اونلری اویانمغه دعوت ایدیورلردی . تورکک بوتون ایشی کوچی یا صیق آغاجلی اورمانلرده آوه کیتمک یاخود اووالرده صاییسز سورولرینی اوتلامقادی . بویله بر حیات یاشایانلره ، چینده دوقونولان ایپکلی قوماشلر دکل ، کندیلرینک یایدقلمی دریدن وکوردکن البسه لر الیریشلی ایدی . یوغورت ، قیز ، پییر ، تره یاغی ، قایماق کبی سوددن یاپیلان ییه جکلر ، لذیذ آو ائلریله سورولرینک بسیلی حیوانلری چین یمکلرندن داها فائده لی وداها کوزلدی . اکر تورکلر ، چینلیرک عادتلرینه اویارلرسه ، اونلرک جیوبات و ذخیره لرینه ، ایپکلی البسه لرینه آلیشه جقلوندن برکون چین دولتنک حاکمیتی آلتنه کیرمینی اوقدر فنا کورمیه جکلردی .

چینلی سفیر ، دائما ، حکمداره ، تورک ایلمنک آتالردن قاله تورهلردن آیرلامه سنی



اوکود ویریوردی . چونکه بوتوره لردرکه او شانلی آتالری یکیلمز قهرمانلر درجه سنه چیقارمشدی . بواو کونلره باشقه نصیحتلرده علاوه ایدیوردی . حکمدار تبعه سنک نه قدر نفوسدن عبارت اولدیغنی مختلف بویلرک ، اوبالرک نه قدر سورولری بولوندیغنی بیلدی ایدی . چونکه ، نفوس و اموالک مقداری معلوم بولونورسه ، برکون چین علینه سفر آچیلدیغنی زمان ، بویوک و مهمانلی اردولر طوبالانمسی ممکن اوله جقدی .

چینلی وزیر ، چینلیرک غرورینی قیرمق ایچسون چین ایلچیلرینه ، فضله عظمت کوسترمه سنیده تانزویه ( تورک حکمدارینه ) توصیه ایدیوردی . چین ایمپراطوری ، تانزویه مکتوب یازدیغنی زمان بویله باشلاردی : « ایمپراطور ، هیونخ-نولرک تانزوسندن احترامله رجا ایدرکه ... » ورقه نك بویوککی معین بر قطعه اولوردی . چینلی سفیر ، تانزویه ، مکتوب یازارکن ، بوندن داها بویوک قطعه ورقه لر قوللانمسی و مکتوبک باشه : « کؤک ایله یرک دوغوردیغنی ، کونشله آیک تخته کچیردیکی هیونخ-نولرک بویوک تانزوسی ، چین ایمپراطورندن رجا ایدرکه .... » دییه یازمه سنی توصیه ایتدی ( چونخ-یانغ - یوئه ) هرفرسته ، تانزونک سراینده بولونان و بالخاصه چین ایمپراطوری طرفندن براموریتله کوندریلمش اولان چینلیره قارشى تورکلرک فضیلتی اوکیوردی ، تورکلرک حرجه چینلیردن داها یوکسک اولدیغنی سوبیلوردی . چینلیر اوکا اعتراض اوله رق « تورکلرک اختیارلری حقیر کوردکلرینی » بیان ایدیورلردی . سفیر جواباً « چینه برچوق خدمتلردن صوکرآ کچینه جکدن محروم براقیلمش نیجه اختیارلر بولوندیغنی » سوبیلوردی . اگر ، تورکلر یالکیز محاربه ایله مشغول ایسه لر ، بو ، ملتک سلامت و سعادتی ایچوندور . اختیارلر وضعیلمکدن دولای حربه کیده مهینلر یاشامق لوازمه مالک بولونورلر و دشمنه قارشى امین بروضعیتده درلر . بابا ایله اولادلر قارشیلقلی اوله رق بربرینی طوتاولر . بناء علیه ، تورکلری اختیارلره حقارت ایتمکله اتهام ایتمک حقسزدور . چینلیر ، تورکلرده بابالره اوغللرک عینی اوتاغده اوتانقمسزین برابر یاتدقلرینی ، بابانک وفاتنده اوغلنک اوکی آنه سنی آله بیلمه سنی ، برادرک وفاتنده قارده سنک یتکه سنی آله بیلمه سنی ذکر ایدرک تورکلری ذم ایدیوردی . ( چونخ - یانغ - یوئه ) ایسه دائما تورکلرک چینلیردن اوستون اولدیغنی اثباته جالیشیوردی . دییوردی که « تورکلر حیوان ائلرندن باشقه برشی یملر ، سوددن باشقه برشی ایچملر . دریدن باشقه برشی کیمزلر . ضاییسز سورولرینی اوتلاقلرده ، ایرماق قیلرنده کزدیریرلر . موسملر دیکشدکجه اولورده

یرلرینی دیکشدریرلر . بیه جکلری قالمادیمی ؟ در حال آته بینه رک آوه کیدرلر . بوللق ایچنده یسه لر، کیفلرینه باقلرلر؛ هیچ برشینک قایغوسنی چکمز لر . قاعده لرینی دیکشدریمکدن خوشلانمازلر . براوغولک اوکی آنه سیله ، قارده شک ینک سیله اوله نه بیلیمه سی، اوجاقلرک ذریتسز قاهره سونمه مه سی ایچوندور . شیمدی به قدر (هیونغ - نو) لر آرا-سند ، بوقدر قاریشقاقلر چیقدینی حالده ، هیچ برزمان ، اسکی سالاله یرینه ، باشقه برعائله دن بر بکلر تخته کچیرلدیکی ایشیدیله مشدر . چینده ایسه باعکس ، اوتنه دنبری سالاله لر بری برینی بوغازلامقله اوغراشمشدر . دائما یکی بر متغلب چیقهرق ، اسکی سالاله نی قالدیرمش ، کندیس یکیدن بر ایمبراطوراق خاندانی قورمه مشدر .

بووندن دولاییدرکه چینده دائما بوتون اسکی قاعده لرک ییقیلدیغنی کوریوروز . چینلیر خلقی دوشمان تهلکه -سندن امین بر حاله قویق ایچون ، سورلرله تحکیم ایدیش شهرلر پایبورلر ؛ فقط ، خلق محومه اوغرادینی زمان ینه سورلر یوزندن کندیسنی مدافعه ایدمه یه رک تسلیم بایراغی چکمه کک مجبور اولویور [۱] .

بوفاده لر بزه تورکلرک چیندن مدنیت آلمغه تهالک کوستردکلرینی ، فقط ، تورک حرشک یرینه چین حرثی اقامه ایتمکدن صاقدقلرینی کوستریور . اورخون کتابه -سند بیلککن خان کندی ملته بو غایه نی نه کوزل آ کلاتیور :

« ای تورک ملتی ، اگر او اولکجه کیدرسه ک اوله جکسک . فقط ، ایچنده نه زنکیلک، نه ده کدر بولونمایان اوتوکن اولکسند قاهره ، کروانلر قافله لر کوندیررسه ک ابدی برسلطنتی محافظه ده دوام ایدمه جکسک » [۲]

شبه سز ، تورکلرک چینه کتیمه لری ، چین حرثی ایچنده باع اولونمه لری دیمکدی . حال بوکه اوتوکنده قاهره کروانلر ، قافله لر کوندیرمه لری، ملی تورک حرثی غائب اتمه دن، چین مدنیتدن فائده لهنه نی تأمین ایدردی .

تورکلرک ملی حرث حقده کی بواندیشه لری ، منقبه لده ، افسانه لده بیله کورولور . یوغو خان منقبه -سنگ نهایتده ( یولون تکین ) آدی بر تورک خاقانک ( قوت داغ ) نی اوغله ویریلن چین برنسنه مقابل ، چین ایمبراطورینه هدیه ایتدیکنی و بووندن دولای اوزرنده اوطوردقلری طوبراغک حکمدارله زابر ملتنی اوزرنده اوطورمه دن منع ایدمه رک

[۱] ده کینی ، جلد ۱ ، قسم ۲ ، صیفه ۳۷

[۲] اورخون کتابه لری ، طومسن ، صیفه ۱۱۷

کوچه اجبار ایندیکنی افاده ایدیور [۱] . اوزمان تورک دولتنک ظفر طلسمی طانیلان بو ( قوت داغ ) نی ملی حرکنک برتمالی صایارسق حقسزلقمی ایتمش اولورز ؟

### لاحقه

( تاتار ) کلهسی ( تات اری ) تعیرندن مرخم اولسه کرک . دده قورقود کتانبنده ( تات اری ) تعیری وار . تورکر ( تاتار ) صفتی جاهل یعنی تورمسز اولان مغوللرله تونفوزلره اسناد ایدرلی . ( تات ) ایله ( تاتار ) آراسنده کی فرق ، عرب لساننده ( کافر ) ایله ( جاهلی ) آرسنده کی کیدر . تاتارلرده قان دعواسی، غزوه کی عشیرت عادتلی هنوز یاشیوردی . تورکک جاهلینه ( تاتار ) دنیلوب دنیلمدیکنی بیلمیورم .

### ۳ - اجتماعی تصنیفلر

کچن فصلده کی سوزلردن آکلاشدی که اسلامیتدن اول، تورکر، فارسیره کافر نظریه باقدقلرندن ایران مدینه قیمت ویرمیورلردی . چینلیله قارش ایسه برنوع احتراز کار حرمتلی واردی . تورکرک چینلیله کوستردکلی بوتایل، چین حرثی ایله تورک حرثی آراسنده مشترک بعض مؤسسهرک بولوندیغنی ایما ایدر . ملئر آراسنده مشترک اولان مؤسسهرک مجموعه « مدنیت » آدی ویریلر . عجا کرچکدن چینلیله تورکر آراسنده مشترک مؤسسهر و باشقه تعیرله مشترک برمدنیت وارمیدی ؟ بویه برمدنیت وارسه باشقه ملترلده بوکا داخل اولما ملئر میدی ؟

( دورقائم ) ایله ( موس ) ک L'année sociologique ک ۶نجی جلدنده نشرایتدکلی ( تصنیفک بعض ابتدائی شکلاری ) عنوانلی مقاله، بزم چینلیله، مغولر، تبتیلر، قامبوج-لیر، سیامیلر آراسنده مشترک اولان برطاق ابتدائی تصنیفلر بولوندیغنی کوسترمکده در . وقیله ( ملی تبعلر مجموعه سی ) نک ۴نجی صایسنده نشرایتدیکم برتدقیقنامه ده تورکرده ده بو تصنیفک بولوندیغنی وحق سیریاک قوریاقلر وشوقشهر کی ابتدائی قوملرنده بونک بعض ایزلرینه راست کلندیکنی کوسترمشم .

[۱] کتاب علم النافع صحیفه \*\*

بو ابتدائی تصنیفلر ابلک نظرده اهمیتز کورونور. برمدنیک تملنی بویه اساطیره مربوط تصنیفلرک تشکیل ایدمه جگنی اعتراض اوله زق ایلری سوندلر بولونه بیلیر. فقط دورقایم ایله موس، بو تصنیفلرک یالکیز موجودیتی خبر ویرمکه قالمادیلر، بونلرک بر طرفدن او زمانکی اجتماعی منطقه اساس اولدقلرینی، دیگر جهندن ده ایچنده تشکلی ایندکلی زمانده کی اجتماعی تشکیلاتلرک دوغری بر معکسلری بولوندقلرینی میدان قوبیدیلر. بالا آخره، «دورقایم»، «دینی حسیاتک ابتدائی شکللری» آدلی کتابنده، (موس) ده (هوبه) له برابر مشترکاً نشر ایندکلی «دین تاریخنه دائر تدقیقلر» نامنده کی اثرده بو مسئله یی تعمیق ایندیلر: «لهوی بورول» ده «ابتدائی جمعیتلرده روحی فموله لر» آدلی کتابنده بو تصنیفلرک وجوده کتیردیکی ابتدائی منطق تحلیلله وبوندن علمی (منطق) ناصیل کچیلدیکنی کوسترمکه چالیشدی.

بو ابتدائی تصنیفلر، چنده خلق تاؤئیزمنک اساسی و «yi-king» آدلی مقدس بر کتابک ده موضوعنی تشکیل ایدر. چینلیر اسکی زماندن بری (تەقیق) لر یعنی (قیه) لر اعتباریه چوق ایلریش بر ملت اولدینی حالده، بیلکی نقطه نظرندن بوکون بیله ابتدائی برسویه ده در، چونکه، چین بیلکیسی، حالا بو ابتدائی تصنیفلرک چرچیوم لرندن قورتو- لامشدر. ایلریده کوروله جکی وجهله بر بنا یایله جنی، بر مرزاو یری انتخاب ایدیله جکی، بر یولجیلغه جقیله جنی زمان هانکی حرکتک اوغورلو یاخود اوغورسز اولدینی آنجیق بو تصنیفلر کوستیرر. چینلیر بوفالنامه یه مراجعت ایتمدن هیچ بر ایشه باشلامازلر.

تورکلرک اسکی کتابلری غائب اولدینی ایچون، بونلرده ده بر فالنامه نیک بولونوب بولونمادیغنی بیلیمورز. فقط، تورکلرده اجتماعی تشکیلات تمامیه بو تصنیفلره اوینون اولدینی کبی، تورکلرک دینی، حقوقی، اخلاقی توره لری ده بو تصنیفلردن متأثردر. بن بو کتابده، اسلامیتدن اولکی تورکلرک (۱) دینی توره سنی، (۲) حقوقی توره سنی تدقیق ایدمه جگم. بو توره لری تدقیق ایدرکن، اقصای شرقه (اوزاق شرقه) مخصوص اولان بومشترک تصنیفلره تصادف ایندیکه، مدنیتداش اولان قوملرک تصنیفلریله مقایسه لریا به جفم. تورکلرک وقیله داخل بولوندینی بومشترک مدنیه (اوزاق-شرق مدنیتی) دینیه بیلیر. تورکلر، اسلامیتدن صوکر، بو مدنیتی بیراقه رق (شرق مدنیتی) نه کیردیلر. تنظیماتدن بری ده «ضرب مدنیتی» نه کیرمکه چالیشورلر. دیمک که تورک حرشک تاوینخی یا به بیلیمک ایچون، اولاً اونک بو اوچ مدنیه آیری آیری تشکیل ایندیکی متقابل انطباقلری تدقیق ایتک لازم!

## برنجی کتاب

اسکی تورکلرده دین

### برنجی بحث

#### ۱ - تسینلرک دینی

تسینلرک دینی دورتلی تصنیف استناد ایدر. آشاغیده آوره جکمز وجهله چینلیر بوکا مرکزی ده علاوه ایده رک ( بش عنصر ) سیسته منی وجوده کتیر مشلر دره. بو اعتقادک منشائی آرایان ( ادوارد شامران ) ، بو تصنیفی مربوط بولوندینی دینله برابر تورکلرک وجوده کتیردیکنی وتسین تورکلرینک بونی چینه ادخال ایتدیکنی شوصورتله بیلدیریور: « بش عنصر نظریه سی چینه دوغماشدر . ( قبل المیلاد ۳۷۰ - ۳۳۵ ) ده Wei اولک سنک حکمداری Tcho زماننده یاشایان Tseou Yen در که چین مملکتنده ایلک دفعه بوندن بحث ایتدی . فقط بونک تله نلری عکس صداسز قالدی ، چینی روحنه درین بر صورتده نفوذ ایده مده دی .

عنصرلر عقیده سی چین تاریخنده آنجق che Houang-ti دن صوکر اهمیتلی بر موقع آله بیلدی . فی الحقیقه ، بو حکمدار ( حیو ) عنصرینک برکتیله حکم سوردیکنی اعلان وبوتون اولچولری وقانونلری بو عنصرک خاصه لرینه کوره تعیین وتقریر ایتدی . بونکله برابر بو حکمدار آتالرینک ، ثانی تعقیدن باشقه برشی یاپمادی . چونکه عنصرلر نظریه سنک اساسی Toin حکمدارلرینک چوق اسکی بر زماندنبری یوقاریده کی دورت حکمداره کسدکلری قوربانلرده مندبجدر :

یشیل خان ، صاری خان ، قزیل خان ، آق خان . او حالده ، عنصرلر نظریه سنک پک اسکی بر زماندن بری tin مملکتنده موجود اولدینی کورونور کی اولویور . فقط تسین اولکسی یابانجی بر دولت اولدیفندن exou-yen طرفدن کندیلرینه اوکره تیلنجه یه قدر چینلیر بونک جاهلی قالدیلر و آنجق تسین پرنسلی بوتون چینه حاکم اولدقدن وخارجدن

کتیردکری بوفکرلری بونلره زورله قبول ایتدیردکن صوکرادکرکه قطعی بر صورتده قبول ایتدیلر .

مع مافیه ، چینلیلر بونی تبدیل ایتدکن صوکره قبول ایتدیلر . فی الواقع (جه تویهن) داها بدایتده بش عنصردن بحث ایتدی واوندن صوکره ، دائماً عنصرلر بش صاییلدی . فقط ، پک اسکی زمانلرک اعتقادلرینی دکیشدیرمهدن محافظه ایدن دین ، تسین اولککسندمه یالکنز یوقاردهکی دورت خانه عبادت ایدیلدیکنی خبر ویریور . او حالده ، او زمان یالکنز دورت عنصر بولوندینی آکلاسیلیور .

وقتاکه (هان) سلاله سنک مؤسسی اولان چینلی (Lieou Tang)، تسین اولککسینی اله کچیردی ، تسین بکلرینک یوقاردهکی دورت خانه عبادت ایتدکلیرینی کوردی ، [قبل المیلاد ۲۰۵] تعجبی بوضورتله افاده ایتدی . « بن کوکده بش سلطانک بولوندینی اوکره نمشدم . حال بوکه بوراده دورت دانیه اینانیلیور . بونک حکمتی نهدر ؟ ، کیمسه بومسئلهینی ایضاح ایدمه دیکی ایچون ، کندی شو یوله جواب ویردی : « آکلادم ، بونلرک بشه بالغ اولمسی ایچون بن بکله نیوردم . « ادوارد شاوان ، بوسوزلری سوبلدکن صوکره ، سبادهکی خاتلر ، عنصرلر منظومه سنک خصوصی بر حالی اولدینی ، عنصرلر تورکرده دورت ایکن چینلیلرک اوکا بر بشنجی علاوه ایتدکلیرینی ، تسینلرک تورک اولدینی ، [۱] تورکر دورت جهته مرکزی قاریشدیرمازکن ، چینلیلرک بوغمنهینی تورکردن آلهرق دورت جهته مرکزی ده علاوه ایتدکلیرینی آکلاسیور . [۲]

بو افاده لردن آکلاسیلیورکه دورتلی تصنیفی چینه ادخال ایدن تسین سلاله سیدر . تسین سلاله سی چینده ایلك دفعه اولهرق میلاددن ۲۱۶ سنه اول امپراطورلانی وجوده کتیردیلر . ادوارد شاوان ، تسینلرک تورک اولدینی ادعا ایدیور . او حالده ، تورک دینته تسینلرک دینله باشلامقده حقی یز . ذاتاً تصنیفک دیگر تورک شعبه لرندمه ایزلری اولدینی ایلریده کوره جکنز .

بو تصنیفک تفصیلاتی چینلیلرک ( تائو ییزم ) نده کوردورز . ( تائو ) چینجه ( طبیعت )

[1] Le Cycle ture des douze animaux, édonoird chavannes Leide 1906 page. 18-50

[۲] تسینلر ، تخسینلر اوله بیلر . بوکله لرک تذن = طوسون کله سنه ارجامی ده فرض اولنه بیلیر . چین اسمی تسین عنوانندن حصوله کله سدر .

یاخود (بول) دیمکدر . تاؤئیزم بر نوع (طبیعتچیلک Naturisme) در . بو ، دینی بری برینه تداخل ایتیش بر طاقم منظومه لردن مرکبدر . استناد ایندیکی اک اساسلی عده لردن بریسی فضائک دورت اصلی جهته کوره تقسیمدر . [۱]

بوجهتلردن هر برینه ، اونک اداره سنه موکل اولان بر حیوانک اسمی ویریلیر :

شرقده	کوک اژدرها
جنوبده	قزیل قوش
غربده	آق قاپلان
شمالده	قاره قاپلو مباحه

هر جهت ، کندی حیوانک آدینی آلیر ومختلف حاللره کوره اوغورلو یاخود اوغورسز صاییلیر . فضایی اداره یه مأمور اولان تمثالی حیوانلر ، سما کی بری ده اداره ایدرلر . برته یاخود جغرافی برتشکل قاپلانه بکزه دیمی ؟ تاؤئیزمه کوره ، بو ، قاپلاندر . بناء علیه غربده در . بر اژدرهایه بکزییورمی ؟ او حالده اژدرها در و شرقده در . بر یردن کوچ ایدیه جکی زمان اطرافده کی اشیایه باقیلیر . اکر بونلر کندی جهتلرینه موافق شکللره مالک ایسه لر مثلا غربده بولونانلر قاپلانه ، شرقده اولانلر اژدرهایه بکزییورلرسه بو کوچ اوغورلو دیمکدر . [۲]

فضائک دورت جهتی ، برر برر سنه نک دورت موسمنه تقابل ایدر [۳] :

شرق	ایلك بهار
جنوب	یاز
غرب	صوک بهار
شمال	قیش

فضائک مرکزی ده نظر اعتبار آلتجه دورت جهته برابر مجموعی بش اولور . بوصورتله بش عنصردن هر بری بوبش سمعدن بریله ارتباط پیدا ایدر . بونک بر مثالی تبیت عنعنه لرنده کورییورز :

[۱] ۶ ، ۶ ، مجله ۵۶ ، L'année Sociologique

[۲] مذکور کتاب ، مجله ۵۶

[۳] Les fonctions mentales dans les sociétés inférieures, Levy-bruhl, page

«بوخصوصی الاهرک فوقنده، بولوتلرک واحتمالکه عمومی بر صورتده مظلم سمانک تشخصندن عبارت اولان (کوک اژدرها) وارد که فیرطنه قوباریر، خیرکار یا غمورلریاغدیرر، صولری طغیان ایتدیرر، طاعونلر، صالغین خسته لقلر کوندیرر. بو تمامیه موغوللرک و چینلیرک اژدرها سیدر. بونک بر یوزنده بردوشمانی وارد که (قیزیل قاپلان) در. بو قاپلان اکثریا بش تمثال ایله ارانه اولونور: بری سرکرده در که طوبراغی تمثیل ایدر. دیکرلری دورت جهتمه اولوب آفاج (کوک)، معدن (قیزیل)، آتش (آق)، صو (قاره) دنکلرنددر. بونلر تورکلر، موغوللر، چینلیر، آناملیلر نظرندده مشترکاً محترم طانیلان بش عنصردر.. بو بش عنصر حالا رسمی ساحرلرک آیینلری اجرا ایدرکن طاشیدقلری بش بایراقده (سا-کیا-با) لامالرینک کندی زاویه لرینی تلوین ایتدکلی بش رنگده وبالخاصه بودانک تجایلری اولان بش اقدینک متعاقب زمهره لرینک ایزلرینی محافظه ایدیور [۱].»

سیاره لردن هربری ده بو بش عنصردن برینه مربوطدر: (زهره) معدنک، (مریخ) آتشک الی آخره بیلدیزلیردر [۲] بوبش عنصرده بش سمت کبی اوز ویاووز قوتلی، ضعیف، والدومولودورلر [۳] عجباً دورت جهتک بو عنصرلره، رنگلرلره، موسملره، دوت حیوانک اسملریله نه مناسبتلری وارد؟ (ادواردشادان) کتابنده کی قصه برفقره، بزه بو معمانک آناختارینی ویریور:

«Li Ki نك yne ling صحیفه سنده کی) آلبش امرلری دییورکه سمانک اوغلی ایلک بهارک اوچ آینده (قویون، یازک اوچ آینده (خروس) سنه نك اورته سنده (اوکوز)، صوک بهارک اوچ آینده (ایت) قیشک اوچ آینده (طوموز) اتی بر. [۴].»

بوندن آکلاشیلیورکه تسینلر داها عشرت حیاتی یاسارکن، عشرت دورت بطندن مرکبدی. هر بطن، ادر وکاهک برجتهنی کندیسنه تخصیص ایتدیکی ایشچون، جهتلر، بطنلرک تمثالی رنگلریله ملوند. هر بطنک بر توتنه می وار که بر حیوان اسیدر. هر بطن کندیسنه بر موسمی مقدس زمان اختیار ایتدیکندن، کندی توتنه می خصوصی معبودینه، وینه کندیسنه خاص اولان موسمه قوربان ایدر. عنصرلردن هر بری ده بطنلردن

[۱] Le Turkestan et le Tibet, grenoird page ; 902

[۲] L' année sociologique, t. 1 : G. p : 58

[۳] ایضاً

[۴] مذکور کتاب صحیفه ده ۳۳



برينك تمثاليدر . عموم عشيرتك توتهمی ايسه ( اوکوز ) در ، بوندن دولاييدركه سنهك اورتهمسند دوت معبودك باباسنه اوکوز قوربان ايديلير .

بو ايضاح ، دورقابلك يوقايدمه ذكر ايتديلمز ايكي اثرنده قبول ايتديكي ايضاح طرزندن آلين در . دورقايم ، ابتدائي جمعيلرده كي ديني تصنيفلرله اجتماعي تشكيلاقي قاريشديره رق برنجيلرك ايكنجیلردن دوغديغني اثبات ايتمشدر .

دورت عنصرك تمثيل ايتديكي معبودلره ، اورخون كتابه سنده ( يرصو ) لر آدي ويريليور . ( رادلوف ) ه كوره آلتاي توركلرنده ۱۷ حد واردر . بونلرك اك مركزده بولوناني ( ادغان ) آديني طاسيور ادغانك ايكي اوغلي واردر كه بريسي ( دميرخان ) ، ديكری ( صو خان ) در . [ ۱ ] ايكي عنصرك معبودلغني بو اسملرده كوربيورز . بدايتمده ( آغاچ خان ) ايله ( اودخان ) ك موجود اولديني بو ايكي اسمدن استدلال اولونه بيلير . ذاتاً يرصولرك بدايتمده دوت ايكن ، صوكرادن اوچه ، داهاصوگرا سكزه والك صوكراده اون بدی يه ناصل چيقديغني سبيليله برابر كوره چكز . سادان دييور كه بودرتلي تصنيف ، توركلرده باشقه ، چينيليرده باشقه تورلودر . چونكه . اول ، چينيليرده عنصرلرك صايبسي بش اولديني حالده ، توركلرده دورندر . ثانياً چينيليرده غربيك عنصری ( معدن ) اولديني حالده توركلرده روزكازدر . توركلرك دورت عنصری هنديللرك عنصرلر تصنيفده بكمزه مز . چونكه هنديللرده آغاچ عنصری يرينه طوپراق عنصری واردر . او حالده بو عنصرلر منظومه سي خالص تورك منظومه سيدر .

بو تصنيفده توركلرك دورت حيواني ده چينيللرك حيوانلرندن باشقه در .

( توركلرجه )	( چينيلرجه )	( جهتلر )
قويون	ازدرها	شرق
خروسي	قوش	جنوب
كوپك	قابلان	غرب
طوموز	قابلومباغه	شمال

او حالده ، توركلرك درتلي تصنيفي شو وجهله اجمال ايديله بيلير :

[ ۱ ] اوغوزلرده ( ادغان ) . ( كوك خان ) ، دمير خانه ( طالع خان ) ، صو خانه ( دكر خان ) آدلري ويريلير .

( جهتلر )	( موسملر )	( يرصولر )	( عنصرلر )	( حيوانلر )
شرق	ايلك بهار	كوك خان	آلاج	قويون
جنوب	ياز	قزىل خان	آتش	خروس (طاووق)
غرب	صوك بهار	آق خان	دمير	ايت
شمال	قىش	قاره خان	صو	طوموز

## ۲ — تورك منطقنك مقولات اربمهسى

— ذهنگ مدبر عمده لرى —

يوقاريكى تصنيفلر كوسترييوركه اسكى توركلرجه ، جهتلرك ، موسملرك والاهلرك رنكلرى واردى . بو تلقينك ايزلرني شيمديكى لسانمزده كوره بيلورز ، جهتلرك رنكلرينى دكنز آدلرنده كوره بيليرز :

شمالده	قاره دكنز
غربده	آق دكنز
جنوبده	قزىل دكنز ( بحر احمر )
شرقده	كوك دكنز ( بحر ازرق )

موسملرك رنكلنى ( قاره قيش ) تعميرنده كورييورز . ميلاددن ۱۹۹ سنه اول ( هيلوغ - نو ) تورك دولتنك حكمدارى ( مه ته ) چين ايمپراطورينك قراركاھنى دورت يوز بيك سوارى عسكرله محاصره ايتدى . مه ته بو عسكرى درت لوايه تقسيم ايتمشدى . هر برى درت جهندن برينه اقامه ايديلىش اولان بودورت سوارى لواسى ، تورك منطقه توفيقاً تشكيل ايديلىشى :

شرق جهتمده كى سواريلرك آتلىرى :	كوك ( باقلا قيرى )
جنوب »	: قوله ( آچيق سارى )
غرب »	: قير ( بياض )
شمال »	: ياغيز ( سياه )

رنکړنده اولق اوزره انتخاب ايديشلردى [۱] .  
ياقوتلرده ، کوچوك شامانلر چوقدر . فقط ، باش شامانلر ، هررى درت جهتدن  
برينه حاكم اولق اوزره يالكىز دورت اوله بيلير . [۲]  
قوداتقوبيليك دورت فسله منقسمدركه موضوعلرى شونلردر : عدالت ، قدرت ،  
عقل ، اعتدال .

بو دورت مايكه ، دورت شخص واسطه سيله تمثيل ايديشدر :

- (۱) عدالت : كون دوغدى ايليك خان .
- (۲) قدرت : آى دولدى اوقتوروش ( خانك وزىرى ) .
- (۳) عقل : اوكتولش ، وزيرك اوغلى .
- (۴) اعتدال : اوقتوروش ، وزيرك قاردهنى

كتاب بو درت شخصك مباحثه و مناقشه سنى محتويدير . [۳]

اردونك تعييه سى ده بو تصنيفى كوسه ير :

قارااول

صول قول

صاغ قول

جغدااول

تصوفده كي دورت قطب ، دورت برصوبى آكديرير . اسكى توركلرده ، بوبوك  
حكمدارلرك اوغوللرى ياخود قارده شلرى ده دورتدر و بونلردن توركلرك لك اسكى تقسيماتى  
اولان ( دورت اوروق ) وجوده كلشدر . مثلا ( تورك خان ) ك دورت اوغلى وار :

(۱) چكىل

(۲) بارسجار

(۳) ناروتك

(۴) املاق

[۱] ده كينى ، جلد ۲ ، صفحه ۲۹ .

[۲] آتیه سوسيولوژيك ، جلد ۷ ، صفحه ۲۲۳ .

[۳] كتاب العلم النافع صفحه ۱۱۱

( مغول خان ) كده دورت ارکك اولادی واردر :

(۱) قاره خان

(۲) اورخان

(۳) کورخان

(۴) کوزخان

( بوغوتکین ) ك دورت قارده شی واردر که هپسندن بش بالق وجوده کلشدر :

(۱) اورتکین

(۲) قونورتکین

(۳) یوقاق تکین

(۴) سونقورتکین

بوغوتکین منقبه سنک بودینک ظهوریه علاقه-ار اولدیغی آساییده کوره جکز .  
بو اسکی مقدس تصنیفک ایزلری بالخاصه بوراده کی دورت رنکك تدقیقندن آکلاشیلیر.  
اولا باشقه رنکكرك لسانمزد مترادفلری اولمادیغی حالده بو دورت رنکك قدیم اسملرینه  
صوکرادن مترادف علاوه ایدیشدر :

کوک = ماوی

قیزیل = قیرمیزی

آق = بیاض

قاره = سیاه

مثلا ( صاری ، یشیل ، مور ) کی دیگر رنکكرك ایکنجی اسملری یوقدر .  
ثانیاً ، بومتراطف کلهلرک معناری آراسنده آشکار برفرق واردر . ( کوک ، قیزیل ،  
آق ، قاره ) کلهلری ، اسکی قلیشه لر مستتا اولق اوزره ، مادی رنککری ، معنوی  
کیفیتلری افاده ایدرلر . بونلرک مترادفلری ایسه مادی رنککری افاده ایچوندور . ذاتاً  
بودرت رنکك قدیم اسملری ، حقیقی معنارینی غائب ایدمرك ، مجازی معناره دلالت  
ایستکلری ایچوندرکه ، بومتراطفلرک تشکیل وابداعنه احتیاج حاصل اولمشدر . چوق  
کیسه لر بوجفت کلهلری تمامیه مترادف صانیرلر : بوطن دوغرو دکلدور . مثلاً ( یوزی  
آق ) تعبیریه ( بیاض چهره لی ) تعبیری عینی معنایه دکلدور . ناصیل که ( یوزی سیاه )

تعبیرله ( یوزی قاره ) تعبیری باشقه باشقه مضالرددر . چونکه سیاه چهره لی بر آدامک یوزی آق اوله بیلیر . بیاض چهره لی بر آدامک یوزی قاره اوله بیلدیکی کی .  
 بواقاده لردن آکلاشیلیورکه آقلق معنوی و مجازی بر بیاضلقدرد ، قاره لق ایسه معنوی و مجازی بر سیاهلقدرد . فقط قاره کوز ، قاره حصار کی قلیشه لر طییی مستناددر . چونکه بو قلیشه لر ایجاد ایدیلدیکی زمان ( سیاه و بیاض ) کله لر ی هنوز لسانمزده عمومیلشمه مشدی .


بونک کی ( قزیل الما ) تعبیرله ( قیرمزی الما ) تعبیری ده عینی معنایه دکلدرد . ناصیلکه مجاز اوله رق قزیل سوسیالیست دینله بیلیر ، قیرمزی سوسیالیست دینله مز . بونلر کی ( کوك تاكری ) و ( كوك تورك ) دینله بیلیر . ( ماوی تاكری ) و ( ماوی تورك ) دینله مز .

بودورت دنک تعبیرلری ، وقتله برر آیری قدسیتک تمثاللری ایدیلر . ایلک زمانلرده عشرت ، دورت بطئه منقسمدی . هر بطنک آیری مشترک وجدانی ، آیری تساندی ، آیری مفکوره می واردی . بو آیریقلری جهتلردن ، موسملردن ، عنصرلردن ، حیوانلردن ، رنگلردن اتخاذ ایدیلن دورت نوع تمثاللرده کوریبورز . بودورت بطندن هر برینک آیری بر قدسیتی واردی . قدسیتک دورت نوعی ، بودورت چشید تمثاللردن تجلی ایدردی .

( بطن ) یعنی عالمه نك اك اسکی واك بویوك دائره سیدر . ناصیلکه ( عشرت ) ده جمعیتك اك اسکی واك كوچوك دائره سیدر . اجتماعی تکامل بویاکی دائره دن باشلار ، فقط ، بوداژه لر معکوس بر انکشاف تعقیب ایدرلر :

بویاکی ( سه Chema ) کوستریبورکه اجتماعی تکامل انساننده ، جمعیت ، عشرتدن باشلایه رق کیندکجه توسع ایتدیکی حالده ، عالمه ( اوق phratric ) دن باشلایه رق کیندکجه کوچولمکده در .

بوندن آکلاشیلیورکه ( تسینلرک دینی ) بالخاصه عالمه تساندینی وجوده کترین وقوتلندیرن بر دیندر . هر بر صو کندی بطنینک خصوصی حامیسی ، رب خاصیدر . بودین بر طرفدن ، عالمه و توتیزمه مربوط اولدینی حالده ، دیگر جهندنده ( مادری نسب ) مستنددر . بوکا ، قادین عنصرینه بخش ایتدیکی امتیازلردن دولایی ( قادین دینی ) عنوانی ده وریله بیلیر . بوقادین دینی میسته می ، بالاخره ارکک دینی



Chéma

سیسته میله برلشهرک (ایل دینی) نی وجوده کنیر مشدر . ایلریده کوره جکمز وجهله اوروپالیرک (شامانیزم) دیدکلری دین ، تورکارک یالکز بوقادین دینی سیسته مند ، یعنی دورتلی تصنیفه استاد ایدن (تسین) دیندن عبارتدر .

#### ۴ — تسین دیننک اساسی

تسین دینی — بودینه ، (شامانیزم) آدی ده ویریلیر . بو دینک روحانیلری (قاملر) یاخود (قامانیر) در . (شامان) کلهسی بوندن چیقه مشدر . شامانه ، یاقوتلرده (اوبون) نامی ویریلیر که اوغوزلرده کی (اوزان) کلهسیله عینی اصلدندر . بوسورتیه اوزانکده قدیم زمانده شامان اولدینی آکلاشیلیور یاقوتلر قادین شامانه (اوداقان) دیرلر . ارکک شامانلرده ، یابدقلری دینی یاخود سحری آیینلرده ، فوق اولق ایچون قادین کبی صاحبیرنی اوزاتیرلر ، قادین البسه سی کیهرلر ، اینجه سسله قونوشورلر ، حتی کندیلرینک کبه قالدقلرینه ، برطاقم بالقی ، قارغه ، الح کبی شیرلر دوغوردقلرینه قاتل اولورلر . بو حاللر

کوستریورکه بو دینک قوه قدسیه سی قادینده متجلیدر . شامان ، قادینه نه درجه چوق بکزرسه معنوی قدرتی او قدر چوق اولور . بو قادینلاشمه مجبوریته دینه سی شامانلری معکوس جنسینه قدر سوق ابتدکی سویله نیور . ذاتاً کبه قالمق ، دوغورمق واقعه لری ده بونی کوستریر .

شامانیزمک قادین عنصرینه استناد ابتدکی کوسترن برجهته ده شامانلرک توته ملریله موزلریدر . یاقوتلرده هر شامانک ( ایه کیلا ) آدی برتونه می واردر . ( ایه ) آنا دیمکدر . ( کیلا ) حیوان دیمکدر . بو صورتله ( ایه کیلا ) ( آنا حیوانی ) معناسه درکه مادری توته دیمکدر . بوندن باشقه ، شامانک ( آماغات ) آدی بر موزی واردر . اورخون کتابه سنده ، بو ماده دن مشتق برده ( اوما ی ) کله سی واردرکه ( طومسون ) طرفندن ( الاله ) صورتنه ترجمه یدیلشدر . احوالده ، آماغات ده شامانلر الاله سی و موزی معناسه در .

مع مافیه بو مادری حامیه لر شامانلره مخصوص دکلدر . یاقوتلرده لاشیکلرک ده بر ( ایه هزیت ) ی واردر . بو تعبیرده ده ( ایه ) آنا دیمکدر . ( هزیت ) بر اداندرکه ( جی ) معناسه در ( جی ) به ، یاقوتلرده اکثر کله لرده علاوه اولتان ( ت ) حرفی الحاق ایدیلنجه بو ادات حصوله کله بیلیر . احوالده بونک ده شیمدیکی تورکجه ده مقالی ( آنا جی ) در . بوده دیشی بر روحدرکه لاشیک اولان فردک حامیه سیدر . کورولیورکه شامانیزم تشکیلا تنده کی کرک توته ملر ، کرک حامی روحلر هپ دیشیدر . بو دینک قادین دینی اولدینی بونکله ده ثابت اولور .

آلتای تورککلرنده ایکی درلو قورباق آیینی واردر . بری هوش آغاچه مخصوص بر اورمانده اجرا اولور . بو آیینده یالکزار ککلر بولنه بیلیر . قوربان ایدیله جک حیوانک ده آچیق رنگلی اولمی شرطدر . حالبوکه اوده یاخود مزارلرده اجرا ایدیلن دیگر بر قوربان آیینی ده واردرکه بونده قادینلرده حاضر بولنه بیلیر . کورولیورکه برنجی نوع قوربان آیینی ارکک دینه ، ایکنجی نوع ایسه قادین دینه عائددر .

قیرغیزلرده وکاشغر تورککلرنده ، اؤک اوجاغنده ایکی بری یاشارکه بری دیشی دیگر ی ارککدر . برنجیسنه ( اود آنا ) ، ایکنجیسنه ( اود آنا ) آدلرینی ویررلر .

منولستان تورککلرنده هر اوده ایکی صنم واردرکه بری اینک مملی ، اونه کی قیصر اق ممه لیدر . برنجیسی اوطه نک صول طرفنه ، ایکنجیسی صاغ طرفه آصیلیدر . صولده کنه

( او صاحبك ) قازدهشي ، صاغده كنه ( او صاحبك قازدهشي ) ناملری ویریلیر .  
بو پرلردن و صنملردن برنجیلرک قازین دیننه ، ایکنجیلرک ارکک دیننه عاند اولدینی  
آکلاشیلور . ایلریده بیان ایدجکمز برچوق واقعه لر دها واردرکه بونلرک هبسی آریجه  
بر قازین دینی بولندیغنی ، بودینی سیسته مده یالکیز قازینلرک حاکم مؤثر اولدیغنی تأیید  
ایدجکدر .

## ۵ — تورک تقویمی

تورک تقویمی ده تسین دیننده دوغمشدر . تسین تورکلری هراون ایکی سنه یه چاغ = Cycle  
نامنی ویریلردی . بو اوان ایکی سنه یی اوان ایکی حیوانک اسملریله افاده ایدرلردی . بو حیوانلرک  
اسملری طاووق ، آن ، طاوشان ، اوکوز ، ایت ، دوموز ، مایمون ، ییلان ، صیجان ،  
بارس ، قویون ، تمساحدر .

بر آدم هانکی حیوانک ییلنده دوغمشه کندیسنه او سنه نك قدسیقی اسناد ایدیلیر:  
مثلا فلان قویون ییلنده دوغمش دینلیدیکی زمان عادتاً توتهمی قویون ایش کی عد اولونور .  
بو تقویم چینه ، تیتیه ، هند چینی یه ، مانچوریلر و مغوللرده کیرمشد . بونی چینه ادخال  
ایدنلر ادوارد شاوانه کوره تسین تورکلریدر . هند چینیده بر حیوانک ییلنده دوغان  
ارککله قازین باشقه باشقه چاغلرله منسوب اولسلر بیلر بربرله اوله نه مزلر . یعنی ارکک  
برنجی اوان ایکی ییلک اوکوز ییلنده ، قازین ایکنجی اوان ایکی ییلک اوکوز ییلنده دوغمش  
اولسلر بیلر ایکیسی ده اوکوز تولدی اولدقلری ایچون توتهمداش انسانلر کی بربرله  
ازدواج ایدرلر . بو حال دلالت ایدرکه بو حیوانلر برنوع توتهمیلرک بقیه سیدر . ذاتاً تدقیق  
ایدیلیرسه کورولورکه دوت جهنک توتهملری ده بو اوان ایکی حیوان اراسنده در . دیگر  
اسملرده بودورت حیوانک — چینیلرله نظراً — مترادفلریدر . مثلاً بارس کوبکک مترادفیدر .  
صیجان دوموزک مترادفیدر . بو منوال اوزره بو اوان ایکی حیوان دوت جهنک  
توتهملرینه ارجاع ایدیلر بیلر . تورکلر سنه یی بو حیوان اسملریله افاده ایتدکلری کی  
ایلریده ینه دوت جهنک حیوان اسملریله افاده ایدرلردی . محمود کاشغری یه کوره تورکلر  
ایلک بهار آیلرینی ( اوغلاق ) ه نسبت ایدرلردی . ( معلومدوکه قویون ، قوزو ، کچی ،  
اوغلاق کلملری مقدس منطقجه بربرینک مترادفلریدیلر )



ایلك بهارك برنجی آینه ( اوغلاق آی ) ، ایکنجی آینه ( اولو اوغلاق آی ) ، اوچنجی آینه ( اولو آی ) دینیایر مش. دیگر موسملره عائد آیلرده بو صورته آدلایر مش .

تورك قومینده کی حیوانلرک اسملری شو وجهله در :

دیوان لغاتده	کتاب علم التافعه
سجستان	کسکو ( صیجان )
اود	اوت ( اوکوز )
برس	پارس ( قاپلان )
توشقان	طاوشقان ( طاوشان )
ناک ( تمساح )	لوی ( اژدرها )
یلان	ییلان
یئند	یوند ( آن )
قوی	قوی ( قویون )
بیچن	بیچن ( مایمون )
قاغور	داقور، دارووق ( طاووق )
ایت	ایت
تنکز	طنفوز ( طوموز )

تسین دینک بر اساسی تشکیل ابدن دورت عنصر ( آغاج، صوء، دمیر ، آتش)دره. یونانیلرک عناصر اربعه سندن بوسیته مده یالکز (صو) ایله ( آتش ) وارد. بودورت عنصرک مقولات اربعه به فاصیل داخل اولدینی کوردک. بونلرک دوردی ده عینی درجه ده مقدسدرلر . فقط هر برینت قدسیقی باشقه نوعدر . بودورت مقوله نک هم متساوی، همده متخالف اوله سی شامانیزی تسجیه ایدن مهم بر کیفیئدر .

آغاج . — تاریخ جهانکش اوینورلردن بحث ایتدیکی صبراده بونلرک اولرنده دیواره ترسیم ایدیلن بر ( شجره ملعونه ) نک موجودیتی ذکر ایدر . آلتای تووکلری ارکک دیتنه مخصوص ذکروری آینلری یالکز هوش آغاجنک اورماننده یاپارلر . ینه آلتای تووکلرنده ارضک مرکزنده بر صولرک رئیس اولان ( ادغان ) ک مقامنده اون آلتنجی کوکه قدر بوکسلمش بر چام آغاجی واردر . بو آغاجک یوکسکلکی ادغانک اون آلتنجی

قات کوكده ساكن بولونان (باي اولككن) . مساويلكنى كوستير . يته آلتاي توركلرينك قوزموغونيسنه كوره ، ( تاكرى قاره خان ) ير يوزينك اورته سنده دوقوز داللى آتاج ياراتمش ، بونك هر دالك آلتنده بر ( آدم ) خلق ايتمشدر . بودوقوز آدمدن انسانلرك اساسى اولان دوقوز عرق اورده مشدر . بودوقوز آدمه ( دوقوز دده لر ) ديفيلير .

دوقوز اوغوز منقه سنده بر كيجه كوكدن اينن بر تورك بوهوش آتاجيله برده چام فيستيقى ( محمود كاشغرى يه كوره قنديق ) آتاجنك اوزرينه دوشديكنى يوقا بده كوردك . بوايكي آتاجدن هوش آتاجنك ( اسكى توركلرجه اسمى سومو ) ارلك ، چام آتاجنك ( اسكى توركلرجه فسوق ) ديشى اولدينى مقلوندر . ارلك آينك هوش اورماننده ياييلمه سى ، ( فسوق ) كلمه سنك محمود كاشغرينك بيانى وجهله قادين اسملرندن اولمه سى بوكا دليلدر . توركلرك ايكي جنس تمثيل ايدن بوايكي مقدس آتاجندن باشقه ، برده طائفه قدسيتنى بيلديرر بر آتاجلرى واردر كه ( آرديج آتاجى ) در . او قادينى هر صباح موطباقلر اوجاغنده كوله كومولش آتشي بر آرديج دالبه جانلانديرر . اوجنى آتشله ديكي بودالله بوتون اودالرى توتسولر . بوصورته مضر جنلرى قاجيرر . آتاجك توركلرجه مقدس اولدينى كوسترن بعضى اسملر ولقب لرده واردر . ( آتاج اوى ) اسمنده اوغوز متحده سنه داخل اولمش بر تورك بودونى واردر . بونلر اوغوزلرله برابر آتادولويه ده ككشدر ( تخته چيلر ؟ ) اوريانكيسينلر ( اورمان آداملرى ) ديمكدر . مسلمان قارقلر ، بوديست اويغورلر ( نات اوى ) ديمه لرينه مقابل ، اويغورلرده مسلمان توركلره ( چوماق اوى ) ديرلردى . اورحون كتابه سنده بخارا جوازنده ( آلتى چوب ) اسمنده بر بودون ذكر ايديليور . توركلرده ( اوق ) ك مهم بر موقى واردي . مخبره اوقلرله ياييليردى . خاقان بر بكدن اون عسكر ايستره بر اوقك اوزرينه بر چنيتك ، يوز عسكر ايستره ايكي چنيتك ، بيك عسكر ايستره اوچ چنيتك يايديره رق اوكا كونديردي . بك ، بونك معناسى آتلايه رق ايجانى اجرا ايدردى . سلاجوقك اوغلى آرسلان ، محمود غزنوى به اوج اوق و برمشدى . برنجيسى كونديرسه ك اللى بيك ايكنجيسى كونديرسه ك يوز بيك اوچونجيسى كونديرسه ك ايكي يوز بيك عسكر كلير ديمشدى .

صو . — توركلرجه ( صو ) ده مقدسدى . تسينلرك ايمپراطورى ، چين تخته اوطوردقندن صوكرا ( بن صويك بر كيتله حكمرانم ) ديمشدى . دده قورقود كتابنده ( صوحق ديدارنى كورمشدر ) دييور . آلتاي توركلرينك قوزموغونيسنده ( ابتدا )

همیچ برشی یوقکن ، یالکنز قاره خانله صو واردی ( دینیلور . اوقوز موغونی یه کوره بوتون عالم صودن یارایلمشدر ، صو کائناک ماده اولاسیدر . جنکیز دورنده صو مقدس اولدینی ایچون چاشیرلر، قابلر صوایله ییقامازدی . چاشیرلر کیرله نجه آتیلیردی . قابلر اولترلرله تمیزله نیردی . جنکیز یاساسنه کوره صویه ایشه یین آدام اعدام ایدیلیردی . آتش . — یاقوتلره کوره آتش برپریدر . موطابق اوجاغنک آتشی اصلا سوندورولمز . ( اوجاغمز سونمه سین ) تورکک اسکی دعاسیدر . بو آتش قضاء سوزسه یاقین اقربالردن قومشولردن آلتیر ، یابانچیدن آلتیاز — چونکه ، اوچ تورلو آتش واردر . بونلردن برنجیسی اوغورلو ، ایکنجیسی نه ای نه قفا ، اوچنجیسی ایسه غایت اوغورسوزدر . آلتیجق آتشک بونوغلردن هانکیسه منسوب اولدینی مجهول بولوندیقندن یابانچیدن آتش آلمق تهلکه لیدر . هرهائله ده ، اوجاغنک ( اود آنا ) اسملرنده ایکی بریش اولدینی یوقاریده سویه مشدک .

ده میر . — تورکلرده ده میرده مقدسدر . اجنی ایلمچیلری حدوددن کچرکن قیزغین ده میر اوزرندن آتلا ییلیردی ( زه مارق ) . قورشون دوککده قادیلر آراسنده حالا افسون ایچون قوللانیمقدمدر . بوده ده میر آیتندن قالمدر . بونلر سحری ابطال ایچوندور . کؤک تورکلرده ومغوللرده هرینه معین کونده خاقانه مخصوص ده میر اوجافی یاندیریلیردی . برده میر پارچه سی آتشد قیزغین حاله کتیر بیلدکن صو کرا اورس اوزرینه قونولور . خاقان آلتین چکیچه بونک اوزرینه ووروردی . بوتورکلرک انک بویوک عبادتی ایدی . بو آیتندن صو کرا مسرتلی بر بایرام یاییلیردی . تورکلر ( ارکنه قون ) دن چیقارکن برده میرچی ارجاقده ده میر اریده رک قایایی دلمش چیقماق ایچون بول آچمشدی . کؤک تورک خاقاناری بوده میرچنک یعنی ( بورتیه شانه ) نک طورونلری اولدقلری ایچون ، بوقورتولوش کونئی بایرام انخاذا ایتشلردی .

## ۷ . — دورت حیوان

قادین ناتوریزمنده کی دورت حیوان ده قدسیته بربرینه مساوی اولقله برابر ، قدسیتلری باشقه باشقه نوعلردندر .

قویون . — قویون ، تکی ، تکه ، باغیش کی کله لر اودوق ، ایل ، بودون  
 واوغوش یاخود بوی اسملری اوله رق مستعجلدرلر . کییک ، ( آلانفوا = آلا کییک )  
 منقبه سنده قدسیتی کوستریبور . بورتنه شاننه ک ازدواج ابتدیی ( قونی مرال ) ده دیشی  
 کییک معناسنه اولان ( مرال ) اسمنی طاشیور . کییک ده قویونک مترادفلرندندر .

قوش . — تورکلرده مقدس قوش ( طوغرول ) در . بواسطیری قوشی هیچ  
 کیمسه کورمه مش . فقط ، آق بابایه بکزه دیکی ده معلوم ایمش . بعضاً سباه یوزلرجه  
 قوشک قانادلری ، قول یاخود باجاقلری پاریلش اوله رق یر . دوسدیکی کورولورمش .  
 بوندن استدلال ایدیلش که بونلرک جارحی اولان طوغرولک غاغاسیله پنجه سی چلیکدندر .  
 محمود کاتغری دیبورکه « طوغرول بیگ قاز اولدورور ، یالکز برنی یر . » اوغوزک  
 آلتی اوغوشنک اونفونلری اولان قوشلرده ایلریده کوروله جکدر .

کوپک . — تورکلرجه مقدس طانیلان کوپک ( باراق ) دینان بر اسطیری کوپکدر .  
 کوپا آق بابا ، عمرینک صوکنده ایکی یومورطه یومورطالارمش . بونلردن برندن بر آق  
 بابا ، دیکرندن ده بر ( باراق ) چیقارمش . چوق توبلو اولان بوکوپک قوشمه قده و آوک  
 محافظه سنده امثالسر ایمش . ( ایت باراق ) بر حکمدار اسمیدر . اوغوز خانه محاربه  
 ایتمش در . فارسی لسانده ( سیمرغ ) کله سی ( سک مرغ ) مخفیدر . ( سک ) کوپک ،  
 ( مرغ ) قوش دیمکدر . طوغرول ایله بارغک بوتعیرده برلشدیکی کوریبورز .  
 ( سیمرغ ) سیستانده بولونورمش . سیستان ده ، سکستان مخفیدر . طوموزک قدسیتی  
 حقیقه اسلامیتده کی وضعیتی دولایسیله هیچ برارز قالمامشدر .

اوکوز . — دورت جهتی تمثیل ایدن دورت حیوانه ، مرکزی تمثیل یعنی بوتون  
 بودونی ارانه ایدن اوکوزی ده علاوه ایتک لازمدر ، فقط ، بو اوکوز اساساً ( نیت  
 اوکوزی ) نامی ویریلن ( یاق ) در . اسکی تورکلر بوکا ( قطاس ) دیرلردی که ( خوطوز )  
 کله سی بوندن قاله در . ( قطاس ) کله سی ، ( قوت ) و ( اوز ) کله لرینه تحلیل اولنه بیلیر .  
 ( قوت ) مقدس ، ( اوز ) شرق تورکجه سنده ( اوکوز ) دیمکدر . تورکلر آلتایده ایکن  
 بونیت اوکوزنی مقدس قوربان اوله رق آلارلردی . اسکی تورکلرده سورکون آوینه  
 ( سیغیر ) دینه سی بوندندر . آودن صوکر مقدس مائده باشلاردی . بوکاده ( شوله ن )  
 نامی ویریلیدی . قوربان ایدیلن نیت اوکوزینک قویروغی ( توغ ) اوله رق استعمال  
 ایدیلیدی . ( توغ ) ایله ( داوول ) ولایت عامه نک تمثالی ، بکلک و خاقانلق علامتلی

ایدیلر . خاقان بریسنه بکک توجیه ایندیکی زمان اوکا توغ ایله داوول کوندریدی .  
تورکلر آلتایدن اوزاقلاشنجه تیت اوکوزینی بولامادیلر . تیت اوکوزینک باشی اوکوزه ،  
قویروغی آتیه بکزدیدی . اک مهم رولی قویروغی کوردیکی ایچون ، اونک برینه آتی  
اقامه ایتدیلر . آرتق شوله نلرده آت قوربان ایتمهک باشلادیلر . بوصورتله آت ده مقدس  
اولدی . بوندن بویه توغی آتک قویروغندن پاچغه باشلادیلر .

## ۸ — دوت مقوله نك مساویلیکی

دورت مقوله نك ، تورک بودونك دورت اوغوشندن نه صورتله اشتقاق ایتدیکنی  
کوردک . بودورت اوغوش بربرینه مساوی اولدقلری ایچون ، بونلرک تمثاللری اولان  
عنصرلر ، حیوانلر ، جهتلر وموسملرده بربرینه مساویدرلر . مثلاً بوتصفیده کی (قاره)  
صفی مشومیت دلالت ایتزه . (قاره خان) ده دیگر اوج جهتك معبودلری قدر مقدسدره  
حتی اوغوز خان بیله قاره خانک اوغلی عداولونمشدره آلتای تورکلرنده کاشاتک یارادانی  
(ناکری قاره خان) در . ارکک ناتوریزمنده (آق) و (قاره) دییه ایکی معکوس مقوله  
وجوده کلدکدن صوکره (قاره) صنعی مشومیت افاده ایتمهک ، ذمی مشعر اولمغه باشلامشدره  
فقطه ، بوصو راکی مساواتسزلی ، قالدین ناتوریزمنده کی مقوله لرك مساواتیله قاریشدر .  
ماملیدر . او آبری برسیستم ، بواپسه باشقه سسینه مدر . قالدین ناتوریزمنده یاز قیشه ،  
شرق غریبه ، آق قاره به مساویدر . بونلر آراسنده کی فرقلر یالکز قدسیتلرینک باشقه  
نوعلردن اوله سیدر . حال بوکه ارکک ناتوریزمنده بومقوله لر آراسنده بویه بر مساوات  
بو قدر . بونک سببی وتفصیلاتی ایلریده کوره جکیز .

## ۹ — سحر

ندیم تورکلرده (سحر) ده تدین دینه مربوطدی . حتی (بوو) کله سنک ده  
بوناتوریزمک مؤسس اولان (بوغو) دن مشتق اولمهی محتملدر . موغوللر شامانه (بوکه)  
دیرلر . ایلریده (مغول) کده (بوغو ایلی) تعبیرندن محرف اولدیغی کوره جکیز .

اسکی تورکجهده سحره (یالغی = یالوی) دیرلردی . (یالواج = ایلچی، پیغمبر) کلهسی بورادن کلیر. اویغورلرایاچییه (یالافر) دیرلردی . (یالواج) کلهسی یالکمز دیندن خبر ورن معناسنده قوللانیرلردی .

قدیم تورکجهده سحرک برآدی ده (یات) در. فقط، بوسحر بالخاصه (یات طاشی) نامی ویریلن (یشم) طاشنک قدسیته استناد ایدیور . (یاده، جده طاشی) کبی تعبیرلر هپ بویات کلهسندن کلیر (فرانسزجهسی Jade) یات طاشنه (یاغموور طاشی) و (حجرالمطر) ده دیرلر. کویا بونی حضرت نوح اوعلی یافته، اوده اوغلی تورکه ویرمش. بوطاشنک برچوق خاصه لری وار . صویه قونولورسه یاغموور یاغار، آتک یله سنه آصیلیرسه سیاحت اثناسنده سه یز بر روزکار اسر، بر بزه صاریلوبده یاغینه آتیلیرسه یاغین درحال سونر وحقی ایچنده صاریلبدنی بزه آتشدن اوافق برضرر بیلر کلز . بوطاش واسطه سیله قار ودولو یاغدیرمنی یاخود کوتو هواپی انی هوایه چویرمک ممکندر . یوزوک قاشی، کمر قاشی بونن یاییلیردی. ذاتاً (قاش) اساساً بوطاشنک اسمیدر . کاشغرده بیاضنه (آق قاش)، سیاهنه (قار قاش) دیرلر. شامانلر بوطاش واسطه سیله چوق ایشلر یابارلر، جنلری قوغارلر، خ تهلری تداوی ایدرلر . بوطاشی استعمال ایدن شامانلره (یداجی) نامی ویریلر .

## ۱۰ — شامانیزم دیننده کی الاهلر

تورک دیننک عمومی ایضاحی بزه کوستره جکدر که اسکی تورکگرده الاهلر، اجتماعی زمره لرک تمثاللری آیدر. هر الیه مطلقاً برمره نك وجدانی تمثیل ایدر: عشیرتک تمثالی (ادغال)، بطلرک تمثاللری (برصو) لردر. بطلرک عشیرتدن دوغدقلری کبی، برصولرده ادغانک اوغوللریدر . بوغو خان، جماعتی دورت اوردویه آیرمش، هر بریخ بر جهتک محافظی طانیشدی . بو اجتماعی تشکیلاتک لاهوته انعکاسندن (کوک، قیزیل، آق، قار، خانلر) دیسه دورت قالی الیه وجوده کلهدی . بونلر اغانک اوغوللری عد اولوندی . صوکرالری اجتماعی زمره لر انقسام ایتدکجه الاهلرک عددی ده بوانقسامله مشاطراً آرتدی. بوالاهلره (برصو) نامی ویریلر، تورکلرک اجتماعی واحه لره وبویوک ایرماقلره تابع اولمهنسنددر .

توركلارك اولكلره مربوط يرصولرى اولديى كى ، دوغرودن دوغروبهر بويك  
 حاميسى اولق اوزره خصوصى برالامده واردى . محمود كاشغرى، بونلره ( حېمى =  
 جيوى ) نامنى و برىيور. ايكي بوى، محاربه ايدم جكلرى زمان محاربه كونندن اولكى كيجه  
 اناسنده، اوقيلهرك جيويلرى صاوانيرلر مش . بونلردن هانكيسى غلبه چالارسه، صاحلين  
 اونك بوى غالب كليرمش . بو صورتده قان دعوالرينك ، غزوه لرك ، قيله محاربه لرينك  
 باشليجه سېي ( جيويلر ) اولدينى اكلاشيلبور. برقييله دن برفرده تعرض اوت مېودينه  
 تعرضدى . او حالده، فردك انتقامى آلق، مېودك انتقامى آلق ديمك اولوردى بو  
 صورتله قادين ديتك برعصيت دى اولدينى تظاهرايدييور. عائله تساندى و حوده كتيره  
 و دائما قوتلنديردن جيويلرله يرصولردر. اوغوش ايله بوى ايلك عائله لردر. بونلرك تساندى  
 عائله عصيتيدر .

## ۱۱ — شامانيزم ديننده روحلر

توركلرده ( جان ) مقابلى ( تين ) دركه ( نفس ) معنانده، كلبره بو فيزيووزيك ،  
 مادى روحنن عبارتدر. بوندن باشقه، بدنك خارچنده، عاونا انسانك كولكسى كى دائما  
 يانندن آيريلمايان اوچ معنوى روحده قبول ايدرلردى . بونلرك اسلمبرى ( اش، سور،  
 قوت ) در. ( اش ) جاده، نبات، حيوان وانسانده يعنى بوتون موجوداتده بولونان بر  
 روحدر . ( سور = چور، چار، چوره ) متنفس بولونان بوتون موجودلرده ، يعنى  
 نباتلرده، حيوانلرده وانسانلرده بولونان بر روحدر. ( قوت ) ايسه يالكىز انسانله آتله  
 مخصوصدر .

بو اوچ معنوى روح، قدسيك، يعنى ( مانا ) نك اوچ درجه سنى كو-تيرير. بونلرى  
 تمثيل طريقيه كولكك نك اوچ درجه سنه بكمزه تيرلر. كولكك نك اك خارچنده بولونان  
 خفيف قسمى ( اش ) در. داها داخلده اولان اورته كشافلى قسمى ( سور ) در. اك  
 مركزده بولونان چوق كشافلى قسمى ( قوت ) در. ( اش ) كيه سى، شيمدى ( رفيق،  
 آرقداش ) مضافنه مستعملدر. ( يولده اش = يولداش، كولكده اش = كولكداش )  
 كى تعبيرلرده كى ( داش ) ادانده داخل اولمشدر. ( اش ) كى هر بجهده مقابلى ( تابعه ) در.

محمود کاشغری، اشی (تابعه من الجن) صورتده تفسیر ایدیور. بو کونجی کونده فلان آدامک اشی دینله جک یرده بریسی دینیلور. قادیلرله کوره هر آدامک بر بریسی واردور. بو بری ازدواج، تولد، وفات زمانلرده آزیغلاشیر. بو آزیغلق قرق کون سوردور. بوندن دولاییدرکه ازدواج زمانده کلینله کوکی، تولد زمانده آناه، بابا ایله نوزاد؛ وفات زمانده متوفانک یاقین اقربالری (قرقلی) اولورلر.

قرقلی اولانلر ایچون بر طاقم احتیاط قاعده لرینه رعایت ایتمک لازمدور. ایکی قرقلی قادین مثلا برلخوسه ایله برکلین بر اوداده برلشه منزلر، بر بناتک بریسی اوست، اونه کی آلت قاتنده اوطوره ماز. ایکی قرقلی راست کله بر یرده برلشمش اولسه لر اوناری اوپوشدیرمک لازمدور. بو قاعده لره رعایت ایدیلرزه پرلر قنالق یاپارلر. آنادولوده بو اعتقادلر (تاندیرنامه) یاخود (کجه کتابی) احکامی دییه قادیلر آراسنده معتبردر. ینه خلق اعتقاداسندرکه قاتلی قان طوتار. بولک عاملی مقتولک اشییدر. یعنی بریسییدر. دیمک که حیاتک مصونیتی اش تأمین ایدیور.

بورجکده (اشیک) کلمسی (اشلی) معناسنده. اشیکه باصیله ماز؛ یابانجی آدام براوک ایشیکنی آدلایه ماز. قیرغیز قازاقلرده کلین برخلالی سحجا، اوزرنده اوطورور. کوکینک عصبه سندن دورت دلیقانلی قالیجه نک برر اوجندن طوته رق کلینی قایدن اذخال ایدرلر. بو حال کورتریور که هر آدامک بر بریسی اولدیگی کبی، هر اولکده بر بریسی، بر اشی واردور. او قدینی اوی تیز طوتمقله مکلفدر والا بری کی کوجسدیرمش اولور. تورک قادینک اینی او مدبردیسی اولمسی بوندندر. او بریسی اسرافکده دوشمانی، چوجوق تربیه سنکده نکهبانیدر. خلاصه، عائله اخلاق، قوه مؤیده سنی او پریندن آلیر. اولرک تعرضدن مصونیتی تأمین ایدنده او بریسیدر. خیرسز اشییکدن کیره مز؛ چونکه اشیک اونی چاربار. اولک پنجره لریده اشیکیکدر، بناء علیه اونلرده تکین دکلدور.

او بریسی اولدیگی کبی تارلارک، پیکارلرک، دره لرک، تپه لرکده بریلری واردور. بولرده بریلی اولدقلری ایچون تکین دکلدلر، چاربارلر. بر شیشیک تکین اولمامسینه، چاربار اولمهنده اسکیدن (اشیک) دنیلیکی آکلاشیلور. ابتدا معناسی عمومی ایکن صوکراد سیمدیکی معناسنده تخصص ایتمش کورونیور.

اشیکک تکین اولمایوب چاربار اولمسی اوی تعرضدن مصون بولوندوردیگی کبی، مرعالرک، پیکارلرک، ایرماقلرک حق ملکیتی تأمین ایدنده بولرک سینور بریلیدر. شیمدی



آنادولوده تکیان اولمایان، چاربار اولان یرلره (یانیر) دیرلر. یاتیر اولان بر اورمانجفک آغاچاری کسيلمز، هیچ بر محصولدن ماده انتفاع ایدیله مز. بو اعتقاد وقتیه اورمانلرک محفوظیتنه خادم اولمشدر. اسکی تورکلرده اولکلرک، وطنلرک محافطی (یرسو) لردی. دیمک که هر خطه نك سیاسی حاکمیتی تأمین ایدنده اورانک یرصوسی ایدی. قوملانجوتک یرصوسی یولدن تکیانک جماعتی ناصیل کوچه مجبور ایتدیکنی، تورخانک یرصوسی اونلره ناصیل مسافر پرورک کوستره رک اورانک حاکمیتی توجیه ایتدیکنی کوردک. آرباد، بحارستانی یرسو نامه فتح ایتشدی. بو جهنلری حقوق بمختده تکرار کوره جکز.

(چور) لسانمزدده حالا (جن) مناسه در. (فلانه چور دوقونمش یاخود فلانه چور دوقونماز) کبی قمبرلرده میدان چقار. اسکی تورکلر مادی سبیلرله خسته اولانه (صایرو)، جن چارمقله یعنی عصبی و روحی سبیلرله خسته اولانه (چورلو) دیرلردی. صایرونی (آفاصاغون) یاخود (اوناجی) یعنی طیب تدای ایدردی. چورلوی (قام) یعنی کاهن تدای ایدردی. قام، ایله کیلاسنک و آماغاتسک قوتنه کووه نهرک خسته لملک باغی اولان جنله مجادله یه کیریشیردی. اکثریا غالب کلیر، بهضأده مغلوب اولوردی. جنه مغلوب اولان بر قام یادلیرر، یاخود خسته لانیردی؛ حتی بعضیسی اولوردی. بناءً علیه قاملق تهلکهلی بر مسلکدی. چونکه چورلرله اوغراشماق قولای برایش دکلدی. بوکون چورلورله اختناق الرحلی وضعیف الروح (پسیقاسته نیک) ناملری ویریلور. (نه وروزلری ونه وروپاتی لری) بوکون بیله علی العاده طیبیلر دکل، تدای باروچ ایله اوغراشان روح طیبیلری تدای ایدیور. دیمک که بونلر قاملرک وشیحلرک خلفلیردر.

قاملرک کندیلری ده اکثریا اختناق الرحلی ایدیلیر. بدایتده بوخسته لقلره مبتلا اولماسه لرده شامانلق یا په یاپه (مکتسب اختناق الرحم) دوچار اولوردی. ناصیل که هینوتیزمک حصوله کتیردیکی مکتسب اختناق الرحم، «Histérie de Culture» نامی ویریلکده در. (میسس نه ددی) اوزون سنلر اختناق الرحمدن مفلوج یاتمش آمریقالی برقادیندر. بو قادین، بوخسته لقدن تدای بالروح طریقله شفایاب اولونجه میلیونلرجه آمریقالیلری تأثیری آلتنه آلدی. جاهل اولدیفی حالده یکی بر طبابت ویکی بر دینی تأسیس ایدره رک سکر یوز کلیسا وجوده کتیردی. دیمک که اختناق الرحیلر، بوخسته لنی تدای به ده موفق اوله بیلیرلر.

قوت — مقدس روح مناسنه در . ( قوتلو ) صنتی مبارک و مقدس معنایینه در . انسانده ( قوت ) ك بولونمسی ، اسلامیتده انسانك کریم اولمسنك عینیدر ذاتاً عربجهده کرامت کلهسیده برکت و قدسیت کلهلری کی ( قوت ) مناسنه در . بوصفتلر انسانك محترم بر شخصیت مالکیتنی کوستیرلر . انساندن باشقه آتدهده قوت اولمسی ، آنک تبت اوکوزینه خلف اولمسننددر . تبت اوکوزی ، تورك ایلنك توتهمی اولدینی ایچون قوتلو ابدی . آلتایدن آیریلان تورکلر ، قوربان آیینلرنده آتی اونك یرینه اقامه ایتدکلری ایچون ، قوتلولوق آتدهده کچدی .

قوت کلهسنك آنادولوده حالاروح مقامنده قوللانیلدینی واردر . مثلاً ( قوت قوردی ) دینیلیر . قوت کلهسی هم اسم ، هم صفت کی قوللانیلیر . قوت طماغ ، قوتی مرال کلهلرنده صفت کی استعمال ایدیلشدر . خوفند ، ( قوت کند ) دیمکدر . قوتاس ، ( قوت اوز ) دیمک اولدینی اولجه کورمشدک . بعضاً ، قوت هانکی الاهک قدسیتی اولدینیده کوستریلیر . اوغوز دیننده کوره جکمز وجهله خاقانه ( تا کری قوتی ) یاخود ( ابدی قوت ) دینیلیر . دیمک که خاقانده کی قدسیت و ولایت طامه اوکا الاهی برحق اولهرق تا کری طرفندن ویریلشدر . شامانده تحلی ایدن ده کندی ایه کیلاسنك یاخود آماغنك قوتیدر . اسکی تورکلرده بوتون خاقان سلالهلری ، نسلبرینی برالاها یاخود توتهمه قدر چیقاریرلردی . سبی بوالاها یاخود توتهمه عائد اولان ( قوت ) . وارث اولمقدر . بومسئله ایچون تورک منقهلرینه مراجعت .

ایلمی ممت

ایل دنجی

## ۱ — چینلیرده ایکیلی تصنیف

چینلیرده کی ایکیلی تصنیف ، دیگر تصنیفلرک اساسیدر . حتی ، دورتلی تصنیف ،

بيله ، چينلير كوره ، ايكيلى تصنيفدن اشتقاق ايتمىدور . احوالده ابتدا چينليرك ايكيلى تصنيفنى Granet ك بر مقاله سنده [۱] تدقيق ايده لم :

« ا ك اسكى زمانلردن بوكونه قدر چينلى دوشونوشى ، اساسلى بر تلىق طرفندن تحت حاكيتنه آلمىشدر : يانغ ويه ن تلقيسى .

( يه ن ) ايله ( يانغ ) هر شيدن اول بوتون اشيايى آرالرنده تقسيم ايدن ايكي جنس ، ايكي مقوله در . مثلا بوشيلر ( يه ن ) در : آى ، صوغوق ، باغه لى حيوانلر ، قراليجه ، غدارلر ، صو ، آينلر ، معمول اشيا ، قان روحى ، ايكي صاييسى ، ياغمور الخ . شو شيلرده ( يانغ ) در : كونش ، حرارت ، قوشلر ، قرال ، مشروبات ، آغاج ، موسيقى ، اعمال ايديله مش اشيا ، نفخه روحى ، اوچ صاييسى ، ييلديرم الخ ... بونلر عيى زمانده جنسيلمىش ايكي عمده در [۲]

( يه ن ) ديشيدر ، ( يانغ ) ار ككدر . ( يه ن ) ظلمت و عطالندر ، ( يانغ ) ضيا و قدر تندر . بوايكيسنك ازدواج شكننده برلشمه سندن بوتون اشيا وجوده كليز و عمومى آهنگ دوغار .

چينليرده بونلر ك اشارتلى ده واردر . ( يانغ ) ك اشارتى ( — ) در ، ( يه ن ) ك اشارتى ( — — ) در .

بوايكى اشارتك ايكيشر ايكيشر برلشمه سندن يوقاريكى ميجنده تدقيق ايتديكمز دورتلى تصنيف وجوده كليز :

$$\begin{array}{cccc} \text{=====} & \text{=====} & \text{=====} & \text{=====} \\ ۱ & ۲ & ۳ & ۴ \end{array}$$


بونلر ك محتوالرى شونلردر :

- (۱) كونش ، حرارت ، ذكا كوزلر ، الخ
- (۲) آى ، برودت ، احتراصلر ، قولاقلر ، الخ
- (۳) ييلديزلر ، فجر ، شكل ، بورون ، الخ
- (۴) سياره لر ، كيجه ، انسان ، تسلى ، آغيز الخ

Revue philosophique, 1920. 3 — 2, P. 185 [۱]

[۲] توركيجه ده ( باك ) شيطاندر .

بواشارتلك اوچر اوچر برلشمه سندن ده سگىزلى تصنيف وجوده كلير :



محتوالرى : (۱) كوك ، خالص اركك ، (۲) بوغو ، تصاعدات ، كوللر ، (۳) آتش ، حراوت ، ضيا ، (۴) ييلديرىم ، (۵) روزكار ، (۶) صو ، (۷) طاغىر ، (۸) ير ، خالص دىشى . [۲]

بوايى اشارتك دوردر دوردر برلشمه سندن ۶۴ شكل وجوده كلير . چينليرك بش مقدس كىتابىدن برى اولان Yi-King آدى كىتاب بو ۶۴ شكلك تفسيرىدن عبارتدر . [۳]  
چينليرده ، (يانغ) ايله (يەن) قيمتجه برىرىنك مساوىسى دكلدر . بو سبيله ، (يانغ) اولان شيلر (اوغورلو ، على) (يەن) اولان اشيا (اوغورسىز ، سافل) عد اولونور . مثلاً اركك ايله صاغ (يانغ) اولدقلىرى ايچون (على) ، قادين ايله صول (يەن) اولدقلىرى ايچون چينليرك نظرندە (سافل) درلر . قادينك چينده حقوقجه ار كككن دون اولمهسى وصول طرفك اوغورسىز طائىلمهسى بوتصنيفله علاقه داردر .

## ۲ — توركلرده ايكىلى تصنيف

توركلرده ايكىلى تصنيف ايكى تورلودر . برىسى چينليرك (يانغ) و (يەن) مفهولرى كى اشياىى غير مساوى ايكى طبقه يه آيران (آق) و (قاره) تصنيفيدر . بوتصنيف ، تماميله چينليرك (يانغ و يەن) تصنيفنه تقابل ايدر . ذاتاً (يانغ) كلمهسى (منور) ، (يەن) كلمهسى (مظلم) مغالرينه كلكلىرى ايچون ، بونلر لفظاً سادە (آق) و (قاره) كلملرينك معادللريد . بوتصنيفى ايلريده كوره جكز . ديكر ايكىلى تصنيفه كلنجه ، بونده ايكى صئقك قيمتلرى كيفيتجه برىرىنك باشقه اولمقله برابر ، كىتجه يكديكرينك معادليدر . برنجى تصنيف اشياىى ، (آق و قاره) ناملريه

ایکی غیر مساوی ( طبقه ) به آبیوریوری . ایکنجی تصنیف ایسه زمهره لری و فرد لری ( صاغ ) و ( صول ) نام لریه ایکی ( قول ) . آبیوریوری . بوتصنیفکدها اسم لرندن آکلاشیلورکه تورکارجه ( صاغ ) ایله ( صول ) برینه قیمتجه مساوی و بربرینک متممیدر . بوندن باشقه قادین وارکک جنس لری ( آق و قاره ) تصنیفنه دکلده ( صاغ و صول ) تصنیفنه ادخال ایدیلدک لری ایچون ، ایکی جنس حقو قجه بربرینک مساوی و متممیدر لر .

### ۳ -- اوغوز دینی یاخود صلح سیستمی

اوغوزلرک تشکیلاتی تحلیل ایدیلنجه کورولورکه ( بوزاق ) و ( اوچاق ) نام لرنده کی ایکی عشرتک بری برینک مساوی و متممی اولق اوزره اتحاد ایتمه سندن ، اوغوز ایلی وجوده کلشدر . ( ایل ) کله می دیوان لغاته کوره ( صلح ) معناسنه در [۱] فلان بک ، فلان بکه ایل اولدی = صلح اولدی دیمکدر . ایلجی تعبیری ده صلحجی معناسنه در . اوغوز اتحادنده ( بوزاق ) صاغ قولی ، ( اوچاق ) صول قولی تشکیل ایتدیلر . ایکی یولدن بویله جه بر اشهرک ( ایل ) ی وجوده کتیر برکن ، بونلرک الاهلری ده اتحاد ایدره ک ( بدی خودای ) ی وجوده کتیر دیلر . بو اتحاد شو وجهله اولیور : صول قولی تشکیل ایدن عشرتک اسکی دینی تشکیلاتی محافظه ایدره ک ( ایل ) . صول قول اولیور . بیلورز که اسکی بو دونک دیرت یر صوسی واردی . بونلردن یالکمز ( دمیرخان ) ایله ( صو خان ) قالیور . فقط ، بونلرده اوغوزلرده اسم لرنی دیکشدریره ک ، ( طاغ خان ) و ( دکز خان ) اولیور لر .

یر صولر اورته دنیا ممانسک یعنی کره هواشیه نک اوغولاریدر . یر صولرک باباسنه آلتای تورک لری ( اوغان ) دیر لر . اوغوزلر ایسه بوکا ( کوک خان ) نامی و بریور لر . ایشته بوصورتله ، صول قولک الاهلرنی ( کوک خان ، طاغ خان ، دکز خان ) نامنده کی اوچ یر صودن عبارت کورویورز .

صاغ قول ایسه ، اسکی یر صولرنی آتهرق بونلرک یرینه مساوی تا کریلر قبول ایتشدر . بونلرده ( کون خان ، آی خان ، بیلدیز خان ) در . دیمک که اصل استحاله صاغ قولی تشکیل ایدن بو درنده وقوعه کلشدر . صول قول قادین دینی سیستمی محافظه ایتدیکی حالده

صاغ قول بر ارکک دینی سیستمی ابداع ایتش ، وبو ایکی سیستمک ازدواجندن اوغوز دینی وجوده کلش .

او حالده ، بوالاهلرک اتحادندن آتیلی بر تصنیف وجوده کایور . جال بوکه چین تصنیفلرنده آتیلی بر تصنیف یوقدر . فقط ، ساجوقنامه بزه کوستریبورکه اوغوزشوله ننده سوکوکارک ( سوکوشلرک ) عددی یدیدر :

بری خاقان ، دیکرلری ده آتی اوقلردر . بو صورتده کی آتی اوقی برر الاء تمثیل ایتدیکی کبی ، خاقانی حتی خاتونی ده برر الاءک تمثیل ایتیمسی لازم کلزمی ؟

بونلرده اورخون کتابه سنه کوره ( تورک تکریمی ) ایله ( یر صو ) دن عبارتدر . ( تورک تاگریسی ) صلح تاگریسی دیمکدر . آلتای تورکلری بوکا ( بای اولکهکی ) دیرلر . ارغو تورکلری ( بایات ) نامنی ویریرلر . اوغوزلر ، اوغوز خان اسمنی اوغوز دینک مؤسسنه اطلاق ایتدکلری کبی ( ایل تاگریسی ) موقعنده قوللانیرلر . ( کون ، آی ، ییلدیز ، کوک طاغ ، دکز ) خانلرک اوغوز خانک اوغوللری اولمسی بو اعتبارله در . آلتایلرده بای اولکهک باباسی ( قاره خان ) اولدیغی کبی اوغوزلرده اوغوز خانک باباسی ( قاره خان ) در .

شمیدی ده اوغوز دینده کی الاء اسملری ، چینلیلرک سکزلی تصنیفیه قارشیلادیرلم : کوریورزکه [ ۱ ] چین تصنیفنده کی ( ۱ ) رقتک قارشیسینده ( کوک ) کلهسی وار . اوغوز دینده ایسه برنجیلک موقعی ( تاگری = ایل تاگریسی ) اشغال ایدیور تاگری اساساً ( کوک ) معناسنه اولدیغی ایچون ، بویکی مفهومک بری برینه تقابل ایتدیکی آشکاردر . چین تصنیفک ( ۲ ) رقی قارشیسینده ( کونش ) کلهسی واردر . ( صو ) ( ۷ ) رقی قارشیسینده ( طاغ ) ، ( ۸ ) رقی قارشیسینده ( یر ) کلهلری واردر . بونلردن ایکی اولکیسی ( دکز خان ) ایله ( طاغ خان ) تقابل ایدیور . صوکی ایسه ( یر صو ) در دیکر رقتلرک محتوالری تمام اولسهیدی ، بونلرکده آی ، ییلدیز ، کون خانلره تقابل ایتدیکی کوروردک . مع مافیه ( ۲ ) رقتک قارشیسینده کی ( بوغو ) کلهسی ( کوک خان ) . تقابل ایدره چونکه خاندکی ( کوک ) کلهسنک ( کره هوانیه ) معناسنه اولدیغی یوقاریده کوردک . بوسکزلی تورک تصنیفک ، چینلیلرده کی سکزلی تصنیفندن فرقی شودرکه : تورکلرده ( آق ) ، ( قاره ) مفهوملری کیرمدیکی ایچون ، سکز صنف آراسنده قطعی مساواتسزلق

[ ۱ ] بو تصنیف اشاغیده سوکوکلر عشتک نهایتده کوسترلشددر .

یوقدر . چین تصنیفك صنفلرنده ایسه یانغ ویهن عنصرلری داخل بولندی ایچون ، اساسلی مساواتمزلقلر واردر .

اوغوز خان دینی ، صلح دینی اولدینی ایچون سیاسی بر دیندر . تا کرلرک باباسی اولان ( ایل تا کریسی ) صاغ قولك حامیهسیدر . یرصولرک آناسی اولان ( یرصو ) صول قولك حامیهسیدر . ( ایل تا کریسی ) ایله ( یرصو ) ازدواج ایتدکلرندن ، آلتی کوچوک الایه ایکسینکده اوغوللری اولمشدر .

اوغان ( اوغوزلرده کؤک خان ) اولجه یرصولرک رئیس اولدینی ایچون ، آلتای تورکارنده حالا مهم بر موقع اشغال ایتمکدهدر. آلتایلرله کوره ( اوغان ) یرک اورتیسنده ساکندر . یرک بوکوبکنده بر جام آغاجی واردرکه اوغانک تمثالیدر . بو آغاج ( بای اولمکن ) ک اقامتکاهی اولان اون آلتنجی قات کؤکه قدر یوکسلمشدر . بونک معناسی اوغانکده مرتبه اعتباریله بای اولمکنه مساویک ادعا ایدیهجکدوجهده یوکسک اولمسیدر . اوغوز منقبهسنده اوغوز خانک هم ( یاز تا کریسی ) نک همده ( قیش تا کریسی ) نک قیزلری آلمش اولدیغنی کوردک . یاز تا کریسی یاقوتلرده ایل دینی ، ( بای اولمکن ) ، قیش تا کریسی ( اوغان ) در .

یاقوتلرده ( ایل ) انحلاله باشلامش اولدیغندن ، عشرتیلر آراسنده قان دعواسی عادتلی باش کؤستمکه باشلامشدر . بونک نتیجهسی اولهرق ، اسکیدن قان دعواسنک حامیسی اولان اوغان ( یاقوتلرجه اولو تویون ) قوتلهشمش ، بویوک تا کری اورتی دنیا ایشلریله اوغراشمی ترک ایتمشدره یاقوتلرده امید و کورکو ( اعتباریله اولوتویون ) ، مربوطدرلر . ( اولوتویون ) آياغنی یره باصدینی زمان ، بوتون طاعلر ، دره لر تیتیرر . فیرطنه لرله قاصیرغلر اونک یاقینلر ، کچدیکنه دلالت ایدر . کؤک کوزولیدی ، شیمشک ، ییلدیریم ، اونک سلاح شاقیردیلری ، قیولجیملریدر . بوتون آتش ، احتراصلر ، حرصلر ، آرزولر اوکا توجه ایدر . الوهیت ساحهسنده فعال اولان اودر . بویوک تا کری ایسه یوکسکدن مضکوردی ساحهسینی سکینتله تماشا حالندهدر . مراجعتکاه اولمق رولنی اولوتویونه ترک ایتمشدر . بشری ایشلره اوقدر لایفیدورکه حتی کندیسینه قوربان کسيلمهسینی بیله ایسته منر . یالکیز ، سنهده بر کره ، کنجلر طرفسندن کندی شرفه دوقوز بارداق قیمیز دوقوز دفعه ایچیلیمهسینی ایستر . بو ایچکی آییندن صوکر ، مسرتلی اویونلر یاپیلیر . کنجلر قیمیزی ایچرکن ( آیهال اوروئی آیهال ) نداسنی باغیرلر .

آلتی اوق . — صاغ قولك ممثلى (ايل تا كرىسى) صول قولك ممثلى (يرصو) اولدينى كى ، ايكي قولك قىسىملى اولان بطنلك (اوغوزارده اوقلرك) ممثلى ده كوچوك تا كرىلره كوچوك يرصولردر . صاغ قولده كى بطنلك ممثلى (كون خان ، آى خان ، بيلديز خان) نامنده كى كوچوك تا كرىلردر . صول قولده كى بطنلك ممثلى (كوك خان ، طاغ خان ، دكز خان) اولرنده يرصولردر . بوندن آلتى الاء اسمى چىقيور . چىنلىلرده ده آلتى عددىنك دىنده موقى واردر . (هوهان شو) اسمنده كى چىن كىتابنده يازىلدىغنه كوره سنهك اون ايكنجى آينده باي تىخت ياخود قوماندانلق مركزى اولان هر شهر كى خارجنده طوبراقدن آلتى عدد او كوز ركز ايديلير . فى الحقيقه (او كوزك علامتى اولان) (Tcheou) بويوك صوغوقلى قوغه جق واسطه در [۱] .

اوغوزلرده آلتى اوقك دىنى ممثلىلرى يالكىز بو آلتى الاهدن عبارت دكلدر . اونلرك (اونفون) لريه (سوكوك) لرى ده واردر .

اونفونلر . — جامع التواريخ كوره (اونفون) كلهسى تور كجه (اويتون) كله سندن مشتق در و (اويتون) كله سنك معناسى (مبارك) در . توركلر (مبارك اولسون) موقعنده (اويتون بولسون) ديرلر مش . بر جيوان ، بر زمردنك اونفون اولونجه اوزمردنك فردلرى اوجيوانى اولدورده مزار ، اتى ييه مزار واوكا هيچ بروجهله تعرض ايتيوب تالاً مبارك طانيرلر مش .

اونفونلر شونلردر :

(اونفون)	(زمرد)
شاهين	كون خان اوغوشى
قارتال	• آى خان
طوسانجيل	• بيلديز خان
سونفور	• كول خان
چاقر	• دكز خان
اوج قوش	• طاغ خان



یوقاریکی اسملردن بشنك آوجی قوشلر اولدینی کورویور. یالکیز (اوج قوش) ك هانکی قوشلر اولدینی مجهولدر .

سوکوکلر . — جامع التواریخ سوکوکلره (اندام کوش) ناهنی ویریور. بونک تورکجه مقابلی ( سوکوک ) اولدینی ( ابن بیی ) نك سلچوقنامه — نده کوریورز . اوغوزلرده (شولهن) آدی ملی بریافت وارددرکه بونده یکرمی دورت اوغوز بکی حاضر بولونورلر، فقط کسینلن قوربانك اتلرینی لاعلی التعین یمك جائز دکلدرد. آلتی اوقدن هر برینه منسوب اولان بکلرک آیری سوکوشی (سوکوک) ( یعنی بیه بیهلجکی ات قسمی ) وارددر . خاقانك سوکوکلرینی ده سلچوقنامه ده کوریورز ، سوکوکلر شونلردر :

خاقان	باش و اوچا
کون خان اوقی	صاغ قری یغرین
آی خان	صاغ اشغلو
بیلدیز خان	اویا کو (اویامه)
کول خان	صول قری یغرین
دکز خان	صاغ اشغلو
طلاغ خان	اوجایله

(اوجا) دیوان لغاته کوره صیرت اتیدر. (اویا کو) قابورغه طرفیدر. اشغلو (آشیقلی) دیمکدرکه آشینی اولان باجاق دیمکدر .

بو تصنیفی ده چینلیلرک ۸ لی تائوئیژم تصنیفیه قارشیلادیر برسه ق آرالرنده عینیت کوره بیلیرز . چینلی تصنیفنده ( سما ) بولومنده (باش) کلهسنی، ( یر ) بولومنده (قارین) کلهسنی کوریورز . خاقان سمایه ، خانون یره تقابل ایتدکلری ایچون ، خاقانك سوکوکی (باش) ، خانونك سوکوکی (قارین) اولمهسی چین منطقنه موافق دوشیور . (کونش) بولومنده ایسه (اویلوقلر) کلهسنی بولیورز. (اویلووق) بوراده (بوط) معناسنه در . اوحالده ( صاغ قری یغرین ) كده ( صاغ بوط )، (صول قری یغرین)ك ( صول بوط ) اولدینی ده آکلاشیلیور .

هر بجهده ، دیگر بعض لسانلرده مؤنشات سمایه عجباً بویله بر تائوئیژم نتیجه سیمیدر

یعنی مثلاً (شمس) مؤنث (قر) مذکر (بئر) مؤنث (سیف) مذکر اوله سی اوپله براعتقاد نتیجه سیدر .

چینایملرک تاؤنیزم تصنیفندن اوچ بولومنه مثال :

(۱) سما = Kien جنوبده، ضیا عمدہ سی، ارکک، حرکتسزک، قوت، باش، کوک قہ سی، بابا، خاقان، یووارلاقلق، جدا طاشی، معدن، آینه، قیزیل، ای آت، اختیار آت، بویوک آت، براکری قلیج، آغاچلرک یشی الخ ... [۱]

(۲) یر = Kwun شمالده، ظلمت عمدہ سی، دیشی، یر عمدہ سی، اطاعت، مواشی، قارین، آنایر، البسه، قازان، چوقلق، قارده، بویوک یوک آرابه لری الخ .

(۳) کونش = نفوذ، روزکاره اورمان، اوزونلق، یوکسکلک، کومه س حیوانلری، اویلوقلر، بویوک قیز، ایلروکری حرکتلری، ۱۰۰ ده اوچ قازانج الخ ...

یکرمی دورت بوی . — اوغوزلرده آلتی اوقدن هر بری دورت بویه آریلیر . بوندن یکرمی دورت بوی حاصل اولور . اوقلرک اونغونلرک سوکوکلری اولدینی کبی بویلرکده (تمغا) لری وار . جامع التوریک هر بویک کندی حیوانلرینی و خزینہ سنی کندینه مخصوص تمغا ایله اشارتله دیکنی بیان ایدیور . بوتماغار، جامع التواریخده و دیوان لغاتده کوسریلشدر . احتمالکه اونغونلر کبی بوتماغارده اسکی توتہ ملرک پس زنده لیدر .

یکرمی دورت بوی شونلردر :

دیوان لغاتہ کوره

جامع التواریخہ کوره

قیغ

بیات

القابلک

قربالک

یزغر

تو

توترقا

...

قابی

بابات

الفه اولی

قره اولی

یازر

دوکر

دودرغا

بایرلی

کون خان

آی خان

دیوان لغاته کوره	جامع التواریخه کوره
افشار	آوشر
جرقلق	قریق
بکتلی	بیکدلی
...	قارقین
بایندر	بایندر
بجنگ	بجنه
جولدر	جاولدر
جبن	جبن
سلغر	سالور
ایمر	ایمور
اولایندلغ	الایونتلی
ارکر	اورکر
اکدر	بیکدیر
بکدز	بوکدوز
ادا	بیوا
قق	قق

بیلدیز خان

کول خان

طاغ خان

دکز خان

دینی رئیس لر . — اوغوزلرده دینی رئیس لر، سیاسی رئیس لر دن آیری دکلدی . یکر می دورت بوی بکی هم سیاسی، هم ده دینی ریاستی حائز دیلر . بونلر شوله نده طولان هرق اللرینی برابرجه کوکه قالدیردقلری زمان آلتیشلری آلتیش وقارطیشلوی قارطیشدی . یعنی دهالری دعا وید دهالری بد دعا ایدی .

اوغوزلرک بو یکر می دورت بکدن باشقه (اوزان) نامیله هم کاهن، هم شاعر، هم سحر باز اولمق اوزره روحانیلری ده واردی . بونلر شوله نده ، اوغوزنامه یی اوقویه رق قوبوز چالارلردی .

۱۴ عددینک یاقوتلرده دینی موقعی . — آلتی ویکرمی دورت عددلرینک دیگر تورک جمعیتلرنده کی سیاسی قیمتنی ایلریده حقوق قسمنده کوره، جکیز . فقط یاقوتلرده

يکرمی دورت عددی، دینی تشکیلاتلرنده تظاهر ایتدیکی ایچون بوراده ذکر ی ایجاب ایدر .

سیه روزسکینک بیانیه کوره، بویوک ترو مقدس قازی کوسترمک ایچون، یاقوتلردن ترسبورغه یکرمی دورت شامان جلب ایتشدی. رئیس روحانیلرک یکرمی دورت اولمسی یاقوتلرده، دینی تصنیفده یکرمی دورت عددینک برعامل اولدیغنه دلالت ایدر .

#### ۴ — یاقوتلرده ایل دینی

یاقوت تورکارنده (ایل) ایکی قزلدن مرکبدر . صساغ قول (دوقوز آغا اوزا) ، صول قول (سکز آغا اوزا) نامنی آلیر . (آغا اوزا) یاقوتجده (بابا صوی) معناسه در . (ایه اوزا) ده (آنا صوی) معناسه در . یاقوتلره کوره، یر یوزنده کی بطنلر صاغده، دوقوز وصولده سکز بطنه منقسم اولدیگی کی ، سماده کی الاهلرده تامامیه بونلره متناظر اولمق اوزره سمانک دوقوز طبقه سی، یر یوزینک سکز منطقه سی اشغال ایتمشلر در . او حالده (سما) صاغ قوله، (یر) صول قوله تقابل ایدیور . سماده کی الاهلره یاقوتلر (تاتکەر) یعنی (تاکریلر) دیرلر . یرده کی الاهلرک ایسه بیلدیکمز یرصولر اولدینی آشکاردر . او حالده، اوغوز دینی کی، یاقوت دینی ده (ایل سیسته می) نه تابعدر . بونده ده، ایلک صاغ قوله مقابل اولمق اوزره سماده دوقوز تاکریلر وصول قوله مقابل اولمق اوزره یر یوزنده سکز یرصولر واردر .

اوغوزلرده ایکی عشیرتک برلش، سندن سکزلی بر (ایل) وجوده کلدیکنی کور . مشدک . یاقوتلرده ایسه، بو سکزلی زمره (ایل) ک صول قولنی تشکیل ایدیور . صاغ قول اولمق اوزره اوکا دوقوزلی بر زمره داها داخل اولویور . او حالده، یاقوت تشکیلاتی اوغوز تشکیلاتندن داها مرکبدر . فقط، (ایل) ک ایکی قول اولمسی اعتباریه بری برینک عینیدرلر .

شرقی اوغوزلرده یاقوتلر کی دوقوزلی و سکزلی تشکیلاته مالک اولملری محتملدر . بونلره دوقوز اوغور نامی و یریله سی شو فرضیه یی مؤیددر . (نایمان) مغولجه (سکز) دیمکدر . او حالده، نایمانلرک بویله بر تشکیلاتده صول قولی تشکیل ایتملری ملحوظدر .

ياقوتلرده، اورته دنياده كي حاكيتك تاكربلرک رئيسی اولان (آی نوون) ددکل، بلکە يرصولرک رئيسی اولان (اولونوون) ده اولايغنی بيان ايتمشدک. الاهلرک قدرتلری تمثيل ايتدکلری اوموشلره نابەدر. بولکا بناءً صاغ قول قوتلی بولونديغی زمان، تاكربلر داها قوتلیدر. صول قول قوتلننجه، حاکیت يرصولره کچر .

## ۶ — آلتای تورکلرنده ایل دینی

آلتای تورکلرنده (سما) اون یدی قاتدر. اورته دنیاده كي يرصولرده، اون یدی خاندن عبارتدر .

کوربیلیورکه بو ۱۷ عددی ياقوتلرده صاغ وصول قوللرک عددلری اولان ۹ و ۸ عددلرینک جمعندن حاصل اولمشدر .

اسکی بر زمانده آلتای تورکلرنده ده سمانک دوقوز قات اولدینگی شو واقعه دن آکلاشیلور :

آلتای تورکلرنده شامان، بای اولکنه قوربان تقدیم ایتدیکی زمان هوش اورمانجینده برهوش آغاجنی مردیون اتخاذايدر. بونک اوزرنده دوقوز کرتیک ياپارکه بونلر آشاغیدن یوقاری نه برنجی قاتدن دوقوزنجی قاته قدر کوکلری کوستیرر. اکر سمانک عددی اون یدی اولمش اولسه یدی، کرتیکلرده اون یدی اولوردی. اولجه سمانک قاتلری ۹، يرصولر ۸ عددلرنده ایکن، صوکره دن هر ایکسی ده، بونلرک مجموعی اولان ۱۷ یه بالغ اولمشدر. ذاتاً شیمدی یه قدر دینی تکاملده داتما اسکی تصنیفلرک بری برینه علاوه سیله یکی تصنیفلرک پی در پی عادت اولدغنی کوردک. تسین دیننده مشرقک دورت يرصوصی واردی که دورت بطنه تقابل ایدیوردی. اوغوزلرده ایکی تسینک برلشمه سیله دوردی تا کری، دوردی يرصو اولمق اوزره -کز الالهک وجوده کلدیکنی کورده شدک. ياقوت دیننده -کزه بر علاوه سیله دوقوز عددی ظهور ایتدکن صوکر ا بو صاغ قول واسکی ۸ عددی ده صول قول اولمق اوزره یکی بر تصنیف چیقدی. آلتای تورکلرنده ده بو ایکی صاینک برلشمه -سندن ۱۷ عددی چیقديغنی کوریورز. فقط، قوللره عاند الاهلرک عددی نه اولورسه اولسون داتما الاهلرک ایکی قوله منقسم اولمسی وبو الاهلرک بطنلره تقابل ایتمسی ایل دیننده عمومی بر قاعده در .

آلتای تورک‌لرنده یرصولرک ریئسی (اوغان) در. بونک اوغوللاری (صوخان) ایله (دمیرخان) در. بونلرک اسکی تسین دیندن قالله اولدینی بیلورز. فقط او زمان یرصولرک عددی دورت ایکن، شیمدی ۱۷ یه بالغ اولمشر. یرصولر و سمانک طبقه‌لری کبی یر یوزنده کی تورک اوروقلرینک صایبسی ده اون یدی در. مع مافیله، بونک ده اسکی زمانده دوقوز اولدیغه دلیل وارد: «آلتای تورک‌لرینه کوره قاره خان یرک کو بکنده دوقوز داللی بر آغاج یاراتمش و هر دالک آلتنده بر آدم خلق ایتش. بونون انسانلر بو دوقوز آتاندن وجوده ککشلر.» تورک‌لر ده «دوقوز آتالی» مشهوردر. شهسز، آتالر دوقوز اولدینی زمان، اوروقلر ده دوقوزدی. سمانک دوقوز قاتنده کی دوقوز ناکری، صاغ قولده کی دوقوز بطنک آتالری یعنی لاهوتی تمثاللری ایدی. صوکرادن تا کریلر ده، یرصولر ده (۱۷) یه بالغ اولدیلر. بونلر کبی اوروقلرک صایبسی ده (۱۷) اولدی.

ایل دینی (اورقون) تورک‌لرنده باشقه بر تغیر کوستریبور. جامع التواریخه کوره [۱] قاره قوروم جوارنده، بر طرفه اون ایرماق واردی. بونلرک اطرافنده اوطورانلره (اون اورقون) یاخود (اون اوبقور) دیرلردی؛ دیگر طرفه دوقوز ایرماق واردی؛ بونک اطرافنده اوطورانلر ده (دوقوز اوبقور) دینیلردی. بو تصنیف ده بر ایل تصنیفی کوستریبور بوراده کی دوقوز اوبقورلرک دوقوز اوغوزلر اولدینی آشکاردر. اون اوینورلره (اون اورقون) دینلمه سنه کوره بونلرک ده (اورخون = ارغو) تورک‌لری اولمه سی محتملدر.

## ۷ - ایل دینک اساسی

بر دین، مذهب اولدینی زمره نك اجتماعی وجدانی کوستریر. عشرت دورنده هر بطن مستقل بر وجدانه مالکدی. هر بطنک آیری بررنکی واردی. بورنکه کندی خصوصی شخصیتی بارز بر صورتده افاده ایدیوردی. بوندن باشقه، دورت جهندن، دورت موسمدن، دورت حیواندن، دورت عنصردن بری ده کندیسنه عائددی، کندیسنک خصوصی تمثاللری ایدی. دورتلی تصنیفه دهاچوق اشیا داخل اولدینی ایچون، باشقه جه دها بر جوق تمثاللر ده مالک دیمکدی. بطنلر عائد بوتماللرک چوقلنی کوستریبورکه

[1] Das kudarhu bilik, Radlof, pag XXVI

بطنلرك اجتماعى وجدانى ، عشيرتك اجتماعى وجدانندن چوق قوتلى ايدى . هر بطنك كندى يرصوى ، نظرندە ، عشيرتك اوغانندن داها چوق نفوذلى ايدى . بوندن دولاييدركه بطنلر آراسنده قان دعواسى وغزوه كېي بادرملر اكسيك اولمازدى . حق ، بطنلرى خصوصى الاهلرى اولان ( يرصو ) لر غزوه يە ، آقنە ، محاربە يە سوق ايدردى . ( اوغان ) عشيرتك تمنائى اولمقلە برابر بر صالح الاهى دكلدى . بناءً عليه قاوغالره مانع اولمق اونك بر رولى دكلدى . بوكا مقابل ، هر ( يرصو ) يالكنز كندى بطنك خصوصى تساندينە قيمت ويردىكى ايچون ، اونك تفوقنى تأمينە چاليشيردى . ( ديوان لغات ) دە ( يرصو ) يە ( جيوى ) نامى ويربايور . بو كتابدە دينليوركه ايكي تورك قومى محاربە ايدە جكسە قاوغا كونندن اولكى كيجه ، بوقوملرك جيويلرى يعنى يرصولرى برى بريله جنك ايدرلر . كيچ لين غالب كلن جيوينك قومى ايرتەسى كون وقوع بولان محاربەدە غلبە چالار ، مغلوب جيوينك قومى مغلوب اولوروش .

بو حال كوستيرييوركه ، عشيرت هنوز قوتلى بر تسانده مالك حقيقى بر جمعيت اولەماشدى . چونكه مشترك وجدانى هنوز كافى درجەدە قوتلەنەمەشدى . حال بوكا بطنلردن هر برينك غايت قوتلى اولمق اوزره معشرى بروجدانى واردى . اوحالده عشيرت دينى داها زيا . قان دعواسى دينى ايدى ، ايل دينى ايسە بردوات دينى اوله رق وجودە كلدى . ايل دينى ظهور ايتديكى زمان توركلردە ملت وجدانى ، كافى درجەدە قوتلشمشدى . ملتك وجدانى برنجى درجە يى احراز ايتمش ، بطنلرك خصوصى وجدانلرى ايكنجى درجە يە سقوط ايتمشدى .

بويە بر زمانده ، خلقك آراسندن براوليا پاخود قهرمان ظهورايدەرك منسوب اولدينى خلقك معشرى وجدانى شدتلى بر صورتدە حس ايتمكه باشلادى . بومعشرى وجدان ، داها حالى برالە تمنائى آلتندە تجلى ايدىيوردى . داها حالى ، سمان باشقە نه اولە بيلير ؟ اوحالده ، بويكى الە ( تاكرى يعنى كوك ) نامى آلدى . اسكى الاهلر اسملرينك دە دلالت ايتديكى وجهلە خاكى ايديلر . هر بوي بر ايرماق بويندە ، هرصوى بر ( صو ) كنارندە ياشادىنى ايچون ، معشرى وجدانى حيانه مدار اولان ( ير ) ايله ( صو ) يك تمثاللرى آلتندە سزييوردى . بوكا بناءً بطنلرك معشرى وجدانلرينە ( يرصو ) نامى ويرلمشدى . شمدى بطن مفكوره سندن داها بوكسك بر مفكوره ، صالح مفكوره سى ، ( بر خلقك عشيرتلرى وبطنلرى آراسنده قان دو كوله ، سى مفكوره سى )

دوغيوردی. بومفكوره دوغونجه ایل دینی ده کندی کندینه تشکل ایتدی. بومفكوره نی ایلک دویانه (تا کری قوطی) عنوانی ویریلدی. بو ذات ، صلح دینی تأسیسه و بونی استلزام ایدن دولت تشکیلاتی وجوده کتیرمه کندینی مأور و مبعوث بیلوردی. حکمدارلره (تا کری قوطی کین یوز) دینلدیکنی (ده کینی) یازیور. (تا کری قوطی) نك معناسی معلوم. ظل الله و روح الله معنالرینه در. (کین یوز) ایسه (کیش یوزلی) دیمکدر. (چنکیز) کله سنك مغوللرجه بو تعبیرك محرف بر شکلی اولمه سی محملدر. کیش یوز لقبی ده ، صاحبك بویوک بر پرستیژه مالک ، جلالتی ، شہامتی اولدیغنی آکلایر.

اورخون کتابه سنده تا کری به (تورک تا کریسی) نامی ده ویریلور. بوتعبیرده کوستریرکه (تا کری) بررب المعالمین دکلدی. بلکه برتورک اوروغك قومی الاهی ایدی. خاقانک ده تا کری طرفدن کوندریلدیکی اورخون کتابه سندن آکلایلیور:

فقط یوقاریده تورک تا کریسی و مبارک تورک برصولری شویله یاپیلر: تورک بودونی بوق اولماسین دیه ، یکیدن ببودون اولسون دیه بابام ایل بسله یی خاقان ایله آمام ایل بیلیجی خاتونی یوکسلتیلر، کوکک تپه سنده طوتوب یوقاری چیقارتیلر. (محیفه ۱۰۰-۱۰۱) (ایل) کله می اسکی تورکجه ده هم (صاح) ، هم ده (دولت) معناسه در. فی الحقیقه ، اجتماعی صلح ایله دولت عینی زمانده تشکل ایدم بیلن ایکی مؤسسه در. بر جمعیتده قان دعواسی وغزوه قاعده لری جاری ایسه اونده بر دولت ماهیتی بولونه ماز. دولت قان دعواسیله غزوه نك بیتدیکی یرده باشلار. ولایت عامه تأسس ایدنجه آرتق خصوصی احقاق حق یوللرینه لزوم قالماز. ایشته بوسبیلردن دولاییدرکه (ایل) تورکلرده هم بر دین ، هم بر دولت ، هم ده صلحجیلک اخلاقی صورتنده وجود بولدی.

ایل دینی ، اول امرده عشیرت دینی کندی تشکیلاتی آراسنه آلمقله ایشه باشلادی. چونکه تأسس ایتقی برطاقم غننه لرك آغلا بیله بوس بوتون اورته دن قالمه سی ممکن دکلد. بخصوص ، عشیرت دینی عائله نك اساسلرینی تأسس ایتش وقادین جنسنه بویوک بر موقع ونفوذ تأمین ایله مشدی. عشیرت دینك بوس بوتون زائل اولمه سی ، عائله تساندینك ضعیفه مه سنی وقادین حقوقك تناقصی موجب اوله بیلیردی. بوسورتله ایل دینی تشکل ایدرکن عشیرت دینی اونك سیسته منه بر عنصر حالده منضم قالمه سی قادین حقوقی نقطه نظرندن چوق فائده لی اولمشدر.



عشرت دینده اسکی بطنلری تمثیل ایدن یرصولر ، ایل دینده صول قولی تشکیل ایتدی . صلح طرفدارلرینک تمثللری اوله رق بکی ظهور ایدن تا کریلر صاغ قولی وجوده کتیردیلر . اوغوزلرده ( کون ، آی ، یسلدیز خانلر ) تا کریلردر . ( کوك ، طاغ ، دکز خانلر ) یرصولردر . یاقوتلرده دوقوز آغا ارزالرك تا کریلر ، سکز آغا ارزالرك یرصولر اولدینغی و آلتای تورکلرنده تا کریلرکده ، یرصولرکده عددی اون یدی به چقاریلش بولوندیغی یوقاریده کورمشدک .

ایکی قومک بودینی مناسبتلرندن باشقه سیاسی و اخلاقی خصوصیتلری ده واردر . صاغ قول صلح فرقهسی ، صول قول حرب فرقهسی ایدی . عینی زمانده صاغ قول اركك فرقهسی ، صول قول قادین فرقهسی ایدی . خاقان صاغ قولی ، خاتون صول قولی تمثیل ایدردی .

## ۸ — تورک منطقه‌نده مدبر عمده‌لر

ایکیلی ، آلتیلی ، سکزلی ، دوقوزلی ، اون ایکیلی ، یکریمی درتلی تصنیفلر

برنجی مبحثده دورتلی تصنیفک منطق مقوله‌لر ماهیتنده اولدینغی کوسترمشدک . شیمدی به قدر کوردیکمز وایلریده کوره جکمز واقعه‌لر ( ایکیلی ، آلتیلی ، یدیلی ، سکزلی ، دوقوزلی ، اون ایکیلی ، یکریمی درتلی ) تصنیفلرکده منطق مقوله‌لر ماهیتی حائز اولدینغی ، ذهنک مدبر عمده‌لری وظیفه‌سنی ایفا ایتدیکنی اثبات ایدیور . تورک دوشونوشی ، دائما بومنتقی قادرولر ، بوذهنی چرچیومه‌لر داخلنده جریان ایدردی . تورک تشکیلاتی ، دینی اولسون ، سیاسی اولسون هپ بو تصنیفلره تابع اولدینغی کبی ، هر صایینک قدسیت اعتباریه خصوصی بوموقعی واردی . بونلری ایلریده کوستره جکمز .

## اورنجی بحث

ایلخانلق دی ( آق وقاره ) تصنیفه استناد ایدر اوحالده اولا بوتصنیف تدقیق ایدم

### ۱ - ایکی طبقه

تورکلرده ایکیلی تصنیفک ایکی تورلواولدیغنی کورمشدک. بونلردن برنجیسی (صاغ-صول) تصنیفی درکه ( ایکی قول ) نامیده آلیر . ایکنجیسی ( آق - قاره ) تصنیفی درکه ( ایکی طبقه ) اسمیلده تسمیه اولونه بیلیر . ( ایکی قول ) ده صاغ ایله صول قدسیتجه بربرندن فرقلی اولقله برابر قیمتجه بری برینه مساویدرلر . بونلر کی صاغ و صول قادروملری ایچنه کیرن بوتون مفهوملمده بربرینه مساویدرلر . حال بوکه ایکی طبقه ده کی آق وقاره مفهوملری بویله دکلدر . کله لرده دلالت ایتدیکی وجهله ، بوایکی مفهوم تمامیه بری برینک ضدیدرلر . مع مافیه بونلرک ضدیتی مادی بر ضدیت ده دکلدر ، معنوی ، قدسی بر ضدیتدر . قدسیتجه بربرینک ضدی اولان بوایکی مفهوم ، بحق اعظم نامتاهای واصغر نامتاهای درجه سنده بر اوزاقلقه بربرندن اوزاقدرلر .

ایکی طبقه دن ( آق ) رحمانی قدسیتی ، ( قاره ) ایسه شیطانی قدسیتی افاده ایدر . یعنی برنجیسی مثبت قدسیتک ، ایکنجیسی منفی قدسیتک عنوانلریدر . برنجیسی جمال صفتک ، ایکنجیسی جلال صفتک تجلیکاهلریدر . بوندن دولاییدرکه مکافات الاهلری ( آق ) مقوله سنه ، مجازات الاهلری ( قاره ) مقوله سنه منسوبدر .

قدیم تورکلرده ارواحه ، اجنه یه ( چار ) دیرلردی . ایکی طبقه یه نظرأ ارواح طیبیه ( آق چار ) ، ارواح خبیثیه ( قاره چار ) ناملری ویریلیدی . [ آق چاردن آفشار کله سی ، قاره چاردن ده قارچاره ، قارچاره ، قارچاره کله لری دوغمشدر . ] شمال تورکلرنده بو تعیرلر ( آق چوره ، قاره چوره ) شکللرنده مستعملدر .

ارواح کبی ، صویلرده ایکی طبقه یه آیریلیدی . شمال تورکلری ایلدن اولانلره یعنی اصیللره ( آق سوبه ک ) ، ایلدن اولمایانلره یعنی اصالتمز عد اولونان انسانلره ( قاره سوبه ک ) دیرلرکه منالری ( آق کمیک وقاره کمیک ) در . ( ایلخانلق ) دورنده حاکم صنیف والکمز

کندی ایلنی اصیل عد ایدر ، اونک خارچنده بولونانلری اصالتسز طائردی . بناءً علیه حاکم ( ایل ) کندی بویلیخی، کندیسنه تابع بولونان یابانچی اوبماقلردن نفریق ایچون ، برنجیلرک اسمنه ( آق ) ، ایکنجیلرککنه (قاره ) صفتلری ادخال اولونوردی . مثلاً (قویونلیر) بایندر بوینه تابع اولان کندی اوغوز بویلیینه (آق قویونلیر) ، تابعلرینه ایسه (قاره قویونلیر) ناملرینی ویرمشلردی . برایل حاکمیتدن ساقط اولونجه، ینه (قاره) صفتنی آلبردی . مثلاً (بولاق) بودونی قیچاقلر طرفندن تحت اسارته آلتنجه اسمنی (قاره بولاق) . چویرمشدی . (محمود کاشغری) [ده کینی به کوره بوبولاقلر بالاخره (وولاق) اولاح دولتی تشکیل ایتدیلر] خطای دولتنک سقوطی اوزریه ، اوراده کی تورکلرک (قاره خطای) نامنی آلهرق هجرت ایتمه سی ایکی صورتله ایضاح اولونه بیلیر . بونلر یاساساً خطای اینک قاره اولوسلری ایدیلر ، یاخود استقلاللرینی غیب ایتدکاری ایچون بولاقلر کی بوصفتی آلدیلر .

قاره قیزغیلر ، قاره کونه لر ، قاره قاجارلر ، قاره کچیلرده هب بوایکی صورتله ایضاح ایدیلر .

تورکلر (وجد) ایله (قوط) یدده آق وقاره کله نریله افاده ایدرلردی . بوکون بیله وجدلی ، مسرتلی زمانلره (آق کون) ، قسوتلی ، فلاکتلی زمانلره (قاره کون) دیرز . (آق آقچه قاره کون ایچوندر) وجد ویرن خبرلره (آق خبر) ، قسوت ویرن خبرلره (قاره خبر) ناملرینی ویریرز . ناموسی تمیز اولان کیمسه یه (آلی آق) ، حیثیتی برباداولان کیمسه یه (یوزی قاره) تمیزلرینی قوللانیرز .

قدیم تورکلرده ، شامانلرده ایکی طبقه یه آیریلشدی . قاره شامان قسوتلی آیینلری اجرا ایدوردی . آق شامان ایسه مسرتلی عبادتلره رهبرلک یاپاردی . قوربان ایدیلرک حیوانلرک رنکلی ده بو عبادتلرک رنکنه تابعدی . آلتای تورکلرنده سمانک مکافات الاهلرینه آچیق رنکلی حیوانلر قوربان ایدیلردی ، یر آلتنده کی مجازات الاهلرینه ایسه قویو رنکلی قوربانلر کسیلردی . کاشغرده ، یشم طاشنک بیاضنه (آق قاش) ، سیاهنه (قاره قاش) ناملری ویریلیر . (بونلرک وشامانلرک ایکی نوعی سحرکده آق وقاره نوعلری اولدینه دلالت ایدر) قیزیلباشلر ، طریقتک اسرارینه نامحرمانلره (آغزی قاره) یاخود (قاره باش) دیرلر .

ایخانلق دیننده کی بو آق وقاره مقولالری ، بودون دیننده کی غرب ایله شمالک

تمثالری اولان آق وقاره ایله قاریشدر ماملیدر. بوراده کی (آق) جنوبک و یازموسمنک، (قاره) ایسه شملک و قیش موسمنک تمثالیدر. آق شامانه یازینکی دینمسی ده بوندندر. بودون دینده آق وقاره قیمته مساوی ایدیلر. فقط بوراده بر برینک تمامیه معکوسیدر لر. بودون دینک تک باشنه حاکم اولدینی زمانده، جمعیتی تشکیل ایدن اوغوشلر بر برینه مساوی بولونیورلردی. ایلخانلنک حاکم اولدینی زمانده ایسه، (ایل) ی تشکیل ایدن تکینلرله خانولر اصیل، (ایل) ک خارچنده بولونانلر ایسه اصلتیز عد اولونوردی. بناءً علیه برنجیلرک حریت واصلاتی (آق) صفتی، ایکنجیلرک اسارت و ذاتی (قاره) صفتی دوغورمشدی. سیاسی حقوقه بالکنز تکینلرله خانولر مالکدیلر. قاره کیمکر سیاسی حقوقدن محرومدیلر. دیمک که قدسیتلرده کی بوفرقلری، جمعیتده کی فرقلر حصوله کتیرمشدی. (آق وقاره) نک مترادفلری واردر: (اوز، یاوز) و (یاختی، یامان) کبی.

(آق) و (قاره) صفتلری غرب تورکرینه مخصوصدر. شرق تورکری (آق) برنده (کوک) کلهسنی قوللانیرلر. بونک سببی ظاهردر. دورتلی تصنیفده غربک رنکی (آق)، شرقک کی ایسه (کوک) در. او حالده هرایکیسی ده کندی جهته تمثال اولان رنکی رحمانی قدسیتک تمثالی عد ایتشدر. شرق تورکری ایلدن اولانلره (کوک تورک) رعایایه ایسه (قاره بودون) یاخود (قاره قامیق) دیرلردی. جنکیز مغوللری ده ایلدن اولانلره (کوک مغول)، رعایایه (قاره اولوس) دیرلردی. (قاره رعیه) تمیزی، بولکله لک ترجمه سندن عبارتدر.

شرق تورکری، انسنر ایچون (قاره) کلهسنی قبول ایتمکله برابر، الاهلر ایچون (یاغیز) کلهسنی قوللانیرلردی. بناءً علیه اورخون کتسابه سی جمال یاخود مکافات الاهنه (کوک ناکری)، جلال یاخود مجازات الاهنه (یاغیز یر) تمیزلرینی قوللانمقده در. آلتای تورکری کوک ناکرییه (یای اولکون) نامی ویریرلر. بوالاه، اون آلتنجی قات کوکده آلتون برتخت اوزرنده اوطورور (یاغیز یره) ده (اولک خان) نامی ویریرلر. بوده یر آلتنده کی تختانی سیاهه سیاه بر تختک اوزرنده اوطورور. ازلک خان توصیف اولوندینی زمان یوزی سیاه، وجودی سیاه، اتنک رنکی سیاه، البسه سی سیاه، حاصلی هرشیثی سیاه اوله رق تعریف ایدیلر. ازلک خان کنه کار روحلری مجازات ایچون بر قطران قازاننه آمارکه اونکده رنکی سیاهدر. ثوابی روحلرک کیده چکی جتنک اسمی، بالعکس (آق) در. جتنلکله یعنی جتنده اوطوران دده لرمنه (آفتو) نامی ویریلر.



تورک کرده ارک آق ، قادین قاره صنفلرینه ادخال ایدیلش اولسهیدی ، نهکی نتیجهلر حصوله کملک لازم کلیر ایسه ، هبسی چینلیرده وجوده کلشدر . بوندن دولاییدرکه چینلیر قادینه غایت آرز حقوق ویردکاری حالد ، اسکی تورکلر قادینه تمامیه ارککه مساوی حققلر قبول ایتشلردر اسکی تورک فهمینزمنک اساسی بونقطهده آرانمالیدر .

ایکی قول وایکی طبقه تصنیفلری عینی زمانده ، ایکی دینی سیستمک وجوده کلهسنده سبب اولمشدر . بونلردن بریسی صالح سیستمی ، ایکنجیسی عدالت سیستمیدر .

## ۲ — ایلخانلق دینی

مکافات و مجازات الاهرینک ایکی طبقهیه آریلمهسندن ایلخانلق دینی وجوده کلیر . ایل دینه ( سیاسی سیستم ) دینله بیله جکی کی ، ایلخانلق دینهده ( اخلاقی سیستم ) نامی ویرله بیلیر . چونکه اخلاقی وظیفه لک مؤیده سی بو الاهرک فعالیتلیردر .

آلتای تورکلرینه کوره ، برچوجوق دنیایه کله جکی زمان ، بای اولکون اوغلی ( یاییق ) ی بو ایشه مأمور ایدر . مأمور سود کولندن بردامله آله رق بونکله چوجنک روحنی یاراتیر . معیتده کی ملککردن بر ( یایوجی ) یی ثوابلرینی یازمق اوزره بوجوجنه تخصیص ایدر . بر چوجونک دنیایه کلدیکنی خبر آلتجه ، درحال ارک خانده بر ( کورموز ) کوندریر . برنجیسی چوجنک صاغنده ، ایکنجیسی صولنده دورور . برنجیسی ثوابلرینی ، ایکنجیسی کنساهلرینی یازار . بو ایکی ملک بو آدمی اولنجهیه قدر تعقیب ایدرلر . وفات ایدنجه کورموز درحال بو آدمک روحنی قاپه رق یر آلتشه کوتورور . ارک خان یر آلتنده کی سجاد بر سیاه تخت اوزرنده اوطورمشدر . اونک دها آلتنده کی قانده ( قازیرغان ) آدلی جهنم واردر . بوراده بر قازانک ایچنده اریمش قطران قاینامقده در . کورموز روحک کناهکار اولدیفنی ارک خانک حضورنده اثبات ایدرسه ، اونک امریه بو روحی قازانه آمار . مع مافیه یایوجیده روحی یالکز بر اقامش ، برابر کلشدر . ارک خانک محکمه سنده ، متوفانک ثوابلرینی صایه رق حقوقی مدافعه ایدر . اکر ثوابی کناهندن دها چوقسه قازانه آتیلمه سنه مانع اولور .

عکس حالد قازانه آتیلمه محکوم اولور . قازانده عدالتی اولدینی ایچون ، روح

بونك ايچنده ، آنجق كنهی درجه سنده قطرانہ باتار. كنهی نسبةً آزايسه ، كوزلری  
چهره سی دیشاریده قالیر . چوق ایسه یالکیز تپه سی دیشارده قالیر . بعضیسی بوسبتون  
باتار . فقط ، كنهی قدر یاندقدن صوگرا ، ینه یوقاری یه دوغرو چقمغه بلنلار .

اوجنچی کوكده جتنده یاشایان ( آقتولر ) آراسنده بونلركده حدلری ، جده لری  
واردد . بونلر ، كندی ذریتلرینك اضطراب چكمه سنه لاقید قالا مازلر . منسوب اولدقلری  
اوغوشك حامیسی اولان الاله مراجعت ایدرلر . ( تونلن روحلر ) جتنده دنیاده کی  
بویلر ، اوغوشلر ، قوللر و ایللردن متشکل اجتماعی تشکیلات حائمه یاشارلر . بونلر ،  
یرده کی ذریتلریله حامیلری اولان الاهلر آراسنده شفیعلك ده یاپارلر . الاهلر یاییق واسطه سیله  
یایوجی بی صیفیشدیرلر . یایوجی ، بو آدامك كنهی قدر یانمه سنی بکله مکه مجبوردر .  
چونكه ، جزاسنی تمامیه چكمدكجه باشی قظراندن دیشاری یه چقمماز . باش میدانه چقمغه  
یایوجی تپه سنده کی صاحبدن طوته ق روحی دیشاری یه چیقاریر . ( اسکی توركلرك تپه لرنده  
بر طوتام صاج بیراقه لری بونك ایچمندر . بو صاج اولمازسه ، روحی قازاندن قورنارمق  
زورلاشیر . اسکی جمعیتلرك همان هپسنده روح وجودك شكلنده تصور ایدیلیردی . بناء علیه  
روحكده صاحبی کی صاحبلی اولمه سنه تعجب ایتمه لیدر . یایوجی ، روحی اله کچیرنجه  
اوجارق ، اوجنچی قات کوكده کی جته یعنی ( آق ) . كتیریر . اوراده کی آقتولردن  
اقربالری اطرافنه طویلانیلر . كندیسنه ضیافتلر چكرلر . جتك یاننده ( سود کولی )  
اسمنده برکول واردد . صوبی کوثر قدر طائیلدر . ینه اوجوارده ( سوروه ) طافی  
واردد . کولده آلتون صنداللرله سیاحت ایدرلر . قییسنده کی صدقلی قومساللرده کزینیرلر .  
سوروه طاغنده ده هر نوع کوزل قوشلر ، کیكلر ، یمش آغا حلری واردد . بوراده ده  
آولر ، شوللر ، آت قوشولری ، اویونلری یاپه رق اکلنیرلر . حاصلی بوراده هرکس  
كندی صوبنك ، بونك ایچنده کوله رك اكلنه رك یاشار . روحمز سود کولندن كلدیکی  
ایچون اسکی وطنه قاووشمش دیمكدر . توركلرك دائما مفكوره لی اولمه سی ، روحلرینك  
بو قدیم وطنی نوزله سندن ، دائما سایه دوغرو منجذب بولونمهنسنددر . تورك اوراده  
یاشامه بی قاره طوبراقده سورونمكه ترجیح ایتدیکی ایچون ، ملتی ایچون قولایجه فدای  
حیات ایده بیلیردی . توركك قهرمان اولمه سنه بر سببده بودر .

اورخون كتابه سنده مكافات الاله ( اوزا كوك تا كری ) یعنی ( یوقاریده کی كوك تا كری )  
مجازات الاله ( آمرا یاغیزیر ) یعنی ( آشاغیده کی قاره یر ) ناملری وبریلیر . یاقوتلرده

مکافات تا کز یلری آراسنده بر الاله وارد که اسمی ( آیزیت ) در . ( آیزیت ) کلدانیلرک ( ایستارته ) سی و یونانیلرک ( آفرودیت = وه نوس ) ی کبی ولودیت و کوزهلک الاله سی اولدیغی حالده اولنرکبی عصمتک دشمنی دکلدره بالعکس ، عصمتک اک بویوک مؤیده لرندن بریدر .

بر قادین دوغورده جنی زمان ، آیزیت در حال اولنک امدادینه یتیشیر . بوتون تارلا ، چیچک ، یمش پر یلرینی معیتنه آله رق لحوسه نك باش اوچنه کلیر . بو پر یلرک هر برینه بر خدمت امر ایدر . آیزیت پر یلرله برابر اوچ کون اوچ کیچه اوراده قالیر . سود کولندن کتیردیکی دامله بی چوجک روحنه داملا تیر . بو ، مفکوره داملا سیدر .

آیزیت لحوسه بی دوغورتنقدن و چوجوغنی بو مبارک داملا ایله تقدیس ایندکدن صوکره ، پر یلرینی آلوب کیدر . فقط ، آیزیت آنجق عصمتنی محافظه ایتمش اولان قادینلره بو اهتامنی ابدال ایدر . عصمتسز بر قادینه ، نه قدر یالوارلسه ونه قدر جوق قوربانلر کسبله اصلا کلز . ایشته آیزیتک بو حرکتی ، عصمت ایچون ، اهمیتلی بر مؤیده در . بو اخلاقی مؤیده ، آیزیت ایچون یایسلان یاز بایرامنده ده کوزه چار باز . تورکلرده آیینلرک آق و قاره نوعلری اولدیغنی کورمشدک . آقلره یاز آیینی ، قاره لره قیش آیینی ناملری ده ویریلیر . حتی یاز آیینی اجرایه مأمور اولان ( آق شامان ) ه یاقوتجی ده ( ساینکی ) [۱] یعنی ( یازیشکی ) آدی ویریلیر . قیش آیینلری قسوتلی اولدیغی حالده ، یاز آیینلری بالعکس جدی و مسرتلیدر .

یاقوتلرده ، آق شامان ، آیزیت مخصوص اولان یاز آیینی شو صورتله اجرا ایدر : آیین کونی صباح ایرکندن هر طرف کوزلجه تمیزلنیر . اودالره اک کوزل سرکیلر سیریلیر . اک ابی و اک کوزل البسه لریکیلیر . اک لذیذ یمکلر یشیریلیر . اک سوسلو سوفرالر قورولهرق مسرتله ، شطارتله یمکلر ینیلیر . قیمیزلرک اک اعلاسی ایچیلیر . اوکدن هر کسک چهره سی مطلقا تبسملی ، شن و مسرتلی اوله جقدر . یمکدن صوکره ، بیاضلره بورونمش اولان آق شامان الله قوبوزی اولدیغی حالده کلیر . جنسیتنه دائر هیچ بر کناه ایشله مش عصمتنه هیچ بر قصوری اولمایان دوقوز کنج قیزله دوقوز دلیقانیلر سچر . بونلری

[۱] اسکی تورکجه ده ( یاز ) ایلک بهار معناسنه اولوب ، بزم یاز دبدیکمز موسمه اولر ( یازی ) دیرلردی . یاقوتلر ( ی ) حرفنی دائما « س » حرفنه قلب ایندکلری ایچون بونکله اولنلرده « س » شکی آلمشدر . احوالده « بایشکی » کله سی کبی ( ساینکی ) کله سی « بوزیشکی » معناسنه در .



ایکیشر ایکیشر ، دلیقانلیلر صاغده ، قیزلر سولده اولمق اوزره ال الله ویردیردکنسکره اولکرینه کچر . قوبوز چالارق ، الاهیلر اوقویهرق بو بکارت وعصمت قافلهسنی آیزیتک اوجنچی قات کوکده اولان سراینه دوغرو کوتورور . بو یوروش سایه جیقیشک بر تمیلی مثابهسنددر . جبقه جبقه کوکک اوجنچی قاتنک قاییسنه کلیرلر . بوراده اللرنده کوموش قیراجلری بولونان آیزیتک یاساچیلری وار . بونلر ، عصمتدائر برکناه ایشلهمش اولانلر وارسه ، کیری چورمکه مأموردلر . چونکه ، آیزیت ، عصمتسز اولانلرک کندی سراینه یاقلاشمهسنی ایسته مز . قافله ایچنده بویه برکنهکار وارسه طیبی کیری چوریلیر . اونه کیلر آیزیتک سراینه قبول اولونورلر و کوزهل الاهنک حضورینه چیقارلر . بوآیینده عصمتک قوتلی بر مؤیده سی دکلیدر ؟

آیزیتک حانی الاهیلر بوصورتله تصویر ایدرلر ! « باشند کورکدن بیاض برقالباق . چیللق اوموزلرنده بیاض کورکدن برپوسته کی . آیاقلرنده ، بالدرلرینه قدر سیاه چیزمه لر . بو حال ایله برقاییه یاصلانهرق او یودیغنی ، یاخود اورمانده دولاشدیغنی کوره نک ناصیل عقلی باشندن کیتمز ؟ »

آیزیتک یاز بایرامنه بکزمه یی بر بایرام چینلیلرده وادرد . ( غرانت ) یوقاریده ذکر ایتدیکمز مقاله سنده ، یی و مانع تصنیفلرینک منشأیی ده بو بایرامک آیینلرنده بولیور . مومالیهی دیکله یلم :

« بوقاریشیق مفهوملرک ( یعنی یی ایله یانغ ) ک اسکی چینک زراعی جماعتلرینه منسوب فردلرک طوپلان دقلری موسم بایراملری ائسانسده تشکلی ایتمه سی بویوک براحمالدر . بو جماعتلرک تشکیلاتی ، اساساً ایشلرک متناوب برنظم ایله جنسلر آراسنده فنی بر تقسیمه استقاد ایدیوردی : تارلارلرک قابا ایشی ارککلره عاندی و چیفتچیلرک بوتون مملکته باییلدقلری یاز موسمنه تقابل ایدیوردی ؛ قادینلره ایسه آلونک دورت دیواری ایچنده ، اوده باییلان اینجه ایشلر قالیوردی . بوایشلرده ، هرکسک کندی مسکته چکیلوب قاباندینی قیشک اورتیه سنده ، تولو موسمنده باییلوردی : بوتون اجتماعی استحصال ، ایشلرک بو متناوب نظمنه تابعدی . قیش حیاتندن یاز حیاته ، یاخود یاز حیاتندن قیش حیاته کچیلدیکی آنلرده حلول ایدن بوموسم بایراملرنده ، بوتشکیلات ، قیزلرله دلیقانلیلرک برتعا کسپله کندیسینی تجلی ایتدیوردی ؛ بونلر ، قارشیلقی آهنگ طاقلری حالنده ، بر متناوب ترنملر او یونی اجرا ایدیورلردی ، صوکرک جفت جفت آریلیورلر ، مقدس موقعده

جماعه ایدیورلردی. هر بریسی، آوارلنده اجتماعی ایشلر تقسیم اولونان جنسی زمره لردن برینی تمثیل ایدن قارشیلقلی و متناوب آهنگ طاقلرینی بر برینه قاووشدوران بوسونجیلی اویون، جماعده اتحاد و آهنگك حصوله باعث عد اولونان جنسی جماعه لرله ختام بولان بوسونجیلی اویون، شه سز ( یه ) ايله ( یانغ ) تصویرینك تملنده آرانیمه سی لازم کلن خیالدر: جنسیلشمش مقوله لر، آهنگ عالمك جفتلشمش عمده لری، بری ارکك عمده، یاز عمده سی، ایش، اتساع، ضیا عمده سی؛ دیکری، دیشی عمده، قیش عمده سی، چکیلش و کیزلی فعالیت، ازوا، کولکه عمده سی. یه ايله یانغ ك جنسی جماعه سی، بایراملر هنگامنده، سونجیلی اویونلر ائاسنده وقوعه کلیر کولکه دییه ترجمه اولونان یه، بدایتده، طاغك شمالنده، ایرماغك جنوبنده بولوفان بر وادی قسمینی افاده ایدردی؛ یانغ، قارشى یاقینی، طاغك جنوبی ایرماغك شمالی افاده ایدردی. ایکی عمده به اسملرینی ویرهن، مقدس موقعك منظره سیدر. بونلر بایرامدن و اونك تمثال اولدینی شیلردندرکه بوتون بنیوی عنصرلرینی آلیرلر. چیللرده کی بوسونجیلی اویون، ایلک نظرده تورکلرک کنج قیزلرله دلیقانلیلرک ایکیشر ایکیشر ال اله ویره رک اجرا ایتدکری یوروشی آکدیررسده، آوارلنده کی فرق درحاح ظاهر اولور. تورکلرده کی آیین عصمتك بر مؤیده سی اولدینی حالده، چیللرده کی اویون، بالعکس عصمتسزلکك بر سائقیدر. چو قفلر آراسنده کی ( اوشودم، اوشودم، آبنم جانم اوشودم ! ) اویونی ده بوقارشیلقلی آهنگ طاقلرینی آکدیریور.

چیللر چیفتجی بر ملت اولدقلری حالده، تورکلر چوبان بر قوم ایدیلیر. چیللرده جنی بر تقسیم اعمال وقوعه کلدیکی حالده، تورکلرده بالعکس هرایش آنجق ارککله قادینك اشتراکیله تمام اوله بیلیردی. تورکلرده قادین ( تابو ) دکلدی. داخلدن ازدواج بونك دلیلدر.

## ۱ - تورک قوزموغونیسى

قوزموغونیلرله اسطوره لرك ایکی رولی واردر: بریسی بعضی حادثه لرك ایضاحی، دیکری تلاوتنك آیینی بر ماهیتی حائر اولمه سی.

تورك قوزموغونيسي آلتاي توركلرنده كوريبورز . بونلره كوره ، هيچ بر شي يوقكن يالكز ايكي موجود و اودي : قاره خان ايله صو . قاره خاندن باشقه كوره ، صودن باشقه كورونز يوقدى . صو ، ازلدن برى دالغه لانان بر ( قانو ) مئابه سنده ايدى ؛ بر ( عما ) بر ( - سواد ) ايدى . قاره خان ، بر ( علم ازلى ) ، بر ( كئز مخفى ) حكمنده ايدى . قاره خان نهايت يالكز لقدن اوصاندى . كنديسى كي كوره ، بيلر ، يابه بيلر بر موجودكده وار اوله سنى ايستهدى . ( كيشى ) نى ياراتدى . ايكيى ، ايكي قاره فاز كي صويك اوژرنده اوچقه باشلاديلر . كيشى روحاً فناغتسزدى . قاره خاندن داها چوق يوكسكه فيرلامق ، داها پوجه يرلرده اوچق ايستوردى . قاره خان ، كيشيك قلبدن كچن بو مغرورانه فكرلرى كوريبوردى . بوكاجزا ويرمك لازم كلديكنه حكم ايتدى . كيشينك بيلمك قدرتيده ، اوچق اقتداري ده نزع ايتدى . ذواللى كيشى ، بر طاش پارچه سى كي تابىز ، توانىز صويك دويىنكلىرينه باقمه باشلادى . كيشى ايشنك قنلاشديغنى آكلادى . توبه ايتمكه ، كناهنك عفو نى نياز ايتمكه باشلادى . قاره خان ، اوكا آجيدى . بيلمك ، طوبراق اوستنده ياشامق قدرتلى نى كنديسنه تكرر وىردى . فقط ، اوچق اقتدارى اوكتكرر وىردى . كيشينك ياشامه سى ايجون ، شيمدى بر طوبراق پارچه سى لازمدى . قاره خان ، دكزك آلتدن بريسليز يوكسكه ندى . كيشى به بويىلدن بر آووج طوبراق آلهرق صويك يوزينه چيقمه سنى امر ايتدى . كيشى بو بر آووج طوبراغى آليركن ، كنديسى ايجون كيزلى بردنيا ياراتمى دوشونه رك ، بر پارچه طوبراغى آغزنده كيزلهدى . يوقارى كلنجه ، قاره خان النده كي طوبراغى صويك يوزينه آت ديدى . كيشى النده كي طوبراغى آندى . قاره خان طوبراغه ( بويو ! ) ديه امر ايتدى . طوبراق بويومه به ، بويوك بر آدا حالى آلمغه باشلادى . فقط ، عيني زمانده كيشينك آغزنده كي طوبراقده بويوبوردى اكر ، قاره خان ، ايشك فرقه ده اوله رق ( توكور ! ) ديه امر ايتمه سيدى ، كيشى توكورمه به جك ، آغزى پارچه ، پارچه اوله جقدى . كيشينك توكوردى كي طوبراق يرك اوزرينه صاجيلنجه بوندن طاغلىر ، دره لر وجوده كلدى .

قاره خان ، بو بويوك آدانى بوش بيراقامق ايجون ، آدانك اورته سنده بر جام آغاجى يوكسكه ندى . بونك دوقوزدالى واردى . هر دالك آلتنده بىكي آدم ياراتدى . بودوقوز آدمدن انسانلرك دوقوز عرقى ثوره دى . قاره خان ، انسانلره قولاغوزلق ايتمك اوزره ( بايق ) آدى برمك كوندردى . ( بايق ) انسانلرى دوغرويله كوتورمكه چاليشيركن ،

کیشی اونلری باشند چقارمغه ، تورلو تورلو اکلنجه لره آیلشدیرمغه اوغراشیوردی . قاره خان بواحق انسانلره قیزدی . یاییغه یر یوزینی تارمار ایتدییه امر ایتدی . یاییق یر یوزینی مزراغیله آلت اوست ایتدی . یر یوزنده کی برچوق دلیک ده شیکلرده بوصورتله وجوده کلدی . قاره خان، کیشی بی ده یر آلتنده کی سباه قوغدی و آدینی ( ارلک خان ) . تبدیل ایتدی .

قاره خان ، یر یوزینی کندی حاله ترک ایدنجه ، یوقاریده اونیدی قات کوکی یاراندی . کندیسسی اون یدنجه قاتی مسکن ایدندی . اوغلی ( بای اولکون ) ی اون آلتنجی قات کوکده آلتون برتخت اوزرینه اوطوردی . بو بویوک الیه هم صلحک ، همده عدالتک اک بویوک الیه ایدر . ( یاییق ) بای اولکونک اوغلیدر . سمانک هرقاتنده بر الیه یرلشدیردی . یدنجه قاتده ( کون آنا ) ، آلتنجی قاتده ( آی آنا ) اوطورور . تورکلرجه کونش قادیندر . آی ارککدر . چوجوقلرک حالا ( آی دده ) دیمسی ( آی آنا ) تعیرندن قالمدر . اوچنجه قاتدهده جتی ، سوروه طاغنی ، سود کولنی یاراندی . پایوجیلری ، بونلرک رئیس اولان ( یاییق ) ی ، آیزینی هپ بوراده یرلشدیردی .

قاره خان ، یوقاریکی سباه بوتکوینانی یابارکن ، ارلک خانده آشاغیکی - ماده قاره برکونش یاراندی . اوراسی بو قاره کونشک سیاه نورلریله تنویر ایتدی . کندیسسی قاره برتخت اوزرنده اوطوردی . کورموزلری قاره اوزوتلری اوتکه لرلی یاراندی . بونلرده کندیسینک ملکلری ، جنلری ، شیطانلریدر . بو صورتله بای اولکونک مکافات الیه اوله سنه مقابل ، ارلک خانده مجازات الیه اولدی . دنیانک اولنده یوقاریکی ساه ایله آشاغیکی ساه آراسنده بوجادله لر اولدینی کی دنیانک صوکندهده ارلک خانله یاییق آراسنده قورقونج محاربه لر اوله جق . یر یوزی بو محاربه لرله آلت اوست اوله رق بیقیله جق . ایسته ، اسکی تورکلرجه قیامت بویله قوپه جق .

بو قوزموغونی ، آق و قاره عنصرینک بای اولکون ایله ارلک خانک ناصل ظهور ایتدیکنی کوستری . ایلخانلق دینی ، بر ( ایل ) ک دیگر ایللری و بودونلری جبراً کندیسنه تابع ایتیه سیله باشلار . چونکه بوسیلمی تحولدن جمعیتلر ایچنده حاکم و محکوم ، حر و اسیر اولوق اوزره ایکی عنصر حصوله کلیر . حاکم اولان ایل ، آقادر . افرادی آق کیمکیر زمهده سی تشکیک ایدر . محکوم اولان بودونلر قادهده . بونلره قاره اولوس ، کون ، بویاقده دنیلیر : ایلن اولوسنی آلدی کیتدی ، ایله کونه قارشی ، ایل اویماق کی .

بر ايلك بشقه ايلاره حاكيتي ايلخانلقدور . ايلخانلقدور يالكنز حاكم اولان ( ايل )ك  
فردلري صودور . وطنداش حقوقنه مالكدر . ايشته آق وقاره مفهوملري بو تشكيلاتدن  
صوكرادوكه تورك تشكيلاتنده بر جاي تطبيق بوله بيلد.

## ٢ — دوقوز اوغوز مقبهي

بو مقبهي بزه هم چين منبعلري ، هم ده ايران منبعلري طرفندن نقل ايديليور . بو حال  
كوسترر كه ، بو مقبهي اسكي توركلرجه غايت اهميتلي ايدي . چونكه ، توركلرجه  
بيوك بر اهميتي حائز اولمايان بر شيك چين و ايران كي بويوك ملتلك نظر دقتي جلب  
ايدمه زدي . بوندن باشقه بو مقبهي ، كرك چينليرك و كرك ايرانيلىرك دوغرو دن دوغرويه  
توركلردن آلدقلى ده آشكادور . بر بوندن بو قدر اوزاق بولونان بوايكي ملت بو مقبهي  
بر بوندن آله مازلردى . ( بو ايكي منبعك روايتلري كوبرولى زاده فؤاد بكك تورك ادبياتي  
تاريخي اسمنده كي اترينك برنجي كتابنك ٧١ و ٧٢ نجى صفحه لرندمه محررور . )

بو مقبهي كوره دوقوز اوغوزلر اولجه ( قوملانحو ) آدى ويريلن بر اولكه ده  
اوطورورلر مش . بوراده ( توغلا ) و ( سولينغا ) آدى ايكي ايرماق آقارمش ، بر كيجه  
اوراده كي ايكي آغاجك اوسته كوكدن بر ستوني ايندى . بو آغاجلردن برى ( سومو )  
يعنى ( هوش ياخود قين آغاجي Bouleau ) ، ديكرى ( فسوق ) يعنى ( جهانكشايه كوره  
چام فيستيني ، محمود كاشغري يه نظراً قنديق آغاجي ) ايديلر . ( بو آغاجلر ايلري ده  
كوروله جك اولان ديني وسحري قدرتلري بو نوردن كلشدر . ) بو آغاجلردن برينك  
قارنى شيشدى . دوقوز آي اون كون صوكرا آغاجك قارننده بر قاي آجيلدى . ايجريده  
آغزلرنده كوموش امزىكلر بولونان بش ارلك چوجوق كوروندى .

داها چوجوقلر دوغمدهن ، بو آغاجلر ك اطرافنده اوتوز قدم نصف قطرنده كوموشدن  
بر دائره وجوده كلشدى . آغاجلردن موسيقي سسلري ايشيديلردى . ( موسيقي نك ديني  
وسحري بر قدرته مالك اوله سي ده بوندن ايلري كليور . ) كوكدن اينن نور ستوني  
اوراده ( يشم ) دن بر قاي وجوده كتيرمشدى . ( يشمك ديني وسحري قدرتي ده بورادن  
كليور . ) او جوارده كي توركلر بو چوجقلري بويوتديلر . اسملريني ( سونفور تكيين ، قوتور  
تكيين ، نوكانك تكيين ، اور تكيين ، بوغو تكيين ) قويديلر . بونلر اون بش ياشنه كلنجه

بابا و آنالرینی صور دیلر . تورکلر اونلری ایکی آغاجک یانسه کوتوردیلر . ایشته بونلردن بری بابا کز ، دیکری آنا کزدر دبدیلر . (هوش آغاجک بابا، جام فستیقنک آنا اولمسی لازم کلدیکنی ایلریده کوردجکمز .) چوجوقلره بو آغاجلره بویوک برحمت کوستردیلر . سوکیلی آنامز ، بابامز دییه صیمی محبتلرینی عرض ایتدیلر . اوزمان آغاجلرده دیله کلهرک اولادلری حقنده خیر دعاده بولوندیلر .

نهایت ، برکون خلق طوبلانه رق بوغو تکینی خان انتخاب ایتدیلر . چونکه بوغو ، هر بویک دیلنی و اوبالربنک صاییسنی بیلوردی . بوغونک اوچ قارغیسی واردی که هر یرده اولوب بیتن شیرلی کندیسنه خبر ویررلردی . (چوجوقلرک حالا قارغلردن خبر صورمهسی بوندن ایلری کلیر .)

بوغو تکین برکیجه رؤیاسنده بیاضلر کینمش والنده بیاض برعصا طوتان آق صقاللی برآدام کوردی . بو اختیار فستیق شکلنده بریشم طاشی کوستره دک (سماوی نوردن حصوله کلن قایا اولمالی!) ، تورکلر بو قوت طاغنی اللرنده طوتدقچه دورت بوجاغه حاکم اوله جقلردر . دیدی . بوغو خان برکیجه اوتاغنده اویومق ایچون یتاغنه کیرمشدی . بردنبره نچره نک آچیلدیغنی ایچری به سماوی بر قیزک کیردیکنی کوردی . بو قیز ملکوردن داها کوزل ، یرلردن داها جاذبه لی ابدی . بوغو خان نه به اوغرادیغنی آکلایه مادیغندن کوزلرینی قاپایه رق کندیسنی اویویور کبی کوستردی . قیز صاغه دوندی ، صوله دوندی . کنج خاقانی اویاندرمق ایچون چوق چالیشدی . فقط بر تورلو اویاندرمه مادی . نهایت امیدنی کهرک نچره دن چیقدی کتدی . ایرتسی کیجه قیز بنه کلدی . کنج خاقان بنه کندیسنی درین بر اویقویه دالمش کبی کوستردی . قیز بنه بو اویقوجی حکمداری اویاندرمه مایه رق چکیلدی . کتدی . صباح اولونجه ، بوغو خان قیزک بنه کلجکنی دوشونه رک بوکا برچاره بولمق اوزره ایشی وزیر بنه آجدی . وزیر دیدی که « خاقانم ، بونده قوزقه جق بر شی یوق . بلکه هیمزک سوینه جکمز بر فال خیر وار . بو قیز بر الاله اولمالی . کلینشی سزه قوتلو بیلکیلری اوکره تمک ایچوندر . یارین کیجه بنه کلیرسه آرتق کندیکزی او قوده کوسترمه بکمز . اوزمان نه ایچون کلدیکنی آکلار سکمز . » اوچنچی کیجه قیز بنه کلدی . فقط بوکره بوغو خان ادنی احترامله قارشیلادی و اوکا بر الاله به عرض ایدلمه سی لازم کلن احترامی کوستردی . (بو قیز وزیرک کشف ایتدیکی کبی ، کرچکدن بر الاله ابدی . بوغو خانه یکی بر دین اوکره تمک ایچون کلشدی .

كوك قیزی ، بوغو خانہ آرقہ مدن کل دیدی . کنج حکمدار الاهی تعالیٰ قعیب ایتدی .  
آز اوز کیتدیلر ، دره تپه دوز کیتدیلر . نهایت آق طاغه اولاشیدیلر . اوراده بوغو  
خانہ یکی دینک کیزلی حقیقتلری آ کلا تمغه باشلادی . بوندن صوگرا ، هر کیجه كوك  
قیزی او طاغه کلیر ، بوغو خان آق طاغه کوتوروردی . بوخال یوزلرجه کیجه لرد . ام  
ایتدی . بوغو خان یکی دینک بتون سرلری اوکره ندی و بتون دینی و سحری قدرتلره  
مظهر اولدی . برکیجه آرتق بو اسرار انکیز ملاقاتلرک صوگ کیجه سی ایدی . كوك  
قیزی ، وداع ایدرکن دیدی که « یرده ، کوکده نه وارسه هپسنی اوکره ندیکیز . بن آرتق  
کله به جکم . یاربندن اعتباراً دنیانک دورت بو جاغنی فتحه باشلایکیز و کوستردیکم یولده  
عدالت یابکیز . سزه اوکره ندیکم حقیقتلری هر طرفه یابکیز ! »

صبح اولونجه قارده شلرینی چاغیردی . هر برینی بر اردویه نصب ایدره رک بونلری درت  
بو جاغک فتحه کوندردی . کندیسیده بویوک بر اوردو ایله چینک اوزرینه یورودی .  
( دورت بو جاغک دین قدسیتینه ایلریده کوره جکیز . ) هپسی سفرلرنده موفق اولدیلر .  
بوغو خان قارده شلرینه دیمشدی که : « طیبی انسانلر و کوزل حیوانلر و نباتلر کوردکجه  
دائماً ایلری کیدیکیز ! فقط باشی انسان وجودی حیوان ، یاخود باشی حیوان وجودی  
انسان اولان چیرکین مخلوقلر کورمه که باشلادیغکیز آنده آرتق ایلری به یکنز ! چیرکین  
مخلوقی اولکلر بزه یاره ماز . » ( بوغو خان چیرکین اولان مخلوقلری حاکمیتی آتیه آلمق  
ایسته میوردی . تورکلرده بدیی ذوقک اسکیلکی بونکله ده آ کلا شیلیر . ) نهایت مقرر  
اولان زمانده ( بلا ساغون ) مھراسنده بتون اوردولر طولانلادی . بوغو خان اسیرایدیلش  
اولان بوتون حکمدارلری برر برر حضورینه قبول ایتدی . بونلر هپ کوزله چهره لی  
فکرلی ، درایتلی انسانلردی . هپسنی ینه یرلی یرینه کندیسینه تابع برر خدیو اولمق  
اوزره احاده ایتدی . یالکیز هند حکمداری ، چیرکین برآدام اولدینی ایچون حضورینه  
قبول ایتمه دی . اونو خدیو اوله رق مملکته ده کوندرمدی . بوغو خان دینی بدیی بر  
دین اولدینی ایچون ، بوغو خان چیرکینلری حکمدارلق مرقنه لایق کورمیوردی . )  
بوغو خاندن اوتوز کویک صوگرا ، طورونلرندن ( یولون تکین ) تخته چیقدی .  
اوزمان چینه ( تانغ ) سلاله سی حاکم دی . چینلیر تورکلردن قورقدقلری ایچون فنفور ( کله یان )  
آدی قیزی ، خاقانک اوغلی ( غالی تکین ) . کوندرمکه قرار ویردی . برایلچی رفاقتیه پرنسی  
کوندردی . ایلمچی یولده تورکلرک سطوت و شوکشتک ( قوت طاغی ) آدی بریشم قاپلدن

ایلی کلدیکی اوکرمندی . یولون تکیه دیدی که .. حکمدارم سزه اک قیمتی مجوهرینی کوندردی . سزده قارشلیق اوله رق اوکا برهدیه کوندرمک ایسترسه کز بزجه مقبوله کچه جک ( قوت طاغی ) قایا پارچه سیدر . بوقایانک سزجه هیج بر قیمتی یوقدر . بونی حکمدارمه هدیه ایدرسه کز چوق مقبوله کچر . ( یولون تکیه ، چین مدینه کندی ملی حرنندن زیاده قیمت ویرن مایتسز بر حکمداردی . قوت طاغنک اوتوز بطندن بری تورکارک مقدس برمطافی اولدیفنی بیله بیلیموردی . تورکارک ملی مفکوره سی عادتاً بویالین قایاده تمئل ایتمشدی . یولون تکیه بوملی تمئلی ، برقیزک بدلی اوله رق ، چین حکمدارینه ویرمکده هیج برباس کورمدی . یالکنز بونی ناصیل کورتوره بیله جککرینی صورتدی . چین ایلچییی ، قایانک اطرافنه اودونلر ییغدی . اوزرینه فیچیرله سرکه دوکدی . اودونلره آتش ویرنجه قایا پاره پاره داغیلدی . ایانچی بو پارچه لری دقتله طولادله رق ، آرابه لره چینه سوق ایتدی . اوراده سحرپازلر بونی یغما ایتدیلر . هر پارچه سی دنیانک برکوشه سنه کیتدی . بونک برپارچه سی نرینه کیتدیه اوراده فیض ، برکت ، سعادت حصوله کلدی . تورک یوردی ایسه بالعکس بوتون فیضی ، یعنی بردن غائب ایتدی . قوت طاغی کیرنجه قوملانچوده بوتون یشیللر ساراردی . ایرماقلرک ، دره لره سونی چکیلدی . سمانک رنکی دکیشدی . برقسوت باغلادی . بوتون قوشلر ، یابانی حیوانلر ، اهلی حیوانلر . حتی مده کی چوجوقلر ( کوچ ، کوچ ، کوچ ! ) دییه باغیریشمنه باشلادیلر . برطرفدن صالغین خسته لقلر اسانلری قیریوردی . یدی کون صوکر ا یولون تکیه اولدی . ( کوچ ! ) سسلی دوام ایدیوردی . تورکار آکلادیلرکه بو اولکنک یرصولری آرتق کندیلرینک اوراده قالمه سنی ایسته میورد . چادیرلری ییقدیلر . اشیالری ، چولوق چوجقلری حیوانلره یوکلهدیلر . کوچ ایتکه باشلادیلر . آقشام اولونجه ( کوچ ! ) سسلی دوریوردی . صباحله برابر تکرار باشلیوردی . تورقان اولکهنه کلنجه قدر ( کوچ ! ) ندالری دوام ایتدی . اوراده آرتق بوسسلرکسیلیدی . دیمک که بورانک یرصولری کندیلری قبول ایدیوردی . تورفانده یرلشدیلر . بش اوردونک طورونلری ، غالباً بشلی تشکیلاتی محافظه ایدیورلردی . بوندن دولای اوله جق که اوطوردقلری یر ( بش بالی ) یعنی بش شهرنامنی ویردیلر . ( کاشغرده اولجه آتلی تشکیلاته مالک برودون اوطورمش اوله جق که او اولکهنه ده [ آلتی شهر ] نامی ویریلیدی . )



بومنتبه، قوطك ظهورینی بیلدیردیکی کبی، توركلرك ايلك کوچنكده قوطه قيمت ویرمه مەلرندن دولای و قوعه کلدیکنی ایضاح ایدیور. بیزانس مورخلرینک روایتە کوره اوروپا یە کلن هولرك اوکنده ده کوبکە بکزه بر حیوان قولاغوزلق ایدرمش و (کوچ، کوچ، کوچ، کوچ!) باغیر برمش. توركلر نه زمان ملی حرته قيمت ویرمه يەرك اجنبی عرفانه قيمت ویرمشلرە و کندی ملتیرینی بکنمیوب باشقه ملتلك مقلد و پرستشکاری اولمشلرە بویله بویله بر کوچ فلاکتە اوغرا مشلردر. قوط طاغ، ملی وجدانك بر تمانلندن باشقه برشی دکدی. اونی چینیلرە فدا ایتك، غایت بویوک بر کناهدی. کوچ بوکنا هك کفارتی ایدی.

### ۳ — اوغوز خان منقبة سی

اوغوز دینی (اوغوز خان) آدلی بر قهرمانله باشلار. تورك عنعنە سی، اوغوز خانك شجرە سنی بوصورتله ضبط ایتمشدر :

توركلرك ايلك جدی (تورك خان) یاخود (ابولجە خان) در. چادیر یا مە سنی ابتدا دوشونوب ایجاد ایدن بوذا ندر. بونك : تاووتك، ایملاق، بارسجار، چکیل نامنده دورت اوغلی اولدی.

تورك خاندن سوکرا یرینه (تاووتك خان) کچدی. بو برکون کیك آولامشدی. کیکی کباب ایدرکن بر بارچه سی یرە دوشدی. مکر اوراسی طوزله ایش. کباب طوزك ویردیکی چشنی ایله غایت لذتی اولدی. تاووتك بولذتك طوبراقدن کلدیکنی آ کلادی. بوصورتله طوزی کشف اولدی.

تاووتكدن سوکرا کویوک خان وایلچی خان رئیس اولدیلر. بونلردن سوکرا (دیباقوی خان تخته چیقدی. بونك بوغو خان اولدیغنی وایلك تورك دینی بونك طرفندن تأسیس ایدلە بکنی کوردك.

دیباقویدن سوکرا، بر طاقم حکمدارلر کلوب کچیور. نهایت النجه خان تخته چیقیور. بونك زماننده اعتقادلر بوزولبور، عبادتلر ترك ایدیلور، مقدساته رهایت قالیور. النجه خانك ایکی اوغلی واردر : مغول خان، تاتار خان. مغول (بوغو ایلی)، تاتار (تات اوی) صورتنده تحلیل اولونه بیلیر. (تات) (جاهلی) دیمکدر. دیمك که بودورده

تورکەر مؤمن و جاہلی ناملریلہ ابکی قسمہ آریٹلشلر . بوایکی شہزادہ نک اسملری ، بوایکی قسمک عنوانلری اولسہ کرک .

مغول خان ، شیمدیکی مغوللرک جدی عدایمک خطادر . چونکہ کورہ جکمز و جہلہ ، اوغوز خان و عموم تورکەر بونک طورونلری عدا اولونوبور . تاتارلرک ایسہ اوزمان مانچوریدہ ساکن بولونان آوارو سوار ، جوجوآن قوملرینک اجدادی اولدیغنی کورہ جکمز . مغول خانک احفادیلہ تاتار خانک طورونلری آراسندہ اوزون زمانلرچہ محاربہلر اولدیغنی کورہ جکمز . مغول خانک دورت اوغلی واردر : کور خان ، کوزخان ، اور خان ، قارہ خان .

اوغوز خان ایشتہ بوقارہ خانک اوغلیدر . اوغوز دنیایہ کلنجه اوچ کون اوچ کیجہ آناسنک رؤیاسنہ کلدی . « حق دینی قبول ایتمزسہک آجلقدن اولورمده سودیکی اممہ ، دیدی . آناسی حق دینی قبول ایتمدی . اوغوز اوندن سوکرا سودینی امدی .

اوغوز ، بریاشنہ کلنجه ، باباسی عادت و جہلہ برضیافت یاپدی . قومک بوتون بویوکلری دعوت ایتمدی . بونلرہ « اوغولمز بریاشنہ کلدی . بوکا برآد قویکمز ! » دیدی . بونلر سوز سويلکک میدان بولمدهن ، اوغوز درحال لاقیردی یہ باشلادی . « بئم آدم اوغوزدر » دیدی . بونک اوزرینہ اوکا بوآدی ویردیلر .

اوغوز اولہ نہجک یاشہ کلنجه ، باباسی اوکا قاردهشی کورخانک قیزی آلدی . اوغوز قیزی کندی دینتہ دعوت ایتمدی . قیز باباسنک آناسنک دیندن آریٹلایہ جغنی سويلہدی . اوغوز بو قیزدن آریلیدی . باباسی اوکا ایکنجی عمجہ سنک یعنی کوز خانک قیزی آلدی . اونکلہدہ عینی نتیجہ وقوعہ کلدی .

اوغوز برکون آودن دوزرکن ، برچشمہ باشندہ قیزلرک جاشیر ییقامقدہ اولدقلرینی کوردی . بونلرک آراسندہ اوچنجی عمجہ سی ( اور خان ) ک قیزی طاییدی . قیزی یاتنہ چاغیرہ رق قونوشدی . دیگر عمجہ لری قیزلرندن کندی دینتہ کیرمدکلری ایچون آریلیدیغنی ، اکر بودینی قبول ایدرسہ ، کندیسیلہ ازدواج ایتمک ایستہ دیکنی سويلہدی . قیز دیدی کہ « بن هانکی دینک حق اولدیغنی بیلیم . فقط سکا اعتماد واردر . سن هانکی دیندہ اولورسہک بنده اونی ترجیح ایدرم . » بونک اوزرینہ ، باباسنہ مراجعت ایدہرک بواوچنجی قیزلہ اولہندی .

برکون اوغوز اوزاق یرلرہ آوہ کینمشدی . قارہ خان عالمسنہ برضیافت چکدی .

سوز اراسنده اوغوزك نچون اولكى زوجه لرني ايسته مديكنى صوردى . كلنلر اوغوزك تكليفنى آكلانديلر . مسئله تهلكه ليدى . قاراخان ، قومك اولولرني چاغيره رق مشاوره ايتدى . اوغوزى آوده ياقالايوب اولدورمكه قرار ويريديلر . (قارمخان) خبر كوندردى كومنى آوه دعوت ايتدى . بو مسئله دن خبر آلان كوچوك كلين اوغوزم همان ايشى بيلديردى . اوغوزده كندى طرفدارلرينه خبر كوندردى . فقط بونلر آزلقديلر . قاره خانك قارده شلرينك برچوق اوغوللرى واردى . بوآراق اونلرده هب اوغوزك طرفه كچديلر . اوغوز اونلره (اويغور) نامنى وىردى . نهايت محاربه ده (قارم خان) كيمك آندىنى بيلنمه ين براوقله وورولدى . اوغوز باباسنك تختنه چيقدى .

اوغوز حكمدار اولدقدن صوكرادىنى محاربه لرينه باشلادى . بربر بر بوتون تورك بودونلرني كندى دبنته ادخال ايتدى . بو محاربه لرك تفصيلاتى (جامع) التواوينده يازيلى در .

اوغوز خانك (كون خان ، آى خان ، بيلديز خان ، كوك خان ، طاغ خان ، دكر خان) ناملرنده آلتى اوغلى اولدى . بونلردن اوغوز ايلنك آلتى اوغوشى وجوده كلدى . ايلك اوچ شهزاده دن دوغان اوغوشلره (بوزاوق) ، صوك اوچ شهزاده دن دوغان اوغوشلره (اوچ اوق) ديفيلدى . برنجيلر اوغوز ايلنك صاغ قولنى ، ايكنجيلر صول قولنى تشكيل ايتدى . منقبه بوتقسىپا نك سببى شوصورتله آكلانسيور . بركون اوغوز خان بويوك اوغللرى كون ، آى ، بيلديز خانلرى كون دوغوسى طرفه ، كوچوك اوغوللرى كوك ، طاغ ، دكر خانلرى كون باطيسى طرفه آوه كوندردى . بونلر برچوق اولرله برابر بولدفلى شلرى ده كتيرديلر . بويوك قارده شلر برآلتون ياي ، كوچوك قارده شلرايسه اوچ آلتون اوق بولشلردى . اوغوز خان آلتون ياي اوچه تقسيم ايدمرك هر برنى بويوك شهزاده لردن برينه وىردى . « سزه بوزاوق ديفيله جك . اوغوز ايلنك صاغ قولنى تشكيل ايدم جكسكز . اوق يايه تابع اولدينى اچون حكمدارلق سزك صويكزده قاله جق ، كوچوك قارده شلريكزك صويلرى وزير و امير اوله رق اونلره تابع اوله جقلردر . » ديدى . اوچ آلتون اوقى ده كوچوك شهزاده لره وىردى و « سزده اوغوز ايلنك صول قولنى تشكيل ايدم جكسكز ! بويوك قارده شلريكز . تابع اوله جقسكز ! » ديدى . صوكرادى هر شهزاده نك دوردر اوغلى دنيايه كلكله هر اوغوش دوردر بويه آيريلش و اوغوز ايلي يكرمى دورت بويى محتوى اولمشدر . بو تشكيلاتك ماهيتى ده ايلريده كوره جكز .

اوغوز خان ، اوغوز ایلی تنظیم ایتدکن صوکر ا بونلره آلتی متفق بودونده التحاق ایتدی . بونلر ( اویغور ، قازلق ، قانقلی ، قیچاق ، قالاج ، آغاج اری ) بودونلری ایدی . دیمک که اوغوز اینک آلتی اوغوشیله آلتی ده اولوسی واردی .  
 اوغوز منقبه سی ، اویغورجه بر مننده باشقه برشکلده آ کلا تیلیور . رادلوفدن قهلاً کوپرلی زاده فؤاد بکک ( تورک ادبیاتی تاریخی ) نده ( کتاب ۱ ، صحیفه ۵۹ ) شو صورتله اجمال ایدیلشدر :

« اوغوز دوغدی زما یوزی ماوی ، آغزی آتش کبی قیرمزی ، کوزی صاچی و قاشلری سیاه بر دنیا کوزه لیدی . آنه سنک مه سندن ایلک سوتی امدکن صوکر ا بر داما امدی . بیهجک ایستهدی ، لاقیردی ایتکه باشلادی . قرق کونده بوبودی ؛ دولاشوب اوینا بوردی . اوغوزک آیاقلری اوکوزه ، وجودی قورده ، کوکسی آیی به بکزردی . بوکرلری قیللی ایدی . آت سوروسی کودره ، بیکیره بینه رک اذنسر آولانیردی . کونلر کیجه لر کچدی ، دلیقانی اولدی . اوصیراده بوئمکتمده بویوک بر اورمان واردی ایچندن دره لر ، ارماقلر آقاردی ، حیوانلر ، قوشلر چوقدی . بو اورمانده بیوک بر جنوارده وادی ؛ بیکیرلری پارچالایوب یر ، انسانلری یوتاردی . قهرمان اوغوز بونی ئولدورمکه قرار ویردی . برکون مزراق ، اوق ، یای ، قلیج ، قالقان ایله بیکیره آتلایه رق آوه کتیدی . برکیک یاقلادی . بوکیکی بر آو قیرباجیله آغاجه باغلایه رق چکیلدی کتیدی . صباح اولدی کون دوغارکن اورایه کلدی ، لاکن جنوار اونی آلمشدی . بونک اوزربنه بر آیی یاقلادی ، آلتون ایشله مه لی کمریله بر آغاجه باغلایه رق چکیلدی کتیدی . صباح اولدی : کون دوغارکن اورایه کلدی ، لاکن جنوار اونی ده آلمشدی . آرتق اوغوز آغاجک آلتنه یرلشدی جنوار تکرار کلنجه باشیله اوغوزک قالقانه چارپدی . اوغوز مرادغیله اونک قفاسنه وورمه رق ئولدوردی . قیلجیله ده قفاسنی کسندی ، چکیلدی کتیدی تکرار کلدیکی زمان بر آق بابانک اونک بارصاقلرینی یمک ایچون کلدیکنی کوردی : اونی ده ئولدوردی .

اوغوز برکون تا کری به عبادت ایدیوردی . بردنبره اورته لق قراردی : کوکدن ماوی بر ایشیق دوشدی ، کونشدن و آیدن بارلاقدی . اوغوز اوکا قارشی کتیدی : بو ایشیک اورته سنده تک باشنه بر قیز اوطورییوردی . چوق کوزلدی ، باشنده قطب ییلدیزی کبی یانان بارلاق بر اشادت واردی . اوقدر کوزه لدی که کولتجه ماوی کوکده .

کولیور ، آغلايخه ماوی کولده آغلايوردی . اوغوز اونی کورنجه عقلی باشندن کیتدی سودی آلدی . کونلر کیجه لر کچدی . اوغوزک بو قیزدن اوچ اوغلی اولدی ، « کون آی ؛ ییلدیز » اسملری ویردیله . اوغوز برکون آوه کیتمشدی . اوزاقدن برکولک اورته سنده بر آغاج و آغاجک قایسندله یالکیز بر قیز کوردی . او قدر کوزه لیدی که کورنلر یاییله ، سود ویا قییز اولوب آقاردی . اوغوز اونی کورنجه عقلی باشندن کیتدی سودی آلدی . کونلر ، کیجه لر کچدی . اوغوزک بو قیزدن اوچ اوغلی اولدی . « کولک ، طاغ دکنر ، آدینی ویردیله . اوغوز خان بر شولن » یعنی عمومی برضیافت « یادی . شولندن صوکر ا تکینلره و خلقه امر ایتمی و دیدی که : « بن آرتق سزک خاقانکترم ، سز بکا خدمت ایدم جکسکتر ! » صوکر ا دوت طرفه امرلر ویره رک خاقانلردن اطاعت دیله دی . « بکا تابع اولانلره هدیه لر ووروب دوست بیله جکم . اولیانلری دشمن بیله جکم » دیدی . او وقتلر صاغ طرفده « آلتون قان » واردی . اوغوزه هدیه لر ، آلتونلر کوموشلر حقیق و زمردلر کوندردی . صولده « اوروم قان » واردی . برچوق اردولره شهرلره مالکدی . بو قان اوغوزک فرماتی دیکه مدی . او وقت اوغوز اردوسنی حاضرلادی . سانجاغنی چکدی ، آتیه یندی . قرق کون صوکر ا « بوز طاغ » اتکلرینه کلدی . بر صباح اوغوزک بوردینه کون ایشغه بکنزه بر ایشیق کیردی : ایچنده بوزتوبلی بوزیله لی ارکک بر قورت کوروندی و اوغوزه یول کوسترمک ایسته دیکنی سوبله دی . اوندن صوکر ا قوردک آرقه سی صیرا کیتدیله . نهایت قورت « ایدیل موران » کنارنده دوردی اوغوزک عسکری ده دوردی . اوراده سیاه بر آطه ده جنکه کیریشدیله . نهرک صوبی قان طماری کبی قیب قیرمزی اولدی . نهایت « اوروم قان » قاجدی . مملکتی ، خزینه سی خلقی اوغوزه قالدی . اونک « اوروس بک » آدی بر قارده شی واردی . اوروس بک اوغله طاغ تپه سنده « تارانغ موران » آراسنده مستحکم بر شهر ایصارلامشدی . اوغوز او شهره دوغرو یوردی . اوروس بک اوغلی خبر کوندردی . « بزم سعادت مزینکده سعادت کدر . تاکری بو طوپراغنی سکا باغیشلامش ، بن سکا باشی ویرر ، سعادت می فدا ایدرم » دیدی . اوغوز « سن بکا چوق آلتون ویردک و شهری اینی محافظه ایتمک ، صاقلا ، دیدی . بوندن اونک آدی ده « صقلاب » اولدی . تکرار اردوسیه ایدیلی کچدی . اوراده بر بویوک خاقان یاشیوردی . اوغوز اونکده آردینه دوشدی ؛ « ایدیل صوبندن آقه جنم » دیدی . اردوده « اولوغ اردو ایشوته نغ » اسمنده بر تکین واردی . بوراسی

چوق آغاجلق بر مملكت اولديغندن اونلردن كسدى ، آغاجلك اوزرينه بينهرك نهري كچدى . اوغوز كولهرك ديدى كه « سنده نيم كې برخاقان اول ، سكا قېچاق دېنسون ، تكرار يولته دوام ايتدى . بو آراق بوز توپلى ، بوزيلهلى قورت تكرار كوروندى : « اوردو ايله يورويهرك تكيكلىرى ، خلقى بورايه كىتير ، بن اوكدن سزه يول كوستره جكم » ديدى . يوروديلر . اوغوز خان وادیده بر آيغره ييندى ، اونی بك سويوردی . فقط آت چولده كوزدن غائب اوليوردى . بوراده يوكسك بر طساغ واردى . تپهسى دائما قارلى اولديغندن « بوز طساغ » ديرلردى . اوغوز آتسك قاقچهسـه چوق كدرلهندى . اردوده بويوك قهرمان بر تكيك واردى . يوكسك طاغـه طيرماندى . دوقوز كون صوكرا اوغوزه آتى كيتروب وبردى . هر طرفى قارله بيم بياض اولديغندن اوغوز اوكا بر چوق هديهلرله برابر « قارلوق » آدىنى وبردى . و بر چوق تكيكلىرك اوزرينه خان ياپدى . تكرار يوله دوزولديلر . يوله بر بويوك اوكوردى . طامى آلتوندن ، پنجره لرى خالص كوموشدن و دميردندى . قاييسنك آناختارى يوقدى . اردوده « طومور دوقاغول ، آدى عقللى بر آدم واردى . اوغوز اوكا : بوراده قال ، آج ، صوكرا اردويه كل ، ديدى . و « قالاچ » آدىنى وبردى . تكرار يوله دوزولديلر . ينه بر كون بوز صاحلى ، بوزيلهلى قورت بردنبره دوردى . اردوده اوكا اويدى . بوراسى اكيلير بر اووا ايدى . « جورجيت » ديرلر ايدى . بوراده بويوك بر قوم ياشاردى . بر چوق بيكيكلىرى ، صيغىرلى ، اينكلىرى واز ايدى ؛ بر چوق آلتون و كوموشلره ، ائماسلره مالكديلر . بونلر اوغوزه قارشى چيقديلر . اوق و قليجـله شـدتلى بر جنگ اولدى . اوغوز غالب كلدى ، جورجيت خانسك باشى كسدى ، اهايسنى اطاعته آلدى . بوراده بر چوق ماللر آله كچدى . لـاكن يوك حيوانلرى قاطير ، اوكوز بك آزدى . اوغوزك اردوسنده « بارماقلاق ، چوزدم بيليك » آدى عقللى بر آدم واردى . همان بر قاغنى ياپدى ، ماللارى اورايه دولدوردى . حيوانلرى ده قوشدى هر كس اونك كې آرابه لر ياپوب اشياىنى يوكله تمكه باشلادى . اوغوزخان بونى كوروب كولدى . و اوكا و قنقى : قاغنىلى ، آدين وبردى . تكرار يوروديلر . بوز صاحلى ، بوزيلهلى قورت اوكد ايدى . « تانكقوت » ، و « شاقيم » مملكتشه كينديلر . بر چوق جنگلردن صوكرا اوغوز اورالرى ده آله آلدى . غايت كيزلى بر كوشده چوق زنگين چوق صيچاق بر مملكت واردى . آدينه « باچاق » ديرلردى . بوراده بر چوق وحشى حيوانلر ، آق قوشلرى ياشاردى . اهاينك يوزى سياهدى . خانانى « مازار » آدى

بریسیدی . اوغوز اونی ده یکدی ، قاجیردی ، مملکتی ضبط ایتدی . اورادن آتیه  
یینهرك مملكتنه ، یوردینه دوندی .

اوغوز خان طرفنده بیاض صفالی ، قویو صاجلی ، بك عقللی بر اختیار وار  
ایدی . بك آکلایشلی ، بك ای دوشونور بر آدام ایدی . بر باقیچی اولان بو آدامك  
اسمی « اولوغ تورك » ایدی . برکون رؤیاسنده آلتون بر یای و اوچ کوموش اوق  
کوردی . بو آلتون یای طوغودن باطی به قدر اوزانیور ، و بو اوچ اوق کیجه  
طرفه اوچوردی . اویاتجه بونلری اوغوزه بیلدیردی . و بر نصیحت ایتدی . اوغوز  
اونك نصیحتی طوته رق ایرتسی صباح بویوك فاردە شلری . کوچوکلری چاغیردی .  
دیدیکه « آرتق اختیارلادم . بنم ایچون آرتق حکمدارلق قالمادی . کون ،  
آی ، ییلدیز سز کونشك طوغدینی طرفه ؛ کوك ، طاغ ، دکنر سزده کیجه طرفه  
کیدیکیز ! » . چوجوقلر بو امری یابدیلر . کون ، آی ، ییلدیز برچوق حیوانلر وقوشلر  
ئولدوردکن صوکرآ آلتون بر یای بولدیلر و بابالری کتیردیلر . اوغوز یایی اوچه آیردی :  
« ای بویوك فاردە شلر ، یای سزك اولسون . یای کبی اوقی کوكه فیلاتکیز ! » دیدی .  
اوبر اوچی برچوق حیوانلر وقوشلر ئولدوردکن صوکرآ ، چولده برکوموش اوق بولدیلر  
و بابالرینه کتیردیلر . اوغوز اوقی ارچه آیردی : « ای کوچوك فاردە شلر ، اوق سزك  
اولسون . یای اوقی آتار ، سزده اوق کیدسکیز ، دیدی . بونك اوزرینه بویوك برقورولتای  
طوبلادی . هر کسی چاغیردی . اوبه سزك صاغنه قرق قولاج اوزونلغنده برصیریق دیدیکدی ،  
تپه سنه بر آلتون طاووق و طاووغك آیاغنه بیاض بر قویون باغلادتدی . صول طرفه قرق  
قولاج اوزونلغنده بر صیریق دیدیکدی ، تپه سنه برکوموش طاووق و طاووغك آیاغنه بر  
سیاه قویون باغلادتدی . صاغ طرفده بوزاوقلر اوتورییوردی . صول طرفده اوچ اوقلر  
اوتورییوردی . بویله جه قرق کون قرق کیجه کچیرهرك اکلندیلر . بوندن صوکرآ اوغوز  
یوردینی اوغوللری آراسنده تقسیم ایتدی : « ای اوغوللرم ، چوق یاشادم ، مزراقله  
چوق جنك ایتدم ، چوق اوق آتدم ، چوق آغیرلره بیندم . دشمنلری آغلایتم ، دوستلری  
کولدوردم . کوك تا کری به هر شیئی فدا ایتدم ، سزده یوردی و یریورم ، دیدی .  
دده قورقوت کتابنك برنجی اوغوز نامه سزك موضوعی تشکیل ایدن ( بوغاج خان ) ده  
اوغوز خان اولق ملحوظدر . بوغاج ، ( بوغا ) کله سندن مشتدر . بوغاج اون بش یاشنه  
کلنجه یه قدر آد سزدی ، بو یاشده ، دوکوش ایچون حاضر لائمش بر بوغایی مغلوب ایدهرك

اولدوردکن صوگرا ، بوغاج اسمنی آلدی . باباسنک قرق یکیدی بوغاجی قیصقاندقاری ایچون ، اذلسز آوه چیقور دییه علیهنده افتزاده بولونودیلر . باباسی ، اونی اولدورمک ایچون بر سورکون آوی ترتیب ایتدی . آوده اوغلنی اوقله مارالادی . خلق کتابلری آراسنده ( شاه اسماعیل ) اسمنده برکتاب واردرکه بونک قهرمانی ده اوغوز خاندن بشقه بر شی دکلدر . شاه اسماعیل ده اون بش یاشنه قدر آدسر قالیور . اوکاده باباسی دوشمان اولویور ، اوده اوغوز خان کبی اوچ قیزله اوله نیور . بودورت مثال مقایسه سندن اوغوز خان منقبه سنک مشترک بر شکلی چیقاریله بیلیر .

#### ۴ — شانه منقبه سی

( شانه ) تورکلری جوجوان ناتارلرینک حاکمیتدن قورتاران قهرماندر . شانه مقولجده ( قدرت ) معنا سنه در . ( بورت چنه = شانه ) ( بوزقورت ) دیمکدر . تورکلری ارکنه قوندن یعنی ملی فلاکتدن قورتاران بوشانه آدی قهرماندر . خاقانیه دولتنک مؤسسی اولان قارلق خاقانلری اسلامیت دوندیه بیل ( شانه ) نك اولادی اولقله افتخار ایدیورلردی ( مروج الذهب ص : ) کندیلرینی شانه یه نسبت ایدن یالکیز کوك تورکلر دکلدی . اوغوزلر و جنکیزماننده مغوللرده کندیلرینی شانه اولادی عد ایدیورلردی . ذاتاً مغوللر خالص اوغوز اولدقارینی ادعا ایدیورلردی . ( ارکنه قون ) منقبه سی یا کلش اوله رق کوك تورکلره نسبت ایدیلشدر . جامع التواریخ و دیگر منبعلر ارکنه قونی اوغوزلره اسناد ایدیور . مع مافیة ارکنه قون اوغوزلرده ، دوقوز اوغوزلرده ، کوك تورکلرده ، قارلقلرده مشترکدر . چونکه هپسنک عنغنه و منقبه سنده ( قورت خلاصکارلنی ) واردر . بوندن باشقه ، جوجوانلره قارشی ایلك عصیان ایدنلر هووه ی - هولر یاخود تالاسلر یعنی اوغوزلره دوقوز اوغوزلردر ( ده کینی ) ، تورک استقلالی بونلرک عصیانیه باشلار . کوك تورکلر صوکرادن جوجوان بویوندوروغندن قورتولمشلردر .

#### ۱ — هووه ی - هولرده یعنی دوقوز اوغوزلرده قورت منقبه سی

« هیونغ - نو ، حکمدارلرندن بریشک غایت کوزله ایکی قیزی واردی . بر کون



کندی کندینه بو قدر کوزله قیزلری آدم اوغوللرینه ویرمک مناسب اولوب اولمایه جغفی دوشوندی و نهایت اونلری دوغروندن دوغرویه « تا کری » یه تقدیمه قرار ویردی . بو مقصدله کندی ایمپراطورلغنک حدودی اوزرنده خالی بر محل انتخاب ایددرک چوق یوکسک بر قوله یاپدیردی . و « تا کری » دن قیزلری کندیسنه زوجه اوله رق آلمه سی نیاز و استرحام ایددرک اونلری کوتوروب قوله یه براقیدی . نهایت قوله نك اوکنده اختیار بر قورت کوزو کدی . قوله نك دینه یاپیشه رق کیجه و کوندوز اولومغه باشلادی ، حتی اوراده کندیسنه بر این یاهرق اوچ آی هیچ قیلمداده دن اوراده قالدی . قیزلردن بری همشیره سنه دیدی که : « بامیزلی تا کری یه تقدیم ایچون بوراده براقیدی . صاقین بو قورت تا کری طرفندن کلش اولماسین؟ وهمان قوله دن اینه رای قوردک یانه کیتدی؛ اونک زوجه سی اولدی . چوجوقلر دوغوردی . و « هووه ی - هو » لر اونک نسلدن توره دی . [۱] هووه - هولرک بومقبه سی ، بوقومک کندیسینی قورت نسلندن عد ایتدیکینی کوستره سنجاقلرینک باشنده قورت باشی بولونمیه سی ده بونی مؤیددر . [۲] کرک بونلر و کرک تالاسلر قانغیلر ، اوغوزلر و کورک تورکلر سسلرینک قورد سسینی آکدیردیغی ادعا ایدرلر . قورت سسی چیقارمغه چایشیرلردی .

### ۳ - - اوغوزلرک ارکنه قون منقبه سی

موغوللره ( یعنی اوغوز صوینه ) ( ایلخان ) پادشاه اولمشدی . قاتارلرک خانیه ده « سوینچ خان » دی . موغوللر اوطرفنده کی بوتون قوملردن دایا قالابالق اولدقلری ایچون ، هپسینی آیری آیری ازلرلردی . موغوللردن چوق ضربه ییه ن « سوینچ خان » قیرغیز خانی وسائر ایللری قاندریدی ، هپ بردن موغوللر علیه آیاقلاندیلر . نهایت حیلله ایله اونلره غلبه ایتدیلر . موغوللر هپ بر آرادا یاشادقلری ایچون دشمانلری اونلری اورته دن قالدیردیلر . یالکز ایلخانک « قیان » اسمنده بر اوغلی واردی که اوسنه اوله نمش ایدی . برده ( توقوز ) آدی بر یکنی واردی . بونلر زوجه لرله برابر دشمانلرک لارندن قاجوب بر مملکنه کلدیلر . اوراده آت ، طساوار ، دوه مبدولدی . بونلر بوماللری

[۱] کوپرولی زاده محمد فؤاد! تورک ادبیاتی تاریخی جلد ۱ صحیفه ۶۹ .

[۲] ایضاً .

سوره رك بر صارب طاغ ايچنده قار ييغيلي بريوله اوغراديلر . بو يول چوق تهللكه لیدی . فقط اورادن كچديلر . يالكز بر تك يولى اولان بو طاغ ايچريسي كنیش و كوزه لدی . آقار صولر و چشمه لر ، تورلو سبزه لر ، يمشلر ، آو حيوانلری واردی . حيوانلرينك قيشين اتی ، يازين سوتی ييوب ايچديلر . دريسنی كيدیلر . طاعلرك قاری اريدی . اورايه « ارکنه قون » ديدیلر . بو ايکی آدمدن چوق نسل اورده دی . دورت يوز ييل بوراده قالوب چوغالديلر . نهايت بورايه صيغمايه جقلرينی آكلایه رق چيغمه قرار ویرديلر . فقط يول بولونموردی . بر دميرجی دیدی که : ( بوراده دميردن بر طاع واره ، اونى اريتلم ، هان طاعك كنیش يرينه برقات اودون برقات كومور قويدیلر . يتمش دريدن كوروك ياپوب يتمش برده قويدیلر . بيريكوب كوروكله ديلر . درحال يوكلی دوه چيغه بيله جك قدر يول اولدی . چيقدیلر و تاتارلردن انتقام آلدیلر . بوئانده حكمدارلری « بورتنه چنه = بوز قورت » ایدی . [۲]

## ۵ — تو كيولرك يەنى كوك توركارك منقبه لری

توكيولرك منقبه سی ايکی شكلده چين تاريخلرينه كچمشدر :

(۱) هيونغ نولره عینی جنسدن اولان توكيولر ، هيونغ نو مملكتنك شمانده کی (سو) قراللفدن چيغمشلردر . رئيسلری « قاپان بو » ، نك اون آلتی قارده شی واردی که بونلردن بريسنگ آناسی برقوردی . قوردن دوغمش اولان y-uhs-Nii Chouotions روزكارلره و ياغمورلره حكم ايدييوردی . دوشمانلری ديكر قارده شلرينی محو ايندكارى زمان بو ، طيعتيله او فلاكتدن قودتولدی . بونك ايکی زوجيه سی واردی ؛ بری ياز تا كريسنگ ، ديكری قيش تا كريسنگ قبزیدی . بونلردن ده ايکيشر اوغلی اولمشدی . كندی قومی بو چوجوقلرك اك بيوكی اولان « نوتولوشه » ني حكمداراپيدیلر ؛ او ، اوزمان « توكيو » آدينی آلدی . بونك اون زوجيه سی اولدینی ايچون چوجوقلردن هر بری آنه لرينك آدينی المشلردی . « قورت = Assenæ » بو اسملردن بريدی ؛ بو اسمی ايلك طاشيان حكمدار ( آهيەن شە Ahien-che ) ایدی .

(۲) توكيولر ابتدا غرب دكزينك Si-hai — ويا حزر دكزينك — غرب كنارلرندە

[۲] ايضاً صيفه ۶۷ .

اوپور یورلردی . قومشو بر قوم بونلری کاملاً محوایتدی . یالکیز بر ده لیقانی قالدی که اونو تولدورمکه جسارت ایدمه یه رک اللرینی آیاقلرینی کسوب بویوک بر باطالغه بیراقدیلر بوراده بر دیشی قورت اوکا باقدی ، ییه جک کتیردی ، حیانی قورتاردی . بو ائنده قورت بوندن کبه قالدی . قومشو قومک حکمداری بونی کیدوب تولدورمک ایچون بر عسکر تعیین ایتدی . عسکر کیتدیکی زمان ، قوردی دلیقانیلنیک یاننده کوردی . قورت بو آزالق بر معبودک یاردیمنه مظهر اولمش کی دلیقانیلینی اورادن آلهرق دیکیز شرق طرفه کچوردی و برطاغک اوستنه ایندی . بو طاغ ، « قاتوچانم » مملکتینک شمال غریبسنده ایدی . طاغک اتکمنده بر مغاره واردی . قورت اورایه کیردی . اوراده یشیلککلرله مالامال و ایکی یوز « لی » وسعتنده بر ساحه بولدی . اوراده اون اوغلان دوغوردی که بونلردن بری طائفه اسمی اولهرق ( آسنا = سانه ) نامنی آلدی . دیکر فاردده شلرک اک ذکیسی اولدینی جهته بر آرزو کر حکمدار اولدی . و نسلانی اونو تماردینی کوسترمک ایچون ، چادیرینک قایسی اوکزه اوزرنده بر قورت قفاسی بولونان بر بایراق دیکدی . نهایت برچوق نسللردن صوکره « آهینسه » بونلره حکمدار اولدی و قومنی اورادن چیقاردهرق « جوجن » لرک تابعیتنه کیردی .

## ۶ — ارکنه قون بایرامی

سجده تورکیه یه کوره ( صحیفه ۴۸ ) اوغوزلر و موغوللر ارکنه قوندن چیقیلان کونی و اونک ساعتی بلله دیلر . هر سنه او کونده و او ساعتده بایرام یاپارلر . بر پارچه دمیری آتسه صوقوب قیزدیریرلر . ابتدا خان بر آتله دمیری طوتوب اورسه قویوب چکیچ ایله اورور اول کونی غایت عزیز طوتارلر . بو آیین ، ایلخانلق دینک اک بویوک عبادتیدر .

## ۷ — سائر تورک منقبه لری

اسطورهلر ، الاهلره تعلق ایدن ماجرا لردر . منقبه لوده قهرمانلره یعنی نیم الاهلره اسناد اولونان سرگذشتلردر . کرک اسطورهلرک ، کرک منقبه لرک ایکی اجتماعی رولی واردر : برنجیسی آیینی رولدر . یعنی بواسطوره لر و منقبه لر بر اجتماع ائناسنده منظوم یاخود

منثور اوله رق موسیقی و رقصه مترافق و غیر مترافق اوله رق اوقونورسه ، حتی بعضاً دینی برترانه دی حالده اوینانیرسه سحر یا دینی برتأثیر اجرا ایدر یا خود بوبوک برتواب قازانیلمش اولور . ایکنجی رولی اعتقادیدر . بو رولده قیمت منقبه نك موضوعنده ومعناسنده در . منقبه نك نقل ابتدیی وقعه هر هانکی بر تشکیلاتك یا خود مؤسسه نك نه صورتله تکون ایتدیکنی ایضاح ایتك ایستر . منقبه لرك برنجی رولنی ، دده قورقورد کتابنك اون ایکی اوغوزنامه سنده کوروپورز . اوزانی ، بونلری یکریمی درت بوی بکی شوله نده حاضر ایکن ، خانلر خانه خطاباً انشاد ایدر ، عینی زمانده قوبوزینی ده چالار . مسلمانلرده مولد شریف تلاوتی ناصیل آیینی ماهیتی حائزه بو اوغوزنامه لرده اسکی اوغوز تورکلری ایچون اوپله ایدی .

منقبه لرك ایضاحکار رولنه کلنجه ، بونی بالخاصه ایلمخالق دیتنده حاکم اولان (ایل)ك حاکمیتك ایضاحنده کوریپورز . ایلمخالقده ، بر ایل آق کیمک طانیلیور ، دیکرلری قاره کیمک اعتبار اولونه رق بو ایلک تابعی آلتنه کیریپورلر . حاکم اولان (ایل)ك آق کیمکلکنی ایضاح ایدن ایشته بومنقبه لردر . یوقاریده دوقوز اوغوزلری ، اوغوزلرك وکوک تورکلرك نه صورتله الاهی و قدسی برماهیتی حائز بر قدرتدن اورده دکلرینه اعتقاد اولوندیغنی کوردک . حاکم اولان ایل ، ولایت عامه یی حائز اولق ایچون مقدس اولق لازم کلیر . مقدس اولق ایچونده یا بر توتهمک ، یا بر الاهک سلاله سندن کله سی شرطدر . الیه قادیلره یا بر نور ستونی ، یا خود بر حیوان و بعضاًده بر انسان صورتنده تجلی ایدر . بونلردن بریسندن کبه قالان برقادین ، الاهزاده لر دوغورور . بونلردن ثورده یه ن بر ایل ، حاکمیتی ولایت عامه یی حائز عد اولونورلر .

بوغو خان و اوغوز خان منقبه لرنده نورستوننك، توتهملرك، سهاوی قیزلرك موجودی کوستریپورکه بوتون تورک منقبه لری ایلمخالق دینك جرئومه لرینی حائزدر . هر بودونك، هر (ایل)ك کندینی مقدس طانیمه سی و دیکر زمره لره مرجع کورمه سی طیبیدر . ذاتاً ، بودون و ایل ودره لرنده ده ، ازدواج، جمیتك داخلنده در . بر فرد کندیسنه بالکزر کندی بودوننك یا خود ایلنك قیزلری کفو کوره بیلیر . بوتون بو واقعه لر ، جمیتك الاهی بر منشادن کله سی اعتقادیه ایضاح اولونه بیلیر .

آلان غوا — آلان غوا آدلی بر ملکه نك چادیرینه کوکدن یشیل کوزلو بر الیه اینر . آلان غوا بوندن کبه قالیر . قانی سلاله سی بونك ایکی اوغلندن ثورده (شجره تورکيه) .

قرق قیز — صاغین خان آدلی بر قازاق حکمدارینک قیزی بر صباح ایرکن قرق جاریه سیله برابر کز مکه چقارلر . هنوز کونش دوغمامشدی . بر ایرماغک کنارینه کلیرلر . ایرماغک اوزرینه سنلک نور ستونی ایندیکی ایچون ، صولری کوموش کبی پارلاقدی . قیزلر صویک کوزللسکنه مفتون اوله رق پارماق لرینی ایرماغه دالديرلر . بو تماس نتیجه سنده هبسی کبه قالیر . حکمدار ، بونلرک هبسنی بر طاغه نفی ایدر اوراده بونلرک ذریتی چوغاله رق قیرغیز قومنی وجوده کتیریرلر .

هیا پرنسی — بو اعتقاد چنبلرده واردر . هیا سلاله سنک ایلک والده سی اولان پرنس بر کیجه دولاشیرکن بر ییلدیزک شعاعندن حامله قالمشدر . ( ده کینی ، جلد ۱ ، قسم ۱ ، صفیه ۸ )

عنغیه کوره ژاپون سلاله سی کونش قیزیله بر قوشدن ، تیتیلیر بر پرنسسه بر مایوندن ، قیرغیزلردن بر قبیله بر پرنسسه بر قیزیل کوپکدن وجوده کلشادرلر . اسکی تورکلر بومقبه لری ایضاح ایچون ، سنده بر کره ، طبعی شهوتک غلیانیله وجوده کلن بر عشق کیجه سنه اینانیرلردی . بو عشق کیجه سنده ، قادین هر نه یه دو قونسه کبه قالیردی . چونکه ، بو کیجه نور ستونی — که بوکا آلتون ایشیق ده دییه بیلیرز — هر شیده متجلی بولونوردی . آلتون ایشیق بعضاً کوزل برارکک صورتنده بر قادینک حریمه کلیردی . ( آلان غوا ) بعضاً بر ییلدیزک شعاعی یاخود بر ایرماغک صوبی واسطه سیله تماس ایتدیکی بر آغاجی یاخود بر قیزی کبه بیرا قیردی .

بو عشق کیجه سی ، هر ( ایل ) ک کندیسنه الاهی بر قدسیت ، سبای بر اصابت ویرمه سنه خادم اولویوردی . آلتون ایشیق دن دوغان انسانلر آق کیمک اولورلردی ، دیگر بودونلر ایسه قاره کیمک قالیرلردی .

عشق کیجه سنده الاهلر ، الاهلر و انسانلر آرمه سنده معاشقه لر جریان ایتمه سندن بر طاقم اسطوره لر دوغمشدرکه بر قاجنی آشاغیده ذکر ایده حکمز :

عشق اسطوره لری

## ۱ — کونش خانم

یاقوتلره کوره اولو قویون ، آی قویونک قیزی کونش خانمه عاشق اولمش . اولو

قویون ، آلتایلیلرده ( اوغان ) ، اوغوزلرده ( کولخان ) در . آی قویون ، آلتایلیلرده .  
 « بای اولکهن » ، کول تورکلرده ( کول تاگری ) در . اولو قویون ، باباسی ( سه چهن ) .  
 دیرکه « آی قویونک ساسنه چیق . بکا ، اونک قیزی کونش خانمی ایسته ! نه قدر چوق  
 آغیرلق ایسترسه هیچ اسیرکه مه ، قبول ایت .

سه چهن ، همان سمایه چیقدی ، آی قویونک اوتاغنه کیندی . « اوغلم قیزی کیزی  
 سومش . اونی اوغلمه ویرمیسکیز ؟ » دیدی . آی قویون ، « یکی ویریرم ، فقط ،  
 ایکی نشان ایسترم . بری دالغا : کول اینجیسی ، بری سراب : چول اینجیسی .

سه چهن بو خبری اوغلنه کتیردی . اولو قویون ایستنه یلن ایکی نشانک تدارکنی قولای  
 کوردی . یر اوستنده ویر آلتنده نه قدر جینلر ، پرلر ، روحلر وارسه هبسنی دعوت ایتدی .  
 جنه سی کلدیله . اولو قویون دیدی : « ای قهرمانلر ! ایچکیزده بنم ایسته دیکم ایکی ارمغانی  
 بکا کتیرمکی کیم اوزرینه آله جق ؟ بو ایکی ارمغانی بولق ، کتیرمک غایت قولایدر . »  
 بری دالغا : کول اینجیسی ، بری سراب : چول اینجیسی . جماعتدن بو تکلیفی  
 قبول ایده جک هیچ بر قهرمان جیقما دی . اولو قویون تکلیفی تکرار ایتدی . ینه  
 جواب ویرن اولما دی . اوچنجی تکلیفنده بر قورد ایله بر قارغا میدان کلدیلر . بو ایکی  
 ارمغانی کتیرمه یی اوزرلرینه آلیورلردی . فقط ، قورد دالغای طوته بیلیمک ایچون  
 اوزون باجاقلر ایستورودی . قارغه ایسه سرابی کوره بیلیمک ایچون کسکین کوزلر طلب  
 ایدیوردی . اولو قویون ایستدکلری شیلری اونزه ویردی . هایدی قهرمانلرم ! کیدک ،  
 بکا دالغا ایله سرابی کتیرک دیدی .

بوا یکی قهرمان یوله دوشدیلر . آرادیلر ، طارادیلر ، جالیشدیلر ، اوغراشدیلر .  
 نه قورد دالغای طوته بیلیدی ، نه ده قارغا سرابی اله کچیره بیلیدی . عصرلر کچیدی . بر تورلو  
 ایکی ارمغان کلدی . اولو قویون ، ایستنه یلن نشانلری ویرمه دی و کونش خانمی آله مادی .

## ۲ — چولبو خانم

یا قونلرجه زهره نك آدی چولبو خانمدر . بوکنچ قیز اولکر ییلدیزی سیویور ،  
 اولکرده چولبو خانم ایچون یانوب طوتوشیور . نه زمان که چولبو ایله اولکر بر حذاده  
 یرلشیرلر . قبلری آتمغه ، کوکوسلری قاپارمغه ، فسلری کورلشمکه باشلار . بو فسلر

برر دالغا اولور. دو حال قاصیرغا چیقار ، اورتالنی بری برینه قاتار . بوندن دولاییدرکه یاقوت تورککری ، زهره ایله اولکر بر حذایه کلدیکی زمان اورکرلر .

### ۳ — اوکسوز قیز

برقیش کونی ، اوکسوز بر قیز صو آلمغه کیدیوردی . وجودی یاری چیلایقدی . عریان ایقلری قاردن شیشمشدی . قارنی آجدی ، قولقلری صوغوقدن دوکشدی . کوزلری یاشلی ایدی . آندمه دمیر بر باقراج واردی . چشمه کیدیوردی . بردن بره بر قاصیرغا قوپدی . آی ، یوقارده کی کوشکندن بوزواللی قیزه باقیوردی . دیدی که « مطلقا اوکی آناسی بوقیزه ظلم ایدیور ، قیزه آجیدی . قیز اوصرمده بر چالینک ایچنده یورووردی . آی چالی به امر ایتدی ، قیزی آل ، کل ! دیدی . در حال چالی ، برآت اولدی بریاندن کولک آچالادی ، بریاندن چالی یوکسهلدی . قیز باقراجیله برابر کولکه کلدی . شیمدی ، آیک حالدن حاله کچمه سی هب اوکسوز قیزک کچیردیکی سرانجاملره تابعدر . ایلک کیجه آی کوموش بریای کیدر . قیز بو بودکجه آی ده بویور . فقط بعضاً قیز اوتاغه کیرر ، خالی دو قومغه باشلار . اوزمان آی سوکیلیسنی کوره مدیکندن حسرتله یوزی هلاله دوزر . بعضاً قیزک کینی جوشه رق باقراجیله برابر کوله قوشار . اوزمان آیک یوزی بدرله نیر .

بوندن باشقه کولکه بر بیاض آبی واردرکه اوکسوز قیزی سودیکی ایچون ، آی طوتوب بوغمق ایستر . فقط اوکا کوچی یتیز . یکریمی بش کون آی غالبدر . یالکز اوچ کون آبی غلبه جالار . ایشته بوزمانده درکه آی کورونمز .

### بشمی مهت

تووک دینه داتر متفرق معلومات

### ۱ — ایچ و دیش

اسکی تورکلرده بوتون موجودلرک روحلری اولدیغنی کوزدک . بو حال کوسترورکه

تورکک نظرندە هرشی ( قدسی ) ایدی . قدسی اولان شیلر ( مقدس ) و ( غیرمقدس ) دییه ایکییه آریلایر . تورکک مقدسه ( آق ) و غیر مقدسه ( قاره ) ناملرینی و بریرلردی . قدسینک ضدی ایسه ( لاقدسی profane ) در . تورکه کوره هیچ برشی لاقدسی دکلدر، بوندن دولاییدرکه تورکجهده ( لاقدسی ) کلهسنک مقابلی یوقدر . قدسی ( مقدس ) و ( غیر مقدس ) دییه ایکی جنسه آریلدفدن سوکره، مقدس جنسنکده برچوق نوعلری وارد . مثلاً تسین دپندهکی دورت رنک ، دورت نوع مقدسلکی کوستیر . قزیک مقدسلکی باشقه ، کوکک کی باشقهدر . ایل دپندهکی اونفونلرده آیری مقدس نوعلری کوستیر . بونوعلردن هر بریسی آیری برعالم اولدینی ایچون دیکرلری ایچون قابالی کبی ایدی . بناء علیه هر بریسی کندیسینی ( ایچ ) عد ایدەدک ، دیکر نوعه دیش نامنی و بریر . مثلاً دده قورقوت کتابنده ( اوج اوقلر ) کندیلرینه ( ایچ اوغوز ) ، بودونلره ( دیش اوغوز ) دیورلر . بو اسملر اوج اوقلره کوردهدر . بودونلره صورولسه اونلرده کندیلرینی ( ایچ ایل ) ، اوج اوقلری ( دیش ایل ) عد ایدرلردی . اسکی تورک زمره لری شیمدیکی طریقتلر کبی در . شیمدی هر طریقت دیکرینه قاپالیدر . حالبوکه هبسی ده اهل طریقت نظرندە مقدسدر . ایشته بوتخیل کوسنریورکه اسکی تورکلرده ( لاقدسی ) مفهومی اولماقده برابر ، اونک رولنی ایفا ایدن برکله واردرکه اوده ( دیش ) کلهسیدر . فی الحقیقه ( دیش ایل ) صورت مطلقده لاقدسی دکلدر، فقط بر نوع مقدسلکه نظر آلامقدسدر .

## ۲ اسکی تورکلرده کائنات تلقیسی

اسکی تورکلرده ( کائنات ) اوج عالمی محتویدر : (۱) اورته دنیا ، (۲) یوقاریکی سما (۳) آشاغیکی سما

اورته دنیا — بدایتده ، ( بودون ) دورنده بالکز اورته دنیا تلقیسی واردی . برصولر، یربوزنده ایدیلر . بونلرک باباسی اولان ( اوغاتا )، ارضک کو بکنده اوطوروردی . بونک اوغوزلرده مرادفی اولان ( کوک خان ) دن مراد ( کره هواشیه ) ایدی ، اصل سما دکلدی . اورتهیه منسوب روحلر بدایتده دورت تصنیفده کی مقدس نوعلره آریلشدی . بالآخره بونلرده ( آق ) و ( قاره ) جنسلرینه آریلیدیلر . اوزمان آق اولانلر ( یوقاری



کوک، قاره اولانلرده ( آشاغی کوک ) حکمنه تابع اولدیله. انسانلر حال حیاتلرنده اورتہ دنیاده یشارلر . اورتہ دنیانک اسکی تورکجهده اسمی ( ژون = اجون ) در . اورتہ دنیانک منطقه لری ابتدا دورت ایکن، صوکر سکنر ، داهاصوکر اونیادی اولدی . یوقاریکی سما — ایل دینی ، یوقاریکی سمایی ابتدا ( اوج قات اوله رق تصورایتدی . اوغوزک صاغ قوی اوج اوقدن مرکب اولدینی ایچون ، یوقاریکی سمانکده اوج قات اولمسی طیبی ایدی . او حالده اوغوزلرک ( یدی تا کری ) سی درکه ( یدی قودای ) نامیله آلتای تورکرلرینک اوچنچی قات کوکنده قالمشدر . صوکرادن ، یوقاریکی سما، دوقوز ، داهاصوکر اونیادی قات اوله رق تصور ایدلدی . آشاغیکی سما — آشاغیکی سما ، ایلخانلق دینی تشکل ایتدکن صوکر تصور ایدیلدی . آلتای تورکرلرندہ بونک قاتلری یدی یاخود دوقوزدر . آشاغیکی سمانکده کمندینه مخصوص کونشی وارددر . فقط بونک رنکی قاره اولوب سیاه نورلر نشر ایدر . آتشک اوج نوعی — یاقوتلرده آتشک اوج نوعی اولمسی، بواوج عالمه نسبتله در .

### ۳ — دین اصطلاحلری

اسکی تورکر ، ایل دورنده دینه ( قوم ) نامی ویریرلردی . ( دیوان لغات ) دین کتایبهده ( نوم ) دیرلردی . ( جهانکشا ) ، ایل دینتک روحانی رئیس لرینه ( قویون ) ، کاهن لرینه ( قام ) ناملرینی ویریرلردی .

### ۴ — عبادتله

شامانیزم دورنده دورت موسمه مخصوص قوربان آیینلریله سنه نک اورتہ سنده کی بیوک قوربان آیینی واردی . ایل دورنده، اوغوزلرده ( شولن ) آدلی ضیافت واردی . اوغوزک یکریمی دورت بونی بوضیافتده حاضر بولونوردی . هر ایل کندی سوکوکندن بیهیلیردی . شوله نده ، اوزان قویوز چالهرق اوغوزنامه یی اوقوردی . ایلخانلق دورنده دمیر آیینی واردی . بونلر بیوک عبادتله اولوب ایریجدهده مرالاه ایچون قوربانلر کیلیوردی .